

مکتب کربلا


یا

وقایع دهه عاشورا

(جلد دوم)

اثر منظوم شادروان

آقای سید حسین کهنموئی



عکس مرحوم سید حسین کهنموئی

خوشا بحال کسانی که خوانده قرآن را زروی صدق پرستش کنند یزیدان را
از این جهان فنا بسته اند بار سفر به کور همره خود می برند ایمان را

ذیعقده ۱۳۸۶ - اسفند ۱۳۲۵

کتب کربلا

جلد دوم

اثر مرحوم جناب آقای حاج سید حسین کهنموئی

(متخلص به ریاضی)

۱۰	مقدمه
۱۵	قابض الارواح گلدی محضر میر حجازه
۱۶	یا رسول!... بوگون ترک ایله دون دنیانی سن
۱۹	یا رسول!... گوز آچ وضعیت اسلامی گور
۲۲	مصطفی رحلت ایدن گون مجلس شوری قورولدی
۲۴	تا مشرف اولدی زهرا محضر پیغمبره
۲۷	آغلما مندنصورا گول تک سولارسان فاطمه
۲۹	ایله دی مسجده زهرا باطلی رسوای حق
۳۳	گل جانویرورم آیرلورام سندن عم اوغلی
۳۶	جان اوسته توکوب گوز یاشیوی آغلما زهرا
۳۸	وقت ظهرده سولان گون عمرینون بهاری زهرا
۴۱	قویما آناسیز حسنینون آنا
۴۳	یانماسیدی باب زهرا ظلمیله شوری گونی
۴۶	حضرت زهرا اولوبدور چون حسینه حامله
۴۷	آغلما آغلتما زهرانی حسینیم آغلما
۵۰	شق القمر آثار قیامتدور الهی
۵۳	بیر ضربتیله کوفه ده شق القمر اولدی
۵۵	تک گوردیله اورنگ عدالتده علینی
۵۸	یا علی قازمشدی قبرون نوح پیغمبر سنون
۶۰	زبانحال حضرت امام حسین هنگام شهادت حضرت علی (ع)

کهنموئی، حسین، ۱۲۸۰-۱۳۵۴.
مکتب کربلا / اثر حسین کهنموئی (متخلص به ریاضی)؛ گردآورنده
محمد حسین عید یزدانی. تبریز: کاظم کهنموئی، ۱۳۷۷ -

ج ۲

۹۰۰۰ ریال : x - 056 - 350 - ISBN 964

فهرست نویسی براساس اطلاعات فیبا.

فهرست نویسی براساس جلد دوم.

۱. واقعه کربلا، ۶۱ ق. -- مراثی. ۲. مذهبی ترکی -- قرن ۱۴.

۳. شعر مذهبی -- قرن ۱۴. ۴. شعر فارسی -- قرن ۱۴.

۵. مرثیه و مرثیه سرایی.

الف. عبد یزدانی، محمد حسین، گردآورنده. ب. عنوان.

۷ م ۹۶ ک / ۵ / ۴۱ BP ۲۹۷/۹۵۳۴

۲۱۰۹۳-۷۸ م

کتابخانه ملی ایران

مکتب کربلا (جلد دوم)

مؤلف : مرحوم حاج سید حسین کهنموئی

ناشر : سید کاظم کهنموئی

نوبت چاپ : اول

تیراژ : ۱۰۰۰ جلد

تعداد صفحه : ۳۲۵

قطع : جیبی

شماره شابک : X - ۰۵۶ - ۳۵۰ - ۹۶۴

تاریخ و محل انتشار : تبریز - آذر ۱۳۷۸

چاپ و حروفچینی : ترقی تلفن ۵۵۶۵۵۸۵

لیتوگرافی : تصویر تلفن ۵۵۶۰۹۳۲

قیمت : ۹۰۰ تومان (اهدائی)

گرد آورنده : آقای محمد حسین عبد یزدانی

۶۲ آغلاما قارداش حسین آغلار تمام عالم سنه
 ۶۴ دفن اولوندی اونداه که توپراقلار آتدا بوتراپ
 ۶۷ یا علی غسلون و یروب دفن ایله دی اوغلون حسن
 ۷۰ یا مرتضی ماتم دوتوب اسلامیان آغلار سنه
 ۷۱ ختم اولور بوگون عزای مرتضی یابن الحسن
 ۷۴ جُعه مسموم ایله دون ایتدون پریشان حالیمی
 ۷۶ سواچدی حسن قتلنه اولدی سبب ئولدی
 ۷۹ یا رسول الله بو امت گورنه طغیان ایتدیلر
 ۸۲ کربلاده آچدی دین استادی دانشگاه دین
 ۸۵ قانیله قویولدی دین بناسی
 ۸۹ بیر عده یقین اهلی فدا اولدولای دینه
 ۹۴ دوندردی حسین گردش دنیانی بو گونه
 ۹۷ بوگونه حسین مذهب و ایمانی دیریتدی
 ۹۹ هر گون عاشورادی هر یر کربلادور مسلمین
 ۱۰۲ ای حسینیلر حسینون آنلیون منظورینی
 ۱۰۵ دینی خالق گوندروب دنیانی آباد ایله سون
 ۱۰۸ دنیاده بیلون هر نه مسلمان اولاجاقدی
 ۱۱۱ آغلاما ای نوکل گلزار اوغول وای اوغول ایوای اوغول
 ۱۱۴ آغلاما آغلاتما باجون ای عزیز جان ابوالفضل
 ۱۱۷ الله بیزی ایلمه خجالت

۱۱۹ قارداشیم عباس ئولوبدور قامتیم خمدور باجی
 ۱۲۱ باشون جداده گورمورم قارداش ابوالفضل
 ۱۲۴ زبانهال در شهادت حضرت علی اصغر
 ۱۲۷ اوغول یوخ - قارداشی یوخ - سس ویرن یوخ - دادخواهی یوخ
 ۱۳۰ ئورکدن چخماقون ممکن دگول اینجتمه جان ای اوخ
 ۱۳۲ خطاب شمر به اسراء بعد از بریدن سر امام
 ۱۳۴ خیمه لر اولاندی گل قارداش حسین
 ۱۳۶ نیزیه باشلار وُرولدی ظلمه نقصان اولماسون
 ۱۳۹ کربلایه کوفدن گلدی علی بن الحسین
 ۱۴۲ ای تاجر غم غصه بازرگانی زینب
 ۱۴۵ زینب که گیدوب شامه اسیر اولدی پریشان
 ۱۴۸ خروج اهلیت از شام
 ۱۵۱ اربعین - یا حسین یا حسین یا حسین
 ۱۵۴ قبر پاکوندور حسینیم طور سینا زینبه
 ۱۵۷ گلدیم بو توزلی قبره راز و نیازه قارداش
 ۱۵۸ دور حسینیم درس عشقی گورنه تحصیل ایله دیم
 ۱۶۱ دور حسینیم ایتدیقیم سوداده چوخ سود ایله دیم
 ۱۶۳ ایله دیم رسوا یزیدی شامده قارداش حسین
 ۱۶۶ شاکیم قارداش حسین اهل جفادن شامده
 ۱۶۸ تا قبر حسینیه یتشوب آل پیمبر

۲۱۹	بیر گون که امام عالمه سلطان اولاجاقدی
۲۲۲	اوندا که عصرین امامی عالمه سلطان اولار
۲۲۵	ای مسلمانلار سیزه قرآن کتاب الله دور
۲۲۸	قرآن اوخینلر - قرآنی بیلنلر
۲۳۲	معنی قرآنی مؤمن بیللمسه کافر بولر؟
۲۳۵	عزم خراسان گیدیروخ
۲۳۶	هر وعدۀ معهوده اجل اولماسا اولمان
۲۳۹	قرآنه عمل ایتموری قرآن اوخینلر
۲۴۲	راز و نیاز مکه

۱۷۱	تا قارداشنون آلدی سسین زینب مضطر
۱۷۴	روز و شب دائم حسینیه اوغلی سجاد آغلادی
۱۷۶	آغلادی جدی حسینیه اوغلی زین العابدین
۱۷۹	زبانحال حضرت زینب کبری پس از مراجعت از واقعه کربلا در مدینه بمادرش
۱۸۱	ای مسلمانلار به امر خالق رحمان سیزه
۱۸۴	محبس تاریک اولار دائم گلستان مؤمنه
۱۸۷	بار الها نه گوزل جای عبادتدور بویر
۱۹۰	ای خدا زندانیده محبوس بی تقصیره باخ
۱۹۲	معصومیه ای باد صبا گیت خبر ایله
۱۹۶	اوندا که مسموم اولوب موسی بن جعفر زهریله
۱۹۹	گل اوغول طوسه آتان جان اوسته دور جان آختارور
۲۰۱	رسیدن حضرت امام جواد ببالین امام رضا علیهما السلام
۲۰۳	سلام بر مرقد پاک امام رضا علیه السلام
۲۰۴	جهاندا رهبر دین آیت رحمت دی روحانی
۲۰۶	رحلت ایلوب دوتمشوخ عزا پیشوای اسلامیانه بیز
۲۰۸	ایدل ایتمه غفلت اولما بوالهوس
۲۱۱	هارداسان پیغمبر اوغلی هارداسان
۲۱۴	ای شیعه لر امام زمانین گلن کونی
۲۱۵	ایا عصرین امامی شریعت کلی سولدی

قالبض الارواح گلدی محضر میر حجازه

قالبض الارواح گلدی محضر میر حجازه
 قبض روحه مصطفادن ایتدی تحصیل اجازه
 گلدی دق الباب ایدوبدور فاطمه سسلندی کیمنسن
 جدیمون پوزقوندی حالی یوز ویرور بیر امر تازه
 ویردی زهرانون جوابین قالبض الارواح او دمدده
 بیر غریبم گلمیشم من چوخ اوزاق یولدان حجازه
 سس رسول ا... یتدی سسلدی ای نورددده
 قوی قیزیم گلسون بیر ایودن ایله مز او استجازه
 قالبض الارواح دور اوهادم اللذاتی دور او
 یاس ایدن عیشی سالاندور ایولری سوز و گدازه
 آلمیوب آلماز اجازه بیر نفردن قبض روحه
 تک آتان ممتاز اولوبدور بیله عالی امتیازه
 بیک حق اول یتوردی حق پیامین ایتدی اظهار
 حاملم من بو پیام کردگار بی نیازه
 اولساگر میلی حیاته آلمارو حین تیز قایت گل
 وار اگر میلی حضوره حاضر اولسون بزم رازه
 عقل کل فرمایش ایتدی رغبتیم یوخدور حیاته
 قبض روح ایت قور تولوم من یوخ دوامیم سوز وسازه

اوندا که پاکیزه تنندن آیریلوب دور پاک روحی
 انبیاء ارواحی گلدی مصطفایه پیشوازه
 مرتضی ایتدی رسوله غسل و تکفین اوز الیله
 گلدی امت دسته دسته دور دولار صف صف نمازه
 یا رسول... حسینون اولمادی غسلی حنوطی
 اوچ گیجه گوندوز قالوبدور بی کفن باشسیز جنازه
 غم قطاری شهر شامه یولاناندا قتلگهدن
 اهل بیتین میندوربلر اشتران بی جهازه
 سسلدی زینب حسینیم بیز اسیروخ شامیانه
 دور یولاسال کاروانی گیتمه بيله خواب نازه
 کهنمونئی یاریلن اول مجلس اغیاره گیتمه
 اهل حق اول اولما داخل جرگه اهل مجازه

یا رسول... بوگون ترک ایله دون دنیانی سن

یا رسول... بوگون ترک ایله دون دنیانی سن
 امته قویدون امانت عترت و قرآنی سن
 هر کسون ویردون جزاسین ایتدیقی اعمالنه
 بنده لوخ قیدندن آزاد ایله دون انسانی سن
 ایلدی رهبر جهانه خالق اکبرسنی
 ویردی قرآنی سنه گوندردی پیغمبر سنی

بیلدی هر کس بوجهاندا هادی و رهبر سنی
 باغلادون دنیاده اونلا عهدیله پیمانی سن
 درس قرآن امته ویردون که قرآن آنلاسون
 دین ندور بیلسون ، ندور معنای ایمان آنلاسون
 معنی انسانلوقی هر مرد انسان آنلاسون
 گورمدون راحتلوقی بیر لحظه و بیر آنی سن
 دین اسلامی هامی افراده اعلان ایلدون
 دینوی هر کس قبول ائتدی مسلمان ایلدون
 خلقه قرآن نورگدوب تبلیغ قرآن ایلدون
 ایلدون واضح عموم ملته ایمانی سن
 خلقتاً آزاد ایدوب خلقین خداوند مجید
 اصل ذاتندن بیلور کیمدور شقی کیمدور سعید
 ساتسا هر کس اوز اوزین ایتسه غلام زر خرید
 حکم تحریم ایتمسن بوباره ده عنوانی سن
 خلقه آندیردون سیزی خلق ایلوب خالق عزیز
 دولت اسلامده اولماز غلام اولماز کنیز
 هر زمان ظالمربله ایله دون جنگ و ستیز
 اهل ظلم و بدعته تنگ ایله دون دنیانی سن
 قویمادون هر ظالمی ظلمنده اقدام ایله سون
 قویمادون هر کافری تغییر احکام ایله سون

قویمادون دینسیزلری انکار اسلام ایله سون
ایله دون قرآنیهله محکم بیهله بنیانی سن
اوندا که دوتموشدی دنیانین یوزون ابر ظلام
اولمامشدی عالمون مخلوقنه حجت تمام
خالق عالم سنی گوندردی الده بیر کلام
تا تانتدوردون جهانه قادر سبحانی سن
سن کیمی یول گورسدن روی زمینه گلمیوب
بیر جماعت ملت اسلام تک دنجلمیوب
حیف اولاد خدمتلرون قدرین بو امت بولمیوب
مفته ویرمشدون بو قومه جنت اعلانی سن
عترت و قرآنی تاپشوردون گیدنده امته
سن که گیتدون سالدیلار امت علینی زحمته
ویل و وای اولسون بیهله دینسیز وفاسیز ملته
یاخشی تفسیر ایلمشدون دوره و دورانی سن
سن بیورمشدون بودین بو قومه نامفهوم اولار
سن بیورمشدون که زهریله حسن مسموم اولار
سن بیورمشدون حسین دنیاده چوخ مظلوم اولار
لعن ایدردون هر زماندا زاده سفیانی سن
سن بیوردون امته قرآن و عترت حیف دور
حفظ ایدون بو عزتی گیتسه بو عزت حیف دور

آتمیون بودینی بو اسلامی امت حیف دور
دین یولوندا امته ویردون هامی امکانی سن
کهنموئی جیدیون زحمتلرین ویرمه هدر
درس قرآن خلقه ویرعمرون گیدر دنیا گچر
وای او شخصه که اولاق قرآن و دیندن بی خبر
واجب ایت افراده تفسیر ایتماقا قرآنی سن

یارسول... گوز آج وضعیت اسلامی گور

یارسوا... گوز آج وضعیت اسلامی گور
گتدیقون قرآنه باخ تبدیل اولان احکامی گور
ادعای دین ایدنلر روح دینی سیخدیلا
آدلارین مسلم قویانلار دین یولوندا چخدیلا
مذهب و ایمان ایوین اوز اللریله یخدیلا
سیر ایله سیرزمانی گردش دورانی گور
چکدیقون زحمتلری ایتدی مسلمانلار هدر
اولدی ضایع باغ قرآن هر نه ویرمشدی ثمر
آز قالور هیچ قالماسون حق و حقیقتدن اثر
قبردن بیر قوزا باشون ایتدیقون اعلامی گور
ایستدون غالب اولادین اهلی قوم کافره
دعوت ایتدون امر بر معروف و نهی از منکره

ترک ایدوبلر امریوی مغلوب اولوب دشمنلره
 ضد دین و مذهب هرگون اولان اقدامی گور
 اوندا که قرآنی گتدون دینی اظهار ایله دون
 خواب غفلته یاتان مخلوقی بیدار ایله دون
 اهل حقه ویردون عزت ظالمی خوار ایله دون
 ایله بیر عطف نظر آغازه باخ انجامی گور
 صدر اولده بودین ادیانی مقهور ایله دی
 مقتدر دولتری تسلیمه مجبور ایله دی
 حیف اولادین اهلی آخر دینی منفور ایله دی
 امت پیغمبره باخ گتدیقون پیغامی گور
 نام دینیه بوگون بنیان دین اولدی شکست
 بادهی جهل و ظالمتدن هامی مخمور و مست
 بیر جماعت پیروان دین حق بی سرپرست
 ای حقیقی پیشوا بی سرپرست ایتمی گور
 ایتمدی قرآن و مذهب ملتین دنیاده خوار
 گیتدی غفلت سایه سنده اللریندن اقتدار
 پیرو اسلام اولان اسلامه اولدی ننگ و عار
 دولت اسلامه باخ بیر ملت بدنامی گور
 عالمه زندان تانیتدون دینسیز دنیانی سن
 ایستدون اجر رسالت حب ذی القربی سن

امته ویردون امانت عترت و قرآنی سن
 امتوندن بویکی نوره اولان اکرامی گور
 بیر جماعت دوتدی قرآنی آتوبلار عترتی
 عترتون حقنده افراط ایتدی بیر جمعیتی
 دوشدی آیری بیر بیریندن گیتدی دینون عزتی
 کعبه مقصود غیره باغلانان احرامی گور
 سلب اولوب اسلام و قرآن ملتندن اعتبار
 سست عنصر لوخ آلوبدور اللریندن اقتدار
 باطله ترویج ویرما خلوق ایدوبدور بی وقار
 قان توکن صیاد النده بوشکار رامی گور
 سن اوزونده عترتونده پرتو افشان اولموسوز
 تابع حق پیرو اسلام و قرآن اولموسوز
 جان ویربسوز دین یولوندا دینه قربان اولموسوز
 دؤذدوقوز محنتلره باخ چکدیقون آلامی گور
 عالمی حیران قویوب اوغلون حسینون خدمتی
 ایلدی دنیاده رسوا اهل ظلم و بدعتی
 خلقه اعلام ایلله دی آزاد لوقی حریتی
 قتلگاه عشقندن جان تاپشوران هنگامی گور
 سسلنور سیزده عرب منده عرب الدورمیون
 قویمادیم من دینده بدعت بی سبب الدورمیون

سویانندا بو غریبی تشنه لب الدور میون
 شمر سسلندی حسین ایلور نه فکر خامی گور
 بیز گرک دشمن بیزه یالوار سادا رحم ایتمیخ
 تابع حکم امیر لشگروخ کج گیتمیخ
 سوکنارینده سوسوز جان ویرسه سیراب ایتمیخ
 خیمه لرده ناله اطفال تشنه کامی گور
 شمر سسلندی حسینه ای سوتک قانی آخان
 فخر ایدورسن بیزلره ساقی کوثر اوغلو سان
 سسله گلسون سوگتورسون ویرمه سن لب تشنه جان
 صون نفسه آب کوثر دن لبالب جامی گور
 کهنموئی حق او نور حق دی خاموش ایتمدی
 باطل اهلین اوز مرامیله هم آغوش ایتمدی
 دین سوتلر خدمتین دنیا فراموش ایتمدی
 شامده مدفون اولان بیر دختر ناکامی گور

مصطفی رحلت ایدن گون مجلس شوری قورولدی

مصطفی رحلت ایدن گون مجلس شوری قورولدی
 رأی شورادن اساس - یوم عاشورا قورولدی
 ترک ایدن وقته جهانی حضرت ختم رسالت
 باشنی آلدی دیز اوسته آغلادی میر هدایت

گوزلرین آشدی بویوردی بل اولوب غصب خلافت
 خیمه عدل اولدی چیده خرکه ایذا قورولدی
 بیرده گوز آجدی پیمبر سویلدی روح الامینه
 تک قویار قارداشی قارداش بو زمان ای بی قرینه
 عرض ایدوب مشغولیدیم من زینت خلد برینه
 مجلس جشن ورود سید بطحا قورولدی
 بیر طرفده زار و حیران متصل آغلار حسینی
 دیده تر سویلور بابام وای جدینون نور دوعینی
 هر طرفدن مجتبانون هر دم آرتار شوروشینی
 خاندان مصطفی ده بزم غم افزا قورولدی
 طالبان عزو جاهی تولادی دنیای جیفه
 مصطفی دفن اولمامشدی نشر اولوب حکم سقیفه
 داندیلار امر خدانی ایتدیلر غصب خلیفه
 بزم ظلم و جور اعداء اولدی پا برجا قورولدی
 مرتضی مشغول اولان دم غسل و تکفین رسوله
 وردی بیر رخنه سیاست دین و آئین رسوله
 تازه بدعت قویدی امت مذهب و دین رسوله
 هر طرفده اجتماع شورش و غوغا قورولدی
 آیه اثری دانوبلار قویدولار اسلامه بدعت
 جبريله زهرا النندن آلدیلار اوز ملکین امت

حق یرینده اوتدی باطل غالب اولدی نوره ظلمت
 روز نور افزا یخلدی لیله یلدا قورولدی
 ویردیلر اجر رسالت اهل بیت مصطفایه
 ظلم الیله اود وروبلاز مهبط وحی خدایه
 بو یانار اوددان دوشوبدور بیر شراره کربلايه
 خیمه گاهه اود وراندا محشر کبری قورولدی
 خیمه لر یانندی داغلدی چوللره اولاد اطهار
 طاقتی اولموب قیامه اود ایچینده قالدی بیمار
 اوز اوزین اودلاره وُردی تا چخارتدی زینب زار
 بو وفا اولموب او گوندن قبه خضرا قورولدی
 کهنموئی حق سوزون یاز دورما سنده باخما حیران
 گورمیسن اسلامی ایلور ملعبه هر نامسلمان
 اولدی قانون اوروپا ناسخ احکام قرآن
 اوندا که مشروطه آلدوز مجلس شوری قورولدی

قامشرف اولدی زهرا محضر پیغمبره

تا مشرف اولدی زهرا محضر پیغمبره
 بو دلیله عرض شکوی ایلدی اولسروره
 بوملاقاتی باباسن مزده ویرمیشدون منه
 گلدیم اما شاکیم اوز امتوندن من سنه

قابض الارواح او دم که قبض روح ایتدی سنی
 اولدی قلب فاطمه دردو مصیبت مخزنی
 امته تاپشورمادون آیا امانت سن منی
 گورنه رفتار ایتدیلر گلدیم نولنجه شیونه
 دینه دینسیزلر سنون دوزنده تمکین ایلدی
 آیری دین پیرولری قرآنی تحسین ایلدی
 امتون خلقی ولی اسلامه بدبین ایلدی
 غالب اولدی لیله تاریک روز روشنه
 نعشوی یرده قویوب شورانی تشکیل ایتدیلر
 سن خلیفه اتدیقون شوراده تبدیل ایتدیلر
 آیه ارثی منیم حقیقده تاویل ایتدیلر
 جعل ایدوبلر بیر حدیثی ویردیلر نسبت سنه
 چکدیلر شیر خدانی بیعت اوسته مسجد ده
 بی رداوبی عمامه دست بسته مسجد ده
 منده آردنجاگیدردیم زار و خسته مسجد ده
 قویمیم ملک سلیمانی یته اهریمنه
 مسجده گتدیم فدک موضوعین عنوان ایلدیم
 ظلمنی ظالمترین دنیایه اعلان ایلدیم
 تاسقیفه سرینی خلقه نمایان ایلدیم
 اهل حق سربلند ایتدیم یتوردیم ایمنه

سینه می بو مدتی نار فراقه داغلا دیم
 صورته سیل سرشکی فرقتونده باغلا دیم
 قویمیوبلر شهریده چوللرده گیتدیم آغلا دیم
 گوز یاشین باران کیمی جاری ایدردیم دامنه
 اُمته تاپشوردیقون زهرایم ای باب کبار
 ویردیلر بیرگون درودیوار آراسندا فشار
 ایمدی سینمده همانکی صدمه نین آثاری وار
 اُمتوندن ایلرم شکوی خدای ذوالمنه
 اونداکه امر خدائیه قورولدی دادگاه
 ملجاء خلق اولدی دیوانخانه عدل اله
 سقط محسن اَدعاهه الدهه بیر عادل گواه
 عرضحالی ایلرم تنظیم علیه دشمنه
 سن بیلوردون اَمّتین سندنصورا شورا سینی
 شرح ویردون مطلبین صغراسینی کبراسینی
 سن خبر ویردون حسینون یوم عاشورا سینی
 آگه ایتدون ظلم و جور زاده دولجوشنه
 وای او گوندن اُمّتون اطفالون ایلر دستگیر
 داد او گوندن که قیزیم زینب اولار شمره اسیر
 آه او گوندن سسلنور دشمن بودور حکم امیر
 هر تُولن وار اوز قبیله اهلی قویسون مدفنه

بیر نفر دفن ایتمسون اما حسینون پیگیرین
 قویماسون قبره بیلکدن قطع اولونموش اللرین
 کسدی گوردوخ بَجْدَلی انگشته انگشترین
 پیرهن ده قویمیون قالسون اوپوزقون گلشنه
 کهنموئی گورموسن دنیانی عبرتخانه دور
 شامده قصر یزید بی حیا ویرانه دور
 نورباراندور رقیه قبری گوهر دانه دور
 عمه سی زینب امانت تاپشوروبدور مخزنه

آغلاما مندنصورا گل تک سولارسان فاطمه

آغلاما مندنصورا گل تک سولارسان فاطمه
 بویاخونلو قدامنه ملحق اولار سان فاطمه
 حَمَدلله باشه ویردیم نقشه آمالیمی
 ایتدیم ایقای وظیفه روز و ماه سالیمی
 آغلاما جان اوستیم ایتمه پریشان حالیمی
 آغلاما مندنصورا گل تک سولارسان فاطمه
 سن بیلورسن نه اذیت لر ایدوب امت منه
 رنج و محنت دن خلاص اولدوم یتشدیم ایمنه
 آغلاما بوندانصورا آغلار قیزیم جدون سنه
 آغلاما مندنصورا گل تک سولارسان فاطمه

دین و قرآنی مسلمانان ایدوبلر مبتذل
 امربر معروف و نهی از منکره اولماز عمل
 اّمته اشرار اولار والی یتر دینه خلل
 آغلاما مندنصورا گل تک سولارسان فاطمه
 آیریلان وقتینده جّدون عالم امکانیدن
 شریله تعریفین ایتمه گنج بیله عنوانیدن
 ذکر ایله (الْاَرْسُولُ قَدْ خَلَتْ) قرآنیدن
 آغلاما مندنصورا گل تک سولارسان فاطمه
 من که ئولدوم بو وفاسیز اّمّتیم حدّن چخار
 دین ایوین شورائیلله صوری مسلمانلار یخار
 غصب ایدن حقّون در و دیوار آراسیندا سیخار
 آغلاما مندنصورا گل تک سولارسان فاطمه
 مهبط وحی خدا دور بو ایوین وار حرمتی
 پیک حق اذن ایستدی مندن هماندور علتی
 اّمّتیم اما مراعات ایلمز بو حرمتی
 آغلاما مندنصورا گل تک سولارسان فاطمه
 ای منه ریحانه ای باغ رسالتدن ثمر
 چکد یقیم زحمتلری اوز اّمّتیم ایلر هدر
 جدّ و جهد ایللّه بلکه قالمیه دیندن اثر
 آغلاما مندنصورا گل تک سولارسان فاطمه

نعشیمی یرده قویوب بیر شورش و غوغائیلله
 غصب حق مرتضی تصویب اولار شورائیلله
 کشف اولار سرّ سقیفه خلقه عاشورائیلله
 آغلاما مندنصورا گل تک سولارسان فاطمه
 بوجفاو جوریدن سرمشق آلاز سفیانیان
 کربلاده الدورر اوغلون حسینی شامیان
 جسمنی اوراق ایدر قرآن کیمی قرآنیان
 آغلاما مندنصورا گل تک سولارسان فاطمه
 آغلاما اوغلون حسینه کربلاده آغلاسان
 قتلگاهینده اونون گوز یاشلی سینه داغلاسان
 عالم معناده قانلو گوزلرین سن باغلاسان
 آغلاما مندنصورا گل تک سولارسان فاطمه
 کهنموئی جان ویرنده حضرت ختمی مآب
 بو طریقیله قیزی زهرا یه ایلردی خطاب
 تیز منه ملحق اولورسان ایلمه چوخ اضطراب
 آغلاما مندنصورا گل تک سولارسان فاطمه
 ایله دی مسجده زهرا باطلی رسوای حق
 ایله دی مسجده زهرا باطلی رسوای حق
 طالبان حقه ویردی درس استیفای حق

هر کسین هر کسده واردور حقی مطلق ایسته سون
 مومنی قرآن و دین قویماز که ناحق ایسته سون
 حقی ویرمزلر گرکردور صاحب حق ایسته سون
 ایله سون ناحقی رسوا هر زمان دارای حق
 دین بیزه تعلیم ایدیر دنیاده مظلوم اولمیون
 حقوزی حفظ ایلیون حقوزده محروم اولمیون
 اولماسون باطل قوی تاسیزده مغموم اولمیون
 اولمیه مستور باطل صورت زیبای حق
 بوسوزوم واضحدی گون تک هامیه معلومدور
 ظالمون ایجادینه باعث اولان مظلومدور
 دادگاه حقیقه مظلوم اوزی محکومیدور
 سالماساهر یرده هر مجلسده بیر غوغای حق
 گر چه بیر عده فریب خلقی باشند آتموری
 چوخلاری بیدار اولوب لای لای سسیله یاتموری
 دینینی ایمانینی دنیادن آتری ساتموری
 خلقی دعوت حقه ایلور عاشق شیدای حق
 چوخلاری ناحقدی اما حقیله مشهور دور
 دورینه جمع ایلیوب بیر عدهنی مغرور دور
 بوسببندور حقیقت پرده ده مستور دور
 خلقه معلوم اولموری مفهوم حق معنای حق

حق طرفداری گرکردور حقی اظهار ایله سون
 خواب غفلته یاتان مخلوقی بیدار ایله سون
 حقه رونق ویرما قیله باطلی خوار ایله سون
 آشکار اولسون جهانه قامت رعناى حق
 خالق ارض و سمادور خالق سبحان حق
 ایلیوب نازل رسول اکرمه قرآن حق
 طالبان حقه اولسون حجت و برهان حق
 تا اولا هر بیر مسلمان عالم و دانای حق
 بوسبیدن هر مسلمان ایدوب حجت تمام
 باغلادی عذر و بهانه یولارین ربّ الآتام
 تا اولاخ قرآنه عامل سوز بوسوز دور لاکلام
 هر زمان موجه گلور باشند آشور دریای حق
 ایتدیلر بیر عده قرآنی وسیله باطله
 صاحب حقه بو مطلب ایله دی تأثیر ایله
 ایستدی زهرا عمومه واضح اولسون مسئله
 گوردی باطل ایلوری حيله ایدوب ایفای حق
 بیر جماعت منکرین حقیقی مسروریدی
 اصل مطلب پرده ده بیر عده مستور یدی
 سری فاش ایتما خلوقا زهرا اوزی مأموریدی
 صورتاً عورت ولی بیر ناطق گویای حق

مسجده گلدی نه مسجد خاص و عامین مسکنی
 منبع آب زلال حق حقیقت معدنی
 دادگاه حق پرستان چاره سیزلر مأمنی
 محفل حق مرکز حق مجلس شورای حق
 حیف اولاً باشد رئیس دولت تازه نفس
 اگلشوبدور منبر اوستنده او مرد بوالهوس
 غضب ایدوب حق علینی یوخ اونا بیر دادرس
 اهل حقه اعتنا ایتمور ایدور ایدای حق
 ایتدی فرمایش نندور اولموسان دینه جری
 حق مشروعدنن ایتدون صاحب حق بری
 دین بیله اولسا تاپولماز بیله دینه مشتری
 حق دیمز دنیاده بیر کس ایلمز اجرای حق
 گورمدی بیر چاره اهل مجلسه ایتدی خطاب
 سیز یغشدوز اولدی بو ظالم ایشنده کامیاب
 ایله دی غضب فدک یوخدور مگر روز حساب
 صاحب حقه ایدر بیر گون خدا اعطای حق
 چندی مسجدن گیدوب گوردی امیرالمومنین
 اگلشوبدور ایوده یالقوز دل پریشان دل غمین
 سسلدی یابن ابیطالب سن اول خانه نشین
 آشکارا ظلمیله غارت اولاکالای حق

ایتدی فرمایش دایان زهرا دایان صبر ایت دایان
 سن بیلورسن که علیدور حق مشروعین آلان
 دشمنه شمشیر اگر چکسم دئیلزم بو اذان
 فرقه باطل ایده لار پرده ده اخفای حق
 سویلدی زهرا عم اوغلی دینرم صبر ایلم
 من بویولدا تاب هر بیر ظلم و هر جبر ایلم
 بستر راحت بو یورقون جسمیمه قبر ایلم
 ایلمر بوقوم الندن جذیمه شکوای حق
 ظاهرأ مغلوب اولوب زهرا مرامه یتمدی
 اولدی ساکت مسجده حقندن اوتری گیتمدی
 هر نه توهین ایتدیلر بیر کلمه اظهار ایتمدی
 بودایانما خدا ایدوب هر دوره ده ابقای حق
 کهنمویی سن آنان زهرا دن نورکش دین سوزین
 دیننون احیاسنه قربان ایدوب آخر اوزین
 دین یولوندا جان و یروب یومدی بو دنیادن گوزین
 هر زماندا ذکر ایدر بوسوزلری دنیای حق
 گل جانویرورم آیرلورام سندن عم اوغلی
 گل جانویرورم آیرلورام سندن عم اوغلی
 آیریلما نقدر تئولمه میشم مندن عم اوغلی

هر آن نُولوم آثاری اولور منده نمایان
 سون و قتلریمدور منیم ای سرور دوران
 قرآن سَسوی چوخ سَوَرَم سن اوخی قرآن
 آیریلما نقدر نُولمه میشم مندن عم اوغلی
 بلبل ستم خاريله آیریلدی چمندن
 من دویمارام عالمده حسینله حسنندن
 آز قالدی چیخا فاطمه نون روحی بدندن
 آیریلما نقدر نُولمه میشم مندن عم اوغلی
 هرگز دیمرم آغلما، یان سینه وی داغلا
 جان تاپشورورام آغلا ساق اولسون باشون آغلا
 قوی فاطمه نُولسون گوزون اوندانصورا باغلا
 آیریلما نقدر نُولمه میشم مندن عم اوغلی
 جانیم سنه قربان اولای میر هدایت
 واردور بیلوسن سینۀ زهراده جراحت
 تاپشور ملک الموتۀ آلا جانیمی راحت
 آیریلما نقدر نُولمه میشم مندن عم اوغلی
 از بس ایلیوبله بو جماعت منه توهین
 تشییعمه قویما گله لر دفن ایله گزلین
 قوی قبره منی نصف شب ایت قبریمی ایتگین
 آیریلما نقدر نُولمه میشم مندن عم اوغلی

یوخدور بیلورم آیریلقون در دینه چاره
 هیهات گوزم گل یوزوی بیرده دوباره
 گل آل دیزون اوسته باشیمی گیتمه کناره
 آیریلما نقدر نُولمه میشم مندن عم اوغلی
 جدیم اوزی فرمایش ایدوب تیز نُوله جاقسان
 چوخ اینجمیسن شاداولا جاقسان گوله جاقسان
 دین خدمتین قیمتین اوندا بوله جاقسان
 آیریلما نقدر نُولمه میشم مندن عم اوغلی
 فاسق چالیشور ثروت دنیانی آپارسون
 مؤمن چالیشور قبرینه ایمانی آپارسون
 گلدی بودی جدیم اوزی زهرانی آپارسون
 آیریلما نقدر نُولمه میشم مندن عم اوغلی
 چوخ اینجمیسن رنجش درد و محنیمده
 بیر زحمتیم آرتار سنه غسل و کفنییمده
 پیراهنیمی قوی قالایورقون بدنییمده
 آیریلما نقدر نُولمه میشم مندن عم اوغلی
 بیر غم دیمه هرگز قویار آسوده من نُولم
 دشمن کسه جاق اوغلوم حسین باشنی بیلم
 خولی ایوینه شام غریبانینه گلم
 آیریلما نقدر نُولمه میشم مندن عم اوغلی

دنیاده ریاضی سایلور شعبه لروندن
آگاهیدی یا حارث همدان خبروندن
هنگام شفاعت اونی سالما نظرونندن
آیریلما نقدر نولمه میشم مندن عم اوغلی

جان اوسته توکوب گوز یاشیوی آغلما زهرا

جان اوسته توکوب گوز یاشیوی آغلما زهرا
قوی دیزلریم اوسته یاشیوی آغلما زهرا
خار ایتدی اذیت سنه هر غنچه گولندن
بلبل گله آغلاردی بو آزاری بولندن
بیر سن منیله همدیدون جدون نولندن
جان اوسته توکوب گوز یاشوی آغلما زهرا
سنسیز یتشه بیرده علی ایمنه مشکل
اشگ ترینی توکمیه بودامنه مشکل
بو آیرلوخ اولدی سنه مشکل منه مشکل
جان اوسته توکوب گوز یاشیوی آغلما زهرا
ظهر اولدی اجل ایستوری سایه سنه سالسون
ایمدی ملک الموت گلور جانیوی آلسون
دفنیم دیوسن قوی گیجه نصف شبه قالسون
جان اوسته توکوب گوز یاشیوی آغلما زهرا

گرچه بیلورم وار بو وصیتلره علت
چوخ اینجیدوب امت سنه چوخ ویردی اذیت
الله اوزی بوبارده ایملر حکمیت
جان اوسته توکوب گوز یاشیوی آغلما زهرا
سن آغلما گورنه حسنینیم سنه آغلار
گوز یاشی توکر نور دو عینیم سنه آغلار
ایوای آنا وای دلده حسنینیم سنه آغلار
جان اوسته توکوب گوز یاشیوی آغلما زهرا
دین امر ایلیوب میتی قویما گیجه دفن ایت
تشییع جنازه نئجه ایله نئجه دفن ایت
نه سوزدی دیورسن منی گزلین گیجه دفن ایت
جان اوسته توکوب گوز یاشیوی آغلما زهرا
بو قاعدهنی رسم ایلیوب مذهب و آئین
موتنده حیاتنده گرامی اولامؤمن
آغلتما دیسمه ایله منیم قبریمی گزلین
جان اوسته توکوب گوز یاشیوی آغلما زهرا
قیز گورسه آنا نعشنی یرده باخار آغلار
قلبی گلی هر لحظه ده درده یانار آغلار
گوز یاشی توکر عارض زرده آخار آغلار
جان اوسته توکوب گوز یاشیوی آغلما زهرا

زینب نئجه گور ایوای آنام وای دیور آغلور
 اشگ بصری صفحه رخسارینه باغلور
 بیر وضعیله آغلور که یانان دیلّری داغلور
 جان اوسته توکوب گوز یاشیوی آغلاما زهرا
 دنیاده ریاضی عزیز عمرون باشایتدی
 هیچ بیلمدون آیا نئجه گلدی نئجه گیتدی
 زهرائیله بونوعی علی دردل ایتدی
 جان اوسته توکوب گوز یاشیوی آغلاما زهرا

وقت ظهرده سولان گون عمرینون بهاری زهرا

وقت ظهرده سولان گون عمرینون بهاری زهرا
 نصف شبده دفن اولوندی جدی یادگاری زهرا
 آشکارآلندی حقی - نعتی دفن اولوندی مخفی
 تیره روزگاری زهرا

رحلت ایلینده جدی تاپشوروب اونی امانت
 هر بیر عضونی بدنده ویردی سالم و سلامت
 گچمدی اوقدری اُمت ایتدیلر اونا خیانت
 بی وفالرین الیندن گوردی دَر فشاری زهرا
 رسمدور آغاجدا میوه نارس اولسا تیز دریلمز
 گورمه فشار و صدمه توپراق اوستنه سریلمز

سسلدی که فضه تُولدوم حالیمی بیر اوزگه بیلمز
 گل علینی سسله گلسین اولدی غم شکاری زهرا
 غنچه بیر گلی چمندن سرصر خزان آپاردی
 ظلم و جور اشقیادن محشره نشان آپاردی
 سقط الوب بالام یخلدوم توپراق اوسته قان آپاردی
 گورنه حاله قالدی فضّه لیل اولان نهاری زهرا
 سعی ایدلّه بوجماعت ایتمه سین علی خلافت
 داندیلار غدیرخمی ایللیوبله نقض بیعت
 شایع اولدی خلق ایچینده نه فدک ندور وصیت
 قبرینه گرگ آپارسون قلب داغدار زهرا
 آتش ستم شراری قلب ماسوانی داغلار
 اوز رعیتی امامین قولارین طنابه باغلار
 وای قیزیم دئیر خدیجه سس چکر پیمبر آغلار
 جدینه نشان ویرنده نیلگون عذاری زهرا
 فضّه جبریلّه آلolar ملکیمی منیم الیمدن
 من تُولنجه چکمرم آل سالمارام سوزین دیلمدن
 تابو انتقامی خالق آلمیوبدی قاتلیمدن
 خشک اولا بیرآنی قویماز چشم اشکباری زهرا
 ویرسه اذن اگر عم اغلوم مسجده گذار ایدم من
 بو اسفلی حالتیله حقی آشکار ایدم من

غاصب ستم شعاری خلق ایچینده خوار ایدم من
 کسب ایدر بو خدمتده عین افتخاری زهرا
 یاسلیم عزالیم من سسلرم اودور بابام وای
 گلمدی هانی عم اوغلو تا دیم اونا یارام وای
 آغلوری حسن حسینیم زینبیم دیور آنام وای
 صفحه عذاره باغلور دیده آبشاری زهرا
 صبر ایدوب دوزوب دایانام چوخ بلایه آرزماندا
 سیلی ضربه سینده گوردوم حقیقی عدو داناندا
 سینمه شراره یتدی اوت دوتوب قاوم یاناندا
 توش ایدر گلن بلایه چشم زخمرداری زهرا
 ظلم و جور دشمن اولدی جور اشقیایه سرمشق
 شایقم که صبریم اولسون آل مصطفایه سرمشق
 اولماسا سقیفه ظلمی ظلم کربلایه سرمشق
 خیمه گاهده گورنمز نار پر شراری زهرا
 اوندا که قشون توکلدی خیمه لر تالاندی یاندی
 وامحمدا صداسی اوج ایدوب گوکه دایاندی
 زینبیم دئیر سویولدوخ داده گل حسین آماندی
 گورمسون عدو آیینده آرتدوقی خماری زهرا
 ئولمیبودی کهنموئی وار نقدری روحی تنده
 طالبان عز دنیا مال و جاهه فخر ایدنده

فخر ایدر بونا جهاندا خادم حسینیه منده
 وارسنون شفاعتونده چشم انتظاری زهرا

قویما آناسیز حسنینون آنا

آغلاما آغلاتما حسینون آنا
 قویما آناسیز حسنینون آنا
 جدیمزون غصه سی قورتولمیوب
 عترتون ناله سی قورتولمیوب
 وای بابام ای وای سسی قورتولمیوب
 قویما آناسیز حسنینون آنا
 ای آزی آئینه قدرت نما
 بیر نظری درد فراقه دوا
 قولاریوی آچ آنا سال بوینوما
 قویما آناسیز حسنینون آنا
 اخذ ایلوبو عشقین یکی شرطنی
 نقش ایله دیم دلده وفا سطرنی
 سندن آلاردیم بابامون عطرنی
 قویما آناسیز حسنینون آنا
 اشگ توکر چشم چو ابرون سنون
 صبری سالوب حیرته صبرون سنون

ایستیسن ایتگین اولاقبرون سنون
 قویما آناسیز حَسَنینون آنّا
 رحم آناتک بیر اوشاقا کیم ایلر
 آغلاساگوز یاشین اونون کیم سیلر
 دردین آناسیز بالاتین کیم بیلر
 قویما آناسیز حَسَنینون آنّا
 بسله میسن لوءلوء مرجان کیمی
 حفظ ایلدون دستۀ ریحان کیمی
 بیرده آل آغوشه منی جان کیمی
 قویما آناسیز حَسَنینون آنّا
 من آنّا سند نصورا زار آغلارام
 ایلمرم صبر و قرار آغلارام
 صبح و مسایل و نهار آغلارام
 قویما آناسیز حَسَنینون آنّا
 گور آنّا بو دیدۀ گریانیمی
 شانۀ ایلۀ زلف پریشانیمی
 سالما فراق آتشینۀ جانیمی
 قویما آناسیز حَسَنینون آنّا
 چوخ آتامی انجدوب اهل جفا
 بیر سنیدون همدم و یاور اونا

بیکس آتام قویماکمک سیز قالّا
 قویما آناسیز حَسَنینون آنّا
 گیتسون آپار جدیمه مندن سلام
 عرض ایلۀ وار اوغلون حسیندن پیام
 سویلور آناسیز باباسیز قالموشام
 قویما آناسیز حَسَنینون آنّا
 سید حسینون بیزه وار نسبتی
 شعرۀ ریاضی یازیلور شهرتی
 سنده قبول ایت او ایدن خدمتی
 قویما آناسیز حَسَنینون آنّا

یانماسیدی باب زهرا ظلمیلۀ شوری گونی

یانماسیدی باب زهرا ظلمیلۀ شوری گونی
 خیمه گاهی زینبون یانمازدی عاشورا گونی
 حکم قرآنۀ اوگونکی گوندۀ اولسیدی عمل
 مطلقا اولمازدی برپا جنگ صفین و جمل
 هم دولانمازدی حسینون قائلو باشی آل به آل
 ایلمزدی پردۀ رخ صورت زیبا گونی
 اولماسیدی جانشین مصطفی خانه نشین
 ایتمسیدی ضرب دَرَدَن فاطمه سقط جنین

زینبی یخماز دی پشت پائیله شمر لعین
 معجرین ایتمزدی غارت اشقیا دعواگونی
 ایتمسیدی حقیله باطل اوگون جنگ و جدل
 بیر به بیر احکام قرآنه ایدردی خلق عمل
 دین اسلامه یتشتمزدی بونوعیله خلل
 روشن اولماز دی جهاندا کافر و ترساگونی
 چوخلارین خارج ایدوب دنیای جیفه دیندن
 نفسنه تابع اولوب چخدی خلیفه دیندن
 چخماسیدی سرنشینان سقیفه دیندن
 دین ایوین یخماز دی شمر بی حیا هیجاگونی
 زور یله غصب اولماسیدی بو خلافت منصبی
 قورخودان گزلتمسیدی مردم اصل مطلبی
 دستگیر اشقیا اولماز دی اولاد نبی
 گوزلرینده ایله مزدی لیله یلداگونی
 چخماسیدی هر ستمگر منبر پیغمبره
 ورماسیدی بند ذلت بازوان حیدره
 کوفه دن گلمزدی بو فرمان امیر لشکره
 باغلا اطفالی طناب ظلمیله ایذاگونی
 گر ابوبکر ایتمسیدی غصب املاک فدک
 بیر کس ایتمزدی خلافت امرینه إلقاء شک

کربلا ده روز عاشورا حسین قالماز دی تک
 تیره گون اولماز دی گوزده زینب کبری گونی
 اوندا که گوردی اولوب قارداشی خندان گل کیمی
 سینه سینده باش باش اوخلار چاتوب سنبل کیمی
 باشلادی شور و نوا شوریده بیر بلبل کیمی
 ایله دی بیله مخاطب بلبل شیداگونی
 ای گون اینجیتمه حسینی بیکنن دور بیکنن
 گورمسن رحم ایلین یوخدور اونا رحم ایله سن
 اولما راضی تابشوندن اینجسون باشسبز بدن
 ممکن اولسا گیت بولود آتدا حق یکتاگونی
 ای گون آرتدوقجا ستملر - آرتوری نورین سنون
 وار بوسوز و بو حرارتدن نه منظورون سنون
 فرض ایداخ مجروح اولیدی پیکر عورون سنون
 تیره شب خلقه ایدردون بیله نور افزاگونی
 تاپمادون بیرگون طلوعنده حسینی خوابده
 دائماً گوردون عبادت وقتی پیچ و تابده
 بوگونی اما یاتوبدور قائلو بیر محرابده
 تا اولوب لیله مبدل عترت طاهاگونی
 ایتمدی اوز خدمتدن قارداشیم هرگز قصور
 هر یارا بوزخمدا ره آرتورور وجد و سرور

قائلو توپراقدا یوزی عرض ایلور ای ربّ غفور
دست خالی ایلمه اوز بنده وی سودا گونی
کهنموئی گون کیمی قالماز حقیقت ابرده
عاقبت شیرین ثمر وار ناگوارا صبرده
اهل حق نولمز اگر یاتسا مین ایللر قبرده
سر بلند ایلر اونی حق محشر کبری گونی

حضرت زهرا اولوبدور چون حسینه حامله

حضرت زهرا اولوبدور چون حسینه حامله
خاتم پیغمبر انون گلدی منظوری آله
سیم شعبانیده سلطان عالم غیبدن
امر اولوب صبحون زمانی دار دنیا یه گله
دولدوروب سرتاسر آفاقی شور یا حسین
ایستدی خالق حسینون شائین عالمر بوله
حق بو مولوده اوزی بیر عید مولود ایله دی
امر ایدوب لعیا گلوب اولسون حسینه قابله
عرشینه زینت ویروب فرمایش ایتدی جبرئیل
عرشدن فرشه نزول ایت اول بومولوده لّله
چون قدم قویدی تراب اوسته حبیب لم یزل
باشلادی رازونیا زی حضرت معبودیله

اول عمرینده قویدی مه جبینین سجده
شکر ایدردی درگه خلاق وحی عادله
بیرده آخر عمریده بیر سجده شکر ایلدی
سجده آخر قیاس اولمازدی هرگز اوله
دستماز آلمشدی قانیله بدن مجروحیدی
پیکری مستور یدی زخم سنان و تیر یله
بیر طرفده زینبی چخمشدی حیران خیمه دن
بیر طرفده خولی شمر و سنان و حرمله
خنجر بزّان النده بیرده شمر بی حیا
باشی اوسته منتظر دور مشدی بیر منظوریله
گوردی سجده طول اولور کسدی قفادن باشینی
نیزیه باشی اوجالدی دیلده کی تکبیر له
نولماقین ویردی خبر بونحو یله اولادینه
جمله سی بیلسون اسیر اولماخلقین تعجیل یله
بسدی یازما کهنموئی سنده بو جرأت ندور
اود دوتار الده قلم یازسون اگر بو طرز یله

آغلما آغلاتما زهرانی حسینیم آغلما

جانویرنده فاطمه بنت رسول عالمین
گوردی چوخ آغلور حسینی سسلدی ای نور عین

آغلاما آغلاتما زهرانی حسینیم آغلاما
 آغلادان ارض و سمائی نور عینیم آغلاما
 سن بیلورسن چوخ چتندور سندن ایرلماخ منه
 صبر ایله جان تاپشوروم آسوده گلمه شیونه
 آغلاما آغلار حسینیم آغلیان گوزلر سنه
 آغلاما آغلاتما زهرانی حسینیم آغلاما
 آغلاما باعث اولور بیر بيله جنب و جوشمه
 یتیمیوبدور تا ئولوم آثاری فکر و هوشیمه
 گل گوزون یاشین سلیم بیرده آلوم آغوشمه
 آغلاما آغلاتما زهرانی حسینیم آغلاما
 منون نفسده گل منی خاطر پریشان ایلمه
 صبر ایله ای نور دیدم داد و افغان ایلمه
 آغلاما جان اوسته زهرا قلبینی قان ایلمه
 آغلاما آغلاتما زهرانی حسینیم آغلاما
 ای اولان عالمده هر درد و مصیبت مخزنی
 باغریقان ایتمه بو حال احتضاریمده منی
 راضی اولمازدی پیمبر دیده ترگورسون سنی
 آغلاما آغلاتما زهرانی حسینیم آغلاما
 سن دیمه ایوای آنام وای زینبیم قوی وای دیسون
 گوز یاشین رخسارینه توکسون حسن ایوای دیسون

واریری زهرا سنه یاخسون حسینیم وای دیسون
 آغلاما آغلاتما زهرانی حسینیم آغلاما
 سن سوسوز جان تاپشوراندا خوب و زشت آغلار سنه
 مسجد و بیت اله و دیر و کنشت آغلار سنه
 یر گوگ آغلار حور و غلمان بهشت آغلار سنه
 آغلاما آغلاتما زهرانی حسینیم آغلاما
 تشنه لب اولدون اوگونه سوکنارینده قتیل
 زینبیم آغلار سنه گوز یاشنی ایلر سبیل
 ناله ایلر زمزم و نهر و فرات و سلسبیل
 آغلاما آغلاتما زهرانی حسینیم آغلاما
 بیر طرفده اشقیادن شورش و غوغا گلر
 بیر طرفده خیمه لردن زینب کبری گلر
 بیر طرفده خنجر الده شمر بی پروا گلر
 آغلاما آغلاتما زهرانی حسینیم آغلاما
 اوندا که قانه بویاندی قتلگاه کربلا
 خنجر آغلار خنجر آغلار قاتل آغلار بر ملا
 باشون اوسته منده گلم سسلرم واهجهتا
 آغلاما آغلاتما زهرانی حسینیم آغلاما
 کههنمویی ایرلان وقته بالاسندان آنا
 کیمده وار قدرت دوزه هجران غمین آسان سانا

واریری بوسوزده اهل دل تُورکدن اودلانا
آغلما آغلتما زهرانی حسینیم آغلما

شق القمر آثار قیامتدور الهی

شق القمر آثار قیامتدور الهی
یا محشر زینبدن علامتدور الهی
سس دوشدی که محرابده بیر باش یارالاندی
بو سس اوجالان وقتده یاتانلاردا اویاندی
ای وای علی وای ناله سی افلاکه دایاندی
نه حادثه دور بونه حکایتدور الهی
ضربت یتشوب پارچالانوب باشدا عمامه
بو نحویله اوز مقصدینه یتدی قطامه
بیر امر زنا اولدی سبب قتل امامه
بیلیم بونه اسلام و دیانتدور الهی
بیرخواهش نفسیله یخوب خانه دینی
غمگین ایلدی اهل سموات و زمینی
حتماً یوخوموش عاقبت امره یقینی
یوخسا بونه جرأت نه جسارتدور الهی
هر کیمسه یقین ایلیه قرآن و کتابی
خیرین بیله وار خوش ثمری شرین عذابی

ممکن دگو یاددان چخادا یوم حسابی
غفرانه سبب بیلسه اطاعتدور الهی
گر اولسا بیرینده عمل خیر و اطاعت
تبلیغ ایدر احکامی اولور شغلی عبادت
باک ایتمز تُولومدن تُولومی ایلر اجابت
مصدق عمل شاه ولایتدور الهی
بسکه واریدی وصلت دلداره شتابی
یاددان چخادوب یاره دگی سوز و عذابی
گوتدی باشینون پاره سینه باسدی ترابی
یعنی دیریلوخ بوندان عبارتدور الهی
فرمان یتشوب عرشدده جبریل امینه
گیت بو خبری نشر ایله سگان زمینه
صدمه یتوب ارکان هدی مرکز دینه
بو ظلمت او ضربتدن اشارتدور الهی
افلاکه دوشوب لرزه همان بو خبریله
آی صورتی مستوریدی ابر خطر یله
ظلمت دوتوب آفاقی بوشق القمر یله
چون منهدم ارکان هدایتدور الهی
سس چرخ چهارمده مسیحایه یتشدی
محنت اثری قبریده زهرایه یتشدی

ناگه بو خبر زینب کبرایه یتشدی
اولدی متوحش نه روایتدور الهی
یارب نه خبر دور بونه فریاد و فغاندی
نه سوزدی دیولر که علی قانه بویاندی
زینب بیلوسن اوز آتاسیندان نگرانندی
بیلیمور که ثولوب یا که سلامتدور الهی
ناگه گوزینه اولدی او ساعتده نمایان
گوردی گتورولر آتاسین قانيله الوان
عرض ایتدی بو محنت منی چوخ ایتدی پریشان
هر چند مصیبت بیزه عادتدور الهی
صدمه یتشوب گرچه آتام شیر خدایه
یوخ چاره گرک صبر ایلیم امر قضایه
من آغلاماقی ساخلا موشام کرب و بلایه
گوز یاشینه زیبنده اوساعتدور الهی
اوندا که گجر قارداش مون باشی جدایه
غم یوز ویرر اولاد علی آل عبایه
گلوخ هامی میز شیونيله شور و نوايه
گوزوخ که حسین خیمه سی غارتدور الهی
بوسوزده ایکی سید حسین ایلدی شرکت
ایستوردی ریاضی و رجائی ایده خدمت

بو خیر عمله ویردیه باهم سرو صورت
منظور شفاعتدی زیارتدور الهی

بیر ضربتیه کوفه ده شق القمر اولدی

بیر ضربتیه کوفه ده شق القمر اولدی
اوضاع کواکبده بویوک بیر اثر اولدی
بیر زانیه بدکاره او ملعونه قطامه
پول بذل ایلوب وعده ویروب امر حرامه
بو نقشه نی طرح ایلدی تا قتل امامه
بیر خلوت نامحرمیه گورنه لر اولدی
آرامش بهت آوریدی مسجد کوفه
بیر ظلم ایلده دی زاده ملجم اورئوفه
باش پارچالانوب صورت مه گیتدی خسوفه
گون چخمادی آی باتدی قرانلوق سحر اولدی
بیر ضربه ده دین باغنون اول گلی سولدی
حوری لر آچوب باشلاری گیسولری یولدی
ئارالله آخوب سجده ده عین الله دولدی
ارکان هدی تیتردی زیر و زیر اولدی
مأمور ندا ایلده دی حق روح الامینی
دولدوردی تمام ایولری بوشور و آنینی

نُولدور دوله محراب عبادتده علینی
 سگان سموات و زمین نوحه گراولدی
 کلثوم اونی سالمشدی یولا مسجده سالم
 سیر ایلهدی اوضاعیده بیر اوزگه عوالم
 بیر صیحه دن اولدی آتاسی قتلنه عالم
 ایوای بابام ایوای دیدی خونین جگر اولدی
 سسلندی که ای زینب محبوب آبوینه
 گویا آتامیز نُولدی خبر ویر حَسَنینه
 آندیر ولی رمزیه حاجی اوغلی حسینه
 بیلسون آتاسی نُولدی حاجی بی پدر اولدی
 ناگه بو مصیبت اوخی بیر سینه نی دلدی
 اصحاب گوروب خدمته هنگام عملدی
 یاران وفادار علی مسجده گلدی
 مملو جماعتدن اودم رهگذر اولدی
 ایودن توکلوب دیشره جوانلار هامی بی تاب
 گوردیله آل اوسته گتورولر اونی اصحاب
 سس دوشدی علی قاتلنی دوتدیلای اصحاب
 صدیقه صغرایه بوسوز خوش خبر اولدی
 اما بو خانم مادر غم زینب کبری
 جان اوسته تاپوب قارداشنی بی کس و تنها

گوردی باشنی شمر کسور ایتموری پروا
 محکم یاپیشوب خنجرینی دیده تر اولدی
 خنجر دن آیین چکمدی غوغا اوجالاندی
 شمر آنلادی که خنجرینی الدن آنلادی
 بارماقلارینی دوغرادای آلر یارالاندی
 صد حیف اولای بوکشمکش آخر هدر اولدی
 قاراداشدان آیردی باجیسین هولیله دوردی
 چخدی یارالی سینه سی اوستنده اوتوردی
 قانلی باشنی کسدی اوجا نیزیه وردی
 بو خدمتیه کامه یتوب مفتخر اولدی
 غفلتده ریاضی گونوی باشه یتورمه
 بارگنهی سال یره قاچ بیرده گتورمه
 دوت آل پیمبر اتگیندن هیچ آنورمه
 وار چوخ گنهون خیر عملون مختصر اولدی
 تک گوردیله اورنگ عدالتده علینی
 تک گوردیله اورنگ عدالتده علینی
 نُولدور دوله محراب عبادتده علینی
 اسلامده سلطان اولایا فرضدی واجب
 عامل اولای اوز دیننه احکامه مراقب

صبر ایلیه دین اوسته گوره هر نه مصائب
 دین تربیت ایتمشدی بو حالتده علینی
 دین راهبری عامل دین اولماسا اولماز
 تقوی صفت و اهل یقین اولماسا اولماز
 ناموس رعایایه امین اولماسا اولماز
 دنیا تانوری عین صداقتده علینی
 مؤمن دئییلن نوردی نوره لکه دوشمز
 مؤمن ایاقی ثابت اولار دینده سوروشمز
 مؤمن نقدر عمر ایده دین حدینی گشمز
 پیرو لوق ایدر دین و دیانته علینی
 باطلدن اتور جوش و خروش ایلماق اولماز
 آزاد اولانی حلقه بگوش ایلماق اولماز
 حق نوروینی زور یله خموش ایلماق اولماز
 تصدیق ایدر اوز دشمنی ساعتده علینی
 قویمازدی علی ظلم اولا دنیاده اسیره
 ویرمشدی بودستوریده - افراده - امیره
 انگشترینی ویردی نماز اوسته فقیره
 گور سجده ده هنگام شهادتده علینی
 اوز قاتلنه گور نجه ایلوردی محبت
 سویلردی بونا ایله میون سیزده اذیت

بیر باخدی دیدی نیله مشم من سنه بدبخت
 سن گور میشدون هانسی خیانتده علینی
 ایلردی امام حسنه بیله وصیت
 من ثولمه سم عفو ایلرم اصلا - بودی قربت
 من ثولسم اگر ویر بونا بیر تیغیله ضربت
 یخدی یره بیر وُردوقی ضربتده علینی
 قورخاردی علی قاتلی یتمش اجلندن
 بیلمیشدی که قور تولماز علی اوغلی الیندن
 ایلردی مباحات ولی شمر عملندن
 جنتده قویوب عالم حیرتده علینی
 سویلری حسینه دیمه یاندیم سوسوز ومدان
 سیراب ایدر ایمدی سنی بو خنجر بزّان
 سواسته آتاندان بیلوسن خالق رحمان
 ساقی ایللیوب کوثره جنتده علینی
 گنجینه یرین آختاران هر بیر یری قازماز
 سوز یازسا ریاضی سوزینی بیهوده یازماز
 توفیق تاپوب حق یولونا حق یولون آزماز
 یاخشی تانوری شیعه حقیقتده علینی

یا علی قازمشدی قبرون نوح پیغمبر سنون

یا علی قازمشدی قبرون نوح پیغمبر سنون
 قالمدی یرده حسین تک پیکرون بی سر سنون
 داعی حقی اجابت ایلین وقتونده سن
 نعشون اطرافنده قورموشدی جوانلار انجمن
 غسلوی ویردی سنی دفن ایلدی اوغلون حسن
 پیکرون توپراقلار اوسته آرتمدی یلّار سنون
 ایل قبیلوندن دوشوب آیری وطن سیز قالمدون
 اولمیوبدور گلّرون خندان چمن سیز قالمدون
 قویمیوبلار نعشوی عریان کفن سیز قالمدون
 چاپمدی آت سینون اوسته اون ستم پرور سنون
 سن نولنده دشمنون طبل بشارت چالمدی
 خیمه گاهون یانمدی اوغلون اودایچره قالمدی
 قیزلارون شاهانه رختین اهل غارت آلمدی
 آت دوشونده قومادی اطفالوی لشکر سنون
 واریدی بیر یاره باشوندا ایا میرهمام
 قیزلارون حاضر ایدردی ایستین وقته طعام
 گون قباقدنه یارالی ویرمدون جان تشنه کام
 یانمدی قاتل الینده حالوه خنجر سنون

سن نولن گون قاتلون مسرور و خندان اولمدی
 آلرون اوستنده هرگز غنچه بیر گول سولمدی
 اوخ بوغازین بیچمدی قونداقنه قان دولمدی
 تیریله اوخلانمدی اوغلون علی اصغر سنون
 ایتمدون جان اوسته اظهار سوسوزلوخ دشمنه
 نادیسون سواستمه بیر بیله یالوارما منه
 دوتسه دنیاین یوزین سو ویرمرم من سو سنه
 سن سوسوز جان ویر - آتاندور ساقی کوثر سنون
 گرچه دشمن زهرلی تیغیله بیر یاره وروب
 وای علی وای ناله سیله کوفه شهرین دولدوروب
 گوز آچاندا گورمدون قاتل باشون اوسته دوروب
 قارداشیم وای ناله سی دلده باجون سسلر سنون
 گرچه بیر یاره سنه آرتوردی سوز و التهاب
 سالدی زینب اوز ایونده کولگه یرده رختخواب
 سوزش زخمونده تأثیر ایلمزدی آفتاب
 قاتلو توپراق اولمدی گل جسموه بستر سنون
 باشوه دگدی قلیج صبحون زمانی کوفه ده
 نیزده آغلانمدی پیرو جوانی کوفه ده
 اولمیوب مطبخده خولی میهمانی کوفه ده
 اولمدی آرامگاهون روی خاکستر سنون

کهنمویی ایلمه غفلت ایشونده لاجرم
دست خالی سائلی قیترمز ارباب کرم
ایسته اجرور روز محشر دی حسینه نوکرم
محکم اسنادوندی الده خامه و دفتر سنون

زبانحال حضرت امام حسین هنگام شهادت
حضرت علی علیهما السلام

ای بابا مندن سلام ایله آنام زهرايه سن
اونداکه اولدون مشرف محضر طاهایه سن
ساکنان جنت و فردوسه نشر اولدی خبر
یولارا فرش ایلیوب گیسولرین حوریه لر
انبیاء و اولیاء و اوصیاء پیشواز ایدر
شوقیله وارد اولاندا جنت الماوايه سن
من بیلوردوم هر بلا و محنته صبر ایله سن
رغبتون یوخدور حیاته ای امام ممتحن
آنلادوم منظوروی (فزت و برب الکعبه) دن
عرض شکوی ایله دون خلاق بی همتایه سن
سجده گهدیدون سنه پیک اجل گتدی پیام
داعی حقى اجابت ایله دون ایتدون خرام

گرچه زحمتدور سنه مندن یتور عرض سلام
هم خدیجه جدّه مه هم مریم و سارایه سن
جدّیمه عرض ایله ای پیغمبر والا مقام
وار حضور پاکوه اوغلون حسیندن بیر پیام
عرض ایدور گور امتون ایتدی نه یاخشی احترام
اول ایکی تاپشوردوقون نور جهان آرایه سن
بو مسلمدور قزل اولساگومش تاپماز رواج
جاهله عالم اولان بر یرده یوخدور احتیاج
ایتدیلر اولادیوه بغض و حسد کین و لجاج
باخ جفای طالبان عزت دنیایه سن
ایستور امت قالیمه پیغمبریندن بیر اثر
جدّ و جهد ایلوله گیتسون چکدیقون زحمت هدر
کربلا اوضاعنی بیر بیر اوزون و یردون خبر
نه دیوم آگاهسن روحیه اعلايه سن
سن بیلورسن نحریمی امت منیم منحور ایدر
سینه می سمّ ستور آتدا سالوب مکسور ایدر
کهنه پیراهنده قویماز پیکریمده عور ایدر
جان ویرن وقته باشیم اوسته سالورسان سایه سن
تاگورورسن بزم وصل حقه مشتاق اولموشام
دشمنه باش ویرمشم مشهور آفاق اولموشام

چشمشام شیرازهدن قرآن تک اوراق اولموشام
ایله سن شکوی بوامتدن حق یکتایه سن
کهنموئی قورتولور عمرون گیجه گوندوزلرون
اولماسا تقوی عبثدور آغلاسا قان گوزلرون
ایله قرآنه عمل اولسون مؤثر سوزلرون
باطنون پاک ایله ویرمه ظاهره پیرایه سن

آغلاما قارداش حسین آغلار تمام عالم سنه

آغلاما قارداش حسین آغلار تمام عالم سنه
سن بو دنیایه گلن گون دوتدولار ماتم سنه
سن بو دنیایه گلن گونده خداوند جلیل
امر ایدوب اولسون سنه گهوار جنبان جبرئیل
حَبَسِدِن آزاد اولوبدور فطرس خوار و ذلیل
آغلادی اما اوگون پیغمبر خاتم سنه
تازه مولوده اولور لازم دیلسون تهنیت
کربلا اوضاعی ذکر اولدی دوتولدی تعزیت
تهنیت عرض ایلدی جبریل ویردی تسلیت
آغلادی نوح و خلیل و عیسی و آدم سنه
اغلیاندا سن آنام زهرا پریشان حال اولار
کاسه چشمی دولار اشکیله مالامال اولار

عالم معناده جاری گوزدن اشک آل اولار
وار دئیر دائیم اوغول بو دلده کی نالم سنه
جان ویرنده سن اولار زهرا عذاره لاطمه
خیمه گاهون یاندور ار ظلمیله نار حاطمه
سسلرم گل خیمه لر یاندی عزیز فاطمه
سن فدای دین حقسن منده قربانم سنه
بس نجه گورسون گوزوم قانیله الوان اولموسان
سینون اوسته گل آچوب اوخلار گلستان اولموسان
گون کیمی آلات حرب آتدا درخشان اولموسان
بوسبیدن مو پریشان دیده گریانم سنه
بو جماعت دوتدولار دنیانی دینی آتدیلار
پُر بها بیر گوهری اسگیک بهایه ساتدیلار
چوخ بیوک بیر ظلم ایدوبلر یرگوگی آغلادتیلار
قتگاهوندان نه تک من سینه سوزانم سنه
یرلر آغلار گویلر آغلار جنّ و انس ایلر نوا
خنجر آغلار خنجر آغلار قاتل آغلار برملا
حاله آغلارگوز اولدی پیکرونده هر یارا
گوردولر صاحب عزایم من عزادارم سنه
قیمتین هر بیر متاعین خبره دانا بیلر
هاردا گوهر قدرین آیا شمر بی پروا بیلر

ارزش دُری صدفده بسلین زهرا بیلر
 عشق بازارینده من اؤل خریدارم سنه
 ابله نادان ورار دُری داشیله سنديرار
 روح صاحب دُری محنت منجنیقندا سیخار
 چکمه لی ایتمز حیا عرش خدا اوسته چخار
 عرض ایدر عبد مطیعم خالقا هر دم سنه
 کهنموئی اولمین دین اهلی سرگردان اولار
 عاشقه دنیاده هر گونه چتین آسان اولار
 هر غمه صبر ایلر آخر غم اوزی حیران اولار
 یاده سال جدون حسینی یوز ویرنده غم سنه

دفن اولوندی اونداکه توپراقلار آتدا بوتراپ

دفن اولوندی اونداکه توپراقلار آتدا بوتراپ
 مجتبانای گوردی زینب ایله دی بیله خطاب
 جدیمون حمل ایله دوز نعشین هارا قاراداش حسن
 سن نئجه قویدون یوزین توپراقلارا قارداش حسن
 جدیم اوز اسرار مرگندن اوزی آگاهیدی
 رهروان قرب حقه رهمنمای راهیدی
 عینی عین الله ناظر وجهی وجهه اللهیدی
 نور حق آئینه قدرت نما قارداش حسن

اونداه نعشین آپاردوز توکدوم اشکی دیده دن
 بستر مرگین یغاندا ایله دیم چوخ ناله من
 عطرین آلدیم رختخوابندن نه عطر یاسمن
 بلکه عطر و بوی ختم الانبیاء قاراداش حسن
 گرچه گوردوم جدیمون نعشین آپاردوز قالمادی
 سایه لطفون یتیملم باشی اوسته سالمادی
 گلستانی سیر ایدن بلبل گل عطرین آلمادی
 اوز گلین بلبل گرگدور آختارا قاراداش حسن
 نوزدهمده که افطاره منه مهمانیدی
 ناطق قرآن آیینده دائماً قرآنیدی
 ماجرای صبحه گویا واله و حیرانیدی
 یاتمادی بیر آن او میر مقتدا قارداش حسن
 من که بیلیموردوم اولوبدور نولماقدان باخبر
 سویلیم جانیم سنه قربان اولانه وار مگر
 ایتدی فرمایش ویربدور فجر صادقدن خبر
 صبح آچلسا من اولام دینه فدا قارداش حسن
 گوردی بوسوزدن یتشدی قلبمه چوخ انکسار
 سویلدی صبر ایت قیزیم صبر ایتماقون چوخ اجری وار
 هر نه وار مخلوق نولر قالماز مگر پروردگار
 تسلیت ویردی منه شیر خدا قارداش حسن

نعشنی دفن ایله دون قبریندن آیریلدون نئجه
 خاکریز ایستدون اوقبر پاکدن دوردون نئجه
 آیریلوب گلدون اونی قبرینده تک، قویدون نئجه
 ایستمز بلبل گلندن آیریل قارداش حسن
 بلبلم منده گلومدن آل چکوب آیریلمازام
 اوز گلمدن عطربین آلام اوزگه گلدن آلمارام
 یاره یالوازام اودور اغیاره من یالوارمارام
 هر نه ظلم ایتسه منه خار جفا قارداش حسن
 کربلانون ماجراسندن ویروب جدید خبر
 یاده دوشدوقجا اولور جاری یوزه اشک بصر
 گل حسینمدور مَنم بیر بلبل شوریده سر
 وار قباقدما ماجرای کربلا قارداش حسن
 دل یانار ایستکلینون خالی گورن وقته یرین
 خاک و خاشاکین سیلر گل درن وقته یرین
 راحت ایللر مریضین جان ویرن وقته یرین
 خاصه جسمی اولسا سرتاسر یارا قارداش حسن
 اونداکه پیغمبر اوغلون آج سوسوز نولدوردوله
 قتلگاه کربلا پوزقون گلستاندور گله
 وای اولاهجران کشیده دیده گریان بلبله
 آل حیدر باغلاناندا قولقول قارداش حسن

کربلاده ایستمرم شکوه جفای خاریدن
 اوز گلومی آختاروب تاپسام اگر گلزاریدن
 بزم رازی ایسترم خالی اولاهیاریدن
 ایلیم درد فراقه بیر دوا قارداش حسن
 کهنمویی عمریوی بی جا یره ایتمه هدر
 سعی ایله تا نخله عمرون ویره یاخشی ثمر
 یاز اوخی بو نوحه تا سندنصورا قالسون اثر
 جدیمون حمل ایله دوز نعشین هارا قارداش حسن

یا علی غسلون ویروب دفن ایله دی اوغلون حسن

یا علی غسلون ویروب دفن ایله دی اوغلون حسن
 قالمادی نعشون حسین تک یرده اوچ گون بیکفن
 جان ویرنده سن یانوندیدی بنی هاشم سنون
 دستگیر اولموشدی محبسدیدی دینسیز دشمنون
 نوح پیغمبر مهیا ایله مشدی مدفون
 اولمادی اما حسینون نعشنی دفن ایلین
 گوز آچوب گوردون دوروب یانوندا اوغلون مجتبی
 قیزلارون آغلور توکور گوز یاشی دلدن و آبآ
 گوز آچاندا صون نفسه گوردی شاه کربلا
 قاتلی دورموش الینده قان توکن شمشیریلن

سن نُولن گون کوفه شهرینده بیوک غوغائیدی
 هر طرفده بزم ماتم کوفه ده برپائیدی
 روز عاشورا ولی بیر محشر کبرائیدی
 قانیله الوانیدی یتمش ایکی باشسیز بدن
 سویلدون (فزت برب الکعبه) یتدون ایمنه
 ایستینده سوگتوردی ویردی زینب سو سنه
 جان ویرنده اوغلون اما سودئیردی دشمنه
 ویرمدی سوسهلیدی توهین ایدوب فاش و علن
 سویلدی دائم دئیردون شیر داور اوغلیام
 بوسودور مہریتہ زہرا پیمبر اوغلیام
 فخر ایدوردون خلقه من ساقی کوثر اوغلیام
 سسله گلسون سوگتورسون تشنه لب جان ویرمه سن
 گرچه بیر یاره سنون حالون پریشان ایلدی
 یاره لر جسم حسینی بیر گلستان ایلدی
 حیف اولاشمر ستمگر یولدی خندان ایله دی
 کربلا صحراسنی دولدوردی عطر نسترن
 اوچ گیجه گوندوز قالب توپراقلاز اوسته بی کفن
 اولمادی نعش حسینی بیر نفر دفن ایلین
 امر اولوبدور سید سجاده گلدی کوفه دن
 دفن ایده گونلر ایوینده قالمیه مظلوم نُولن

گوردی بیر عده اوجالدور ناله و شیون سسین
 بیل کلنگ الده آلوبلار قتلگاهون دوره سین
 گوردیلر آتلی گلور گزلتدی هر کس ناله سین
 قورخودان اما یواش آغلور اوشاقلار مردوزن
 سوبلدی اهل قبيله ایلون شیون گلون
 سزی کتمان ایتمیون هرگز ، اولون ایمن گلون
 اوغلیم من بوغریبون قورخمیون مندن گلون
 گلمیشم دفن حسینه سیزلره امداده من
 گورموسوز کوه منایه بنزوری بو قتلگاه
 باش بدنلردن گیدوب وارحقوز ایتسوز اشتباه
 من تانورام کیمدی بونلاردان رعیت کیمدی شاه
 سیز منه امداد ایدون مدفون اولاهرجان ویرن
 بو منیم بیکس آتامدور خاکيله یکسان اولوب
 بوگلستان وفاده گل کیمی خندان اولوب
 ناطق قرآن اوزی شیرازه سیز قرآن اولوب
 طعن ایدر اسلامه بو پاشیده اوراقی گوزن
 کهنموئی چوخ بیوک دشمندی بونفس دنی
 ایله تقوا تاکه نفسون ایتمسون اغواسنی
 نوحه خوان طهباز که یازدوردی سنه بونوحه نی
 باعثی بوخیر عملده یاد ایله شعرونده سن

یا مرتضی ماتم دوتوب اسلامیان آغلار سنه

یا مرتضی ماتم دوتوب اسلامیان آغلار سنه
 چوللره واجدا دئیر صاحب زمان آغلار سنه
 دردو مصیبت یوزویروب بوغمدن اهل عالمه
 قدوسیان کروبیان جمله باتوبدور ماتمه
 جن و ملک حیران قالوب بو ظلم ابن ملجمه
 شیعه بوگون یاسه باتوب افلاکیان آغلار سنه
 باتدی بوغمده محنته فریاد ایدر آلعبا
 غمگین اولوبدور عالم معناده آغلار ماسوا
 ایوای بابام وای ناله سی دلده سیزیلدار مجتبی
 بزم عزاده گوز یاشین ایلر روان آغلار سنه
 بیر سمتده اوغلانلارون بو آمره حیران آغلوری
 بیر سمتده زینب دوروب مبهوت و نالان آغلوری
 بیر سمتده کلثوم ایدوب زلفین پریشان آغلوری
 هجرونده بیر بیر شیعه لر ایلر فغان آغلار سنه
 بیر یاندا غمگین اگلشوب محبوب حی لایزال
 جاری ایدر رخسارینه باران کیمی اشک زلال
 سویلر مادم و آبانی تک سیزیلدار اتصال
 غصه گلو گیر ایلوب پیرو جوان آغلار سنه

سن جان ویرنده آلدیلار اطرافون اولاد رسول
 قرآن اوخوردی بعضیسی بعضی باخاردی چوخ ملول
 عزتله کفن و دفن ایدوب ماتم دوتوب یدی اوغول
 آل پیمبر گه نهان گاهی عیان آغلار سنه
 بوگونه گرچه زاده ملجم سنی ایتدی شهید
 تشنه دگولدون نولمدون غربت ولایتده وحید
 ایستردی هرآن قاتلون نولدورسون عباس رشید
 گلمیش نوایه نی کیمی اول باغریقان آغلار سنه
 اما سنون اوغلون حسین ناحق بویاندی قانینه
 کرب و بلاده تشنه لب ایتدی وفا پیمانینه
 قویمازدی شمر بی حیا زینب گلنده یانینه
 محشر اولونجا یا حسین بو شیعیان آغلار سنه
 هر کیمسه نون قلبنده گر حب علیدن وار اثر
 عاصی وصلون عاقبت توفیق اونی خوشبخت ایدر
 سنده بیلورسن یا علی اوغلون حسینی چوخ شوئر
 بو کهنموئی هم اونا هم هر زمان آغلار سنه

ختم اولور بوگون عزای مرتضی یابن الحسن

ختم اولور بوگون عزای مرتضی یابن الحسن
 هاردا سان ای جدینه صاحب عزایابن الحسن

ای ظهورینده ایدن احکام دینی تقویت
 بو غمه صاحب عزاسن دوتسا هر کیم تعزیت
 اولمادی ممکن حضوراً عرض ایدیدوخ تسلیت
 اولدی مانع بیزده کی جرم و خطا یابن الحسن
 بسته دور امر فرج بیر خالقین تقدیرینه
 بیرده هر شخصه جزا وار ایتدیقی تقصیرینه
 باعث اولدوخ بیز ظهورین بیر بیلّه تأخیرینه
 ایله دوخ از بس عملکرده ریا یابن الحسن
 ایسته دوخ ایتسون بیزی خالق بلالردن بری
 ایتمدوخ تقوی متاع دینه اولدوخ مشتری
 ختم دوتدوخ آیه: اَمَّنْ يُجِيبُ الْمَضْطَرٰی
 اولمادی هرگز اجابت بودعا یابن الحسن
 دوتموسان ماتم امیرالمومنینه آغلوسان
 اولماین اجراسی قرآن مبینّه آغلوسان
 گه باخوب تعطیل اولان احکام دینه آغلوسان
 بزم ماتم دورسنه ارض و سما یابن الحسن
 گه باخورسان کوفه ده جدّون علی محرابینه
 که یانورسان مذهبین سولموش گل شادابینه
 گه ایدیرسن غصه دینین ترک اولان آدابینه
 آغلوسان بوباره ده صبح و مساء یا بن الحسن

گه سالورسان جدیوین آخر وداعین یاده سن
 گه سرشک اشک ایدیرسن اودلانان آکباده سن
 گه گلورسن قتلگهده ناله و فریاده سن
 گه چکورسن ناله واحسرتا یابن الحسن
 گه باخورسان آغلوسان شمشیر خون آشاموه
 منتظرسن سگه دولت ورولسون ناموه
 امر اولونسون انتقام آل تایتش اوز کاموه
 ایلمه بیر بیله فریاد ونوا یابن الحسن
 آیری بیر علتده وار بو ناله روز و شبه
 آغلاروخ بیز شیعه لرده دائماً بومطلبه
 آغلوسان یاسیدی عمون یارالی زینبه
 دلده دائم ناله و اعمتا یابن الحسن
 بیر باجی قاراداش حسینه زینبه اولماز مثل
 باجی قارداش قاتلیله ایلیوب ایله جدل
 دوغرانبوب بارماقلاری قان آخدی مجروح اولدی آل
 واردی کیمده بو محبت بو وفا یابن الحسن
 آغلوسان گاهی دیورسن جان ویروب سقا سوسوز
 کربلاده قالدیلار ذریه طاها سوسوز
 نولدورب جدیم حسینی شمر بی پروا سوسوز
 تشنه لب ایتدی ذبیحاً من قفا یابن الحسن

کهنموئینون بو خدمتلرده وار بیر نیّتی
 نار دوزخدن خلاص اولسون اودور جدیتی
 چون اوزی سیددی وار سیز خاندانه نسبتی
 ایستیون تاکه قبول ایتسون خدا یابن الحسن

جُعدده مسموم ايله دون ایتدون پریشان حالیمی

جُعدده مسموم ايله دون ایتدون پریشان حالیمی
 نیلمیشدیم من سنه قویدون یتیم اطفالیمی
 هنده اوغلی قتلمه اقدام ایدوب تدبیر یله
 تُولادی گورنه سنی بیر حیلّه و تزویر یله
 تُولدوروب آخر منی بو زهر ایدن تأثیر یله
 نقش بر آب ایلدی قلبیمده کی آمالیمی
 گور گوزمده گوز یاشین بودلده کی فریادیمی
 چک کنارّه طشتی آر تورما فغان و دادیمی
 طشت ایچنده گورمسون زینب منیم اکبادیمی
 لب لریمده قانی گورسون یوزده اشک آلیمی
 یاخشی ساتدون دینوی دینسیزلرین دنیاسنه
 هنده اوغلی شادا لور تدبیرینون اجراسنه
 عامل اولماز بل یقین اوز عهدینون ایفاسینه
 گلدی منظوری آله پوزدی منیم احوالیمی

مطمئن اول بیر کسه بو سَرّی افشاء ایتمرم
 گوزلرونده گوندوزی بیر لیل یلدا ایتمرم
 اضطراب ایتمه سنی دنیاده رسوا ایتمرم
 ایلرم شکوی رسول الله عرض حالیمی
 من اوزوم سعی ایلورم سَرّ اولماسون فاش و علن
 بیلمسون قارداشلاریم کیمدور منی مسموم ایدن
 بیلسه لر مقتول ایدلر ضربت شمشیریلن
 هر اوکس که ظلم ايله یولدی پَرّو بالیمی
 گوردی طاقتدن سالوبدور زهر کین پرور منی
 ایلدی دعوت حضور یاره پیغمبر منی
 انتظاریمدور آنام گوزلور آتام حیدر منی
 امر اولوبدور اولیاء ایتسونلر استقبالیمی
 گرچه من آلم دوتالار عزّتیله یاسیمی
 گورنه وقتیمده آتاسیز قویدون اوغلوم قاسیمی
 ایلسم آگه بو ظلموندن رشید عباسیمی
 محو ایدر تیغیله سن تک بی مَرّوت ظالیمی
 باعشی بیر نکته دور گوزدن آخان گوز یاشمون
 انتقامندن بوگون قورخورسان آل هاشمون
 فخر ایدر قاتل لری اما حسین قارداشمون
 اده نیزه سسلنور قاتل گورون اعمالیمی

کیم اولوبدور من کیمی عالی مقامه منتسب
 آلدوره پیغمبر اوغلون سویانیندا تشنه لب
 نیزهده قانلو باشی قرآن اوخور یاللعجب
 دمنبدم نطق و بیانی آر ترور اجلالیمی
 واردی کیمده بو اوجا نیزه بو قدرت اقتدار
 جمع اولوب اطرافینه بو نیزه نون خوردو کبار
 آلموشام زهرا قیزی زینب الیندن اختیار
 ایتمشم اجراء بوگونه دلدی کی آمیالیمی
 کهنموئی ایله تقوی ایت گنهدن اجتناب
 خیر ایشین وار اجر و مزدی شره لازم دور عذاب
 عرض ایله توفیق ویر ای خالق یوم حساب
 ایتمیوم بیهوده مصرف روز و ماه و سالیمی

سواچدی حسن قتلنه اولدی سبب ئولدی

سواچدی حسن قتلنه اولدی سبب ئولدی
 سواچدی قارداشی حسین تشنه لب ئولدی
 مشهوردی بوسوز سودی مهریهی زهرا
 محروم اولونوب اکثر ذریهی زهرا
 قان اولدی بوگون کوکب ذریهی زهرا
 ایتدی بو ایشق گوندوزی بیر تیره شب ئولدی

فرمایش ایدو بدور بو خبرده بیله معصوم
 تیغیله ئولوب یا اولاروخ زهریله مسموم
 بوگونه امام حسن اولدی ایله مظلوم
 سواچماقا زهریله اولوب منتخب ئولدی
 مقصوده یتوب هنده نون اوغلی عملندن
 پول ویردی آلوب جعده نون ایمانین الیندن
 ئولدورسون امامی دیسون ئولدی اجلندن
 سومیل ایلدی حالی اولوب منقلب ئولدی
 قلبنده اودور مهر وفا اولدی هیچ - ایتدی
 سوکوزه سنه سوده الماسی گچتدی
 مکر یله امام حسنه زهری ایچتدی
 بیر ناکس الینده شه عالی نسب ئولدی
 سواچدی ولی آرتدی عطش لبلری یاندى
 بو واقعه دن عالم حیرته دایاندى
 دل پارچالانوب قانلی دوداقلار یارالاندى
 زهر آتش یله قلبی اولوب ملتهب ئولدی
 زهرا بالاسی ئولماقنى زهریله بولدی
 ال قویدی ئورک باشنه تاقدی بوکولدی
 دوغراندی جگر پاره لری طشته توکولدی
 جان اوسته چکوب محنت و رنج و تعب ئولدی

باخ دشمنله گور نئجه ایلردی مدارا
 اوز قاتلینی بُلدی نشان ویرمدی اما
 بیر باخدی دیدی نیلمشم من سنه آیا
 مسموم ایله دون زهریله ذات الکرب ئولدی
 قالدی آتاسیز قاسم و عبدالله و احمد
 نه پیسلوق ایدوب سیزلره بوآل محمد
 ظالملا اولار آتش دوزخده مُخَلَد
 اول دمه که هر صاحب عیش و طرب ئولدی
 شاد اولدی امام حسنه زهری ویرنده
 اما پوزولوب زهر اونا تأثیر ایلینده
 قورخاردی حسینله ابوالفضلی گوزنده
 بیلسونله مبادا اودی قتله سبب ئولدی
 قالمشدی حسین تک ولی دشمنلر الینده
 بیر یالقوز اوغولسوز یارالی لشکر الینده
 گوز آچدی گوروب قاتلینی خنجر الینده
 فکر ایلوری ضعف ایله دی میر عرب ئولدی
 سسلندی منه ویر بیر ایچم سو یانورام من
 آرتور عطشیم ایستیدی گون اودلانورام من
 شمر عرض ایله دی هر نه دیورسن قانورام من
 قوی خلق دیسونلر که حسین تشنه لب ئولدی

سو ویرمورم اصلا سنه قصدیمده دایاندم
 ویر باشوی تیز قورتار اوزون منده یوباندم
 سسله سوگتورسون - دی سوسوزدان بابایاندم
 اوغلون سوسوز ای ساقی کوثر لقب ئولدی
 من سید حسینم ولی شهرتده ریاضی
 هر گونه قضا و قدر خالقه راضی
 بیر دور نظریمده اودی مستقبل و ماضی
 گوردوم که ئولومدن ایله دی کیم هَرَب ئولدی

یا رسول!.. بو امت گورنه طغیان ایتدیلر

یا رسول!.. بو امت گورنه طغیان ایتدیلر
 اوغلوی تابوت ایچنده تیره باران ایتدیلر
 بوگونون مثلنده غم یوز ویردی آل حیدره
 مجتبی دفنینه اولدی بیر آسغلی منظره
 قویمیوبلر اوز بالاسین روضه پیغمبره
 عایشه حقین بو امره آله عنوان ایتدیلر
 طاعت امت رسوله واجب اولدی آیه ده
 اجر پیغمبر مؤدت گلدی ذی القربایه ده
 امر اولیدی ظلم ایدون ایتمز دیلر بو پایه ده
 امتون جور جفاده هاردا نقصان ایتدیلر

اشقیا شورا گونی سر مشق ظلمی آلدیلار
 اوغلووا ظلم ایلینلر ظلمه حیران قالدیلار
 چکدیلر سجاده سین توپراقلار اوسته سالدیلار
 خیمه و خرگاهنی اصحابی تالان ایتدیلر
 قویدولار یالقوز امامی شاد ایدوبلر دشمنین
 خوار اولوبلار ویردیلر مظلوم امامه نسبتین
 بیزلری خوار ایلهدون سن یا مَذَلُ الْمُؤْمِنِین
 بو سوزیله اوغلوی خاطر پریشان ایتدیلر
 اجنبی لر کوکب اسلامی رخشان گوردوله
 جد و جهدیله مسلط ایتدیلر خاری گله
 اوغلوی جَعده اَیله زهریله ئولدوردوله
 یتدیلر مقصوده زهرا باغیرینی قان ایتدیلر
 مجتبانای روضه ده دفن ایتماقا قویموبدولا
 آل هاشم ایتدی حمله آز قالوب دعوا اولو
 اولمادی راضی توکولسون قان شهید کربلا
 بوسوزی فرمایش ایتدی آمره اذعان ایتدیلر
 قارداشیم ایتدی وصیت هر نه عنوان ایتسه لر
 نعشیمی تابوت ایچنده تیره باران ایتسه لر
 اولمیون راضی توکولسون قان ، اگر قان ایتسه لر
 بوسوزه تشییع ایدنلر داد و افغان ایتدیلر

نعشیمی حمل ایتدیلر سمت بقیعه دیده تر
 قویدولار قبره توکوبلر عارضه خون جگر
 کربلاده بو کومکلردن تاپولموب بیر نفر
 گون قباقینده حسینون جسمین عریان ایتدیلر
 قالدی اوچ گون اوچ گیجه تپراقلار اوسته بی کفن
 تاگلوب اهل قبيله دلده ناله مردوزن
 امر اولوندی سید سجاده گلدی کوفه دن
 گوردولر آتلو گلور بو سزى کتمان ایتدیلر
 سویلدی اهل قبيله قورخمیون باک ایتمیون
 گلیمسوز دفن حسینه فاش ایدون گزلمیون
 بوغریبون اوغلیم مندن کناره گیتمیون
 سوز بورا منجر اولاندا دیده گریان ایتدیلر
 یغدیلاز امر امامیله وفا قربانلارین
 کربلاده دفن ایدوبلر کربلا قربانلارین
 حقنه تاپشوردیلار کوه منا قربانلارین
 کربلا صحراسنی دایم گلستان ایتدیلر
 کهنموئی اجتماعی خدمتین وار قیمتی
 هیچ کسه ویرمزله عالمده سبب سیز عزتی
 یتدیلر عالی مقامه وار بیوک بیر علتی
 دین یولوندا اولدیلر ترویج قرآن ایتدیلر

کربلاده آجدی دین استادی دانشگاه دین

کربلاده آجدی دین استادی دانشگاه دین
 ایتدی عاشوراده دانشگاهی قربانگاه دین
 نشر اولان موقعه دانشگاه دین برنامه سی
 قید اولونمشدی مسلم کربلا هنگامه سی
 قانیله امضاء و مهر اولموشدی پایان نامه سی
 وارد اولسون هر او دانشجو اولا آگاه دین
 بیلیمون تنها یزیدی ظالم و شهوت پرست
 توؤلیوب چوخ پست فطرت مردمی دنیای پست
 ایستیوبدور چوخلاری بنیان دین اولسون شکست
 دوره ی اردیبهشت دین اولادی ماه دین
 صدمه دینه اولمیوب قوم خیانت پیشه دن
 ایستدی هر کس که قازسون دین درختین ریشه دن
 پیس نتیجه آلدی آخرده بو پیس اندیشه دن
 تیشه سی اوز ریشه سین قازدی آپاردی چاه دین
 رسم دنیادور چخوب هر دوره ده بیر بوالهوس
 اهل حق قویمیوبدور چکسون آسوده نفس
 باطله شیطان کمک دور حق الله دادرس
 محو اولار باطل جهاندا شاد اولار دینخواه دین

دین اسلام اولیندن دین سعی و اجتهاد
 حفظ دیندن اوتری بودینده قویولموشدی جهاد
 مسلمینی خانه ویران ایتمسون بیگانه یاد
 خالی اولسون آجنبیدن خانه و درگاه دین
 ملت اسلام و قرآن ملت بیدار اولار
 بستر غفلته یاتماز عاقل و هشیار اولار
 ایله مز محتاج اوزین کفاره مردکار اولار
 دشمن دیندن آنماز گاو خرمنگاه دین
 کیم دیور اسلام ایدوبدور اختراعاتی حرام
 هاردا واردی جزء دستورات دینده بوکلام
 جنگه گتمه یات سنی ساخلار خدای لاینام
 دینه توهیندور بوسوز بوسوز ایدر گمراه دین
 دین ایدر روح دفاعی ملتنده تقویت
 دین دیور غفلته یاتماقدور بیوک بیر معصیت
 ایلیون اولادوزی آیینده عصره تربیت
 پیروان حقه تا هموار اولونسون راه دین
 دین دیور بیر ملت پرشور و شورانگیز اولون
 دین دیور کافرله محتاج و دستاویز اولون
 نروتوز قالسون بیر آلتندا اوزوز محتاج اولون
 نفرت ایتسون دیندن هر گونه خاطر خواه دین

هانسی دانشجوی دین تقوی لباسین گیمسه
 هانسی بیر عالم عوامی یوخلادوب لای لای دیسه
 خلقه دین ئورگدمسه مال امام آلسا یسه
 خیر خواه دین اولار بیلیمز اولار بدخواه دین
 هرگون عاشورادی هر یر کربلا دور برملا
 غیرت دینی اولان مثل حسین دینه فدا
 ظالم بیدین یزید بی حیادن بی حیا
 گرچه تزویرله ورسا خیمه و خرگاه دین
 کربلائون وقعه سی دنیایه عبرت نامه دور
 مکتب حرّیته روزانه بیر برنامه دور
 حق گوزن گوزلر گوزر دین اوسته نه هنگامه دور
 قتلگاه کربلا دور خلقه گردشگاه دین
 دین سیزون ای اهل دین ثروت سیزون نعمت سیزون
 اولمیون بیچاره استقلال و حرّیت سیزون
 دین یولوندا سعی ایدون کوثر سیزون جنت سیزون
 مؤمینندور هر ایکی دنیاده عزّو جاه دین
 طالب حق و حقیقت مال و جانندن کچر
 غافل اولماز بیر دقیقه حقّی باطلدن سیچر
 قاتلی باشین کسنده ویرمه سوقان ایچر
 ابرخون آتدا خسوف ایلر درخشان ماه دین

کهنمونئی دین گلوب دنیانی آبادایله سون
 برده لوق زنجیر آپسون خلقی آزادایله سون
 هانسی بیدین ایستیوبدور دینی بر باد ایله سون
 نجّه گون مهلت ویروب محو ایلیوب الله دین

اشعار ذیل در سال ۱۳۴۲ شمسی مطابق با سال ۱۳۸۳ قمری بعد
 از قیام ۱۵ خرداد تهران گفته شد و برای اولین بار توسط اینجانب
 در روز عاشورای همانسال در راسته بازار قدیم خوانده شد که
 هزاران نفر همصدا میشدند و مردم را تکان داد.

محمد حسن عبد یزدانی

قائيله قويولدى دين بناسى

قائيله قويولدى دين بناسى
 محکم دی بومذهبون اساسى
 هر قان که توکولدى یرده ناحق
 معناده یازار یراوسته یاحق
 الله اوقاننى آلاز محقق
 قائيله قويولدى دين بناسى
 مؤمن دئیلن فدا دی دینه
 بیگانه ده آشنایى دینه

توهین اولانه زوادی دینه

قائيله قويولدى دين نباسی

دين واردی نقدری تا جهان وار

هر قدر خدای لامکان وار

اسلامده روح واردی جان وار

قائيله قويولدى دين نباسی

قرآن بیزه پیشوای حقدور

برنامه دین ندای حقدور

قرآن اوخین فدای حقدور

قائيله قويولدى دين نباسی

مؤمندیلّه خالقه بو ملت

معلوله گرک اولا بیر علت

مؤمن ایلمز قبول دلت

قائيله قويولدى دين نباسی

ای دینده غیور اولان جوانلار

دین دردینی دیلله سالانلار

بیرگون آلتار بیلون بوقانلار

قائيله قويولدى دين نباسی

ای دینلرینی اوجوز ساتانلار

ای حقیقه باطلی قاتانلار

یاتمازلار اویانندیلار یاتانلار

قائيله قويولدى دين نباسی

ای کفره ضمانت ایلینلر

اسلامه اهانت ایلینلر

ای دینه خیانت ایلینلر

قائيله قويولدى دين نباسی

دینداریده ظلم و بدعت اولماز

دینسیزده حیا و غیرت اولماز

دین اولماسا خلق راحت اولماز

قائيله قويولدى دين نباسی

ایستردی یزید نامسلمان

منسوخ اولما حکم دین و قرآن

بیلمزدی حسینی دینه قربان

قائيله قويولدى دين نباسی

بیلمزدی که جانیدن گچن وار

باطل سوزی حقدن سچن وار

سو ویر مسه قانینی ایچن وار

قائيله قويولدى دين نباسی

جانویردی حسین مرامین آلدی

دین پرچمی یاتمادی اوجالدی

دین اوسته جهانہ شور سالدی

قانیله قویولدی دین بناسی

بیلمزدی یزید دینه جاہل

قرآنہ بیر عدہ واردی عامل

ہرگز یریمز مرام باطل

قانیله قویولدی دین بناسی

بیلمزدی کہ حقہ دہ طرف وار

بیلمزدی بیر عدہ جان بکف وار

مردان غیور مؤتلف وار

قانیله قویولدی دین بناسی

چون پوزدولار دینین انتظامین

نفرینی قبول اولوب امامین

مختار اودی آلدی انتقامین

قانیله قویولدی دین بناسی

دین نور دوعین کهنموئی

وار دیننہ دین کهنموئی

ای سید حسین کهنموئی

قانیله قویولدی دین بناسی

محکم دی بو مذهبون اساسی

بیر عدہ یقین اہلی فدا اولدولا دینہ

بیر عدہ یقین اہلی فدا اولدولا دینہ

تفسیر عمل یازدیلا قرآن مبینہ

قرآنہ عمل ایتدیله قرآن اوخینلر

قرآن یولونی گیتدیله قرآن اوخینلر

دین دردینون اظهارینہ یازمشدی عریضہ

دین اوستہ حسین ٹولماقینی بیلدی فریضہ

دکتر اوزینی ہازدا فدا ایتدی مریضہ

بندہ اولان اللہہ ایدر بو ایشہ اقدام

عالملرہ اوز بندہ لوقین ایلہیہ اعلام

آیات مبین دردہ دوا اولماسا اولماز

دینہ اینانان دینہ فدا اولماسا اولماز

قرآن اوخین مرد خدا اولماسا اولماز

قرآن بیزہ برنامه روزانہ دی مطلق

پیغمبرینہ نازل ایدوب خالق برحق

بیر عدہ کہ بدر اہلیدی اسلامہ نمونہ

یتیمیش ایکی تن عامل احکامہ نمونہ

بیر عدہ بیزوخ مردم بدنامہ نمونہ

قرآنی آتوب دینمزہ مایہ ننگوخ

عارایل مروخ تابع قانون فرنگوخ

قرآن اوخین بیلسه ندور آیه ده منظور
 قرآن اوخین بیلسه ویروب حق نئجه دستور
 صوری عملی ایلمز اصلاونی مغرور
 تابع اولار احکام خداوند غفوره
 بدخواه اولی بدبین اولی هر صاحب زوره
 شاگردینه تعلیم ایللیوب مکتب قرآن
 ظلم و ستم و جوری قبول ایلمه بیر آن
 کافر لره محتاج اوزیوی ایتمه مسلمان
 کافر اولا دنیاده گرک مؤمنه محتاج
 حق دینیده حق دولتی کافردن آلاباج
 قرآن اوخین دینینی دنیاسینه ساتماز
 مسلم دئیلن پرچم کفاری اوجا تماز
 قرآن اوخین عاقل و بیدار اولی یاتماز
 قویماز وطننده تاپا دینسیزلری قدرت
 کافر تاپار آل مؤمنه اگر ایلسه غفلت
 ظلمتکده جهلده وار نور حسینی
 مؤمنده گرکدور اولا بیر شور حسینی
 قویدی نه اثر بیژده بو عاشور حسینی
 گوز یاشلاری جمع اولموری آیانیه داشمور
 یغمور بو کثافتاتی نیه حقه یول آشمور

قرآن اوخین ثابت اولار دینیده قاشماز
 کافر آیاقین مملکت مسلمه آشماز
 مسلملره کافر لرین آدابی یاراشماز
 احکام خدا زور یله هرگز عوض اولماز
 مسلم دیلن تابع نفس و غرض اولماز
 بیر عده اولان صاحب ایمان و رشادت
 دنیایه بوگون ویردیله سرمشق سیادت
 قرآن اوخیوب ایتدیله معبوده عبادت
 تاکاخ ستم عدلیله زیر و زیر اولدی
 هر نقشه چکلمشدی پوزولدی هدر اولدی
 بوگونه حسین مکتب حریت آچوبدور
 دانشکده غیرت و جدیت آچوبدور
 دانشگاه آسایش و امنیت آچوبدور
 تعلیم ایللیه شیعه لره درس سعادت
 تا واضح اولا عالمه معنای امامت
 قرآن ایللیوب ذلّتی مؤمنلره تحریم
 هر مسلمه اسلام ویروبدور بیلله تعلیم
 تسلیم حق اول اولما ولی باطله تسلیم
 کج گیتمه حقیقت یولونی حق یولون آزما
 قانون خدا ضدینه بیر حرفده یازما

قرآن اوخین نوردی نوره لکه دوشمز
 مؤمن ایاقی ثابت اولار دینده سوروشمز
 مؤمن دئیلن ئولسه ده دین حدینی گشمز
 مومن اوزیده مالیده اسلامه فدا دور

من که دیمیرم بوسوزی بو امر خدادور
 بوخمس و بو عاشورا که بیز شیعلرین وار
 بو خرج و مصارف بوهامی مکتب سیار
 آیانیه بس ایتمدی بیز ملتی بیدار
 چون کسب ادب ایلمدوخ بی ادب اولدوخ
 دینسیزلقونا چوخلارینون بیز سبب اولدوخ
 لازمدی بومکتبدن آلاخ درس شجاعت
 لازمدی مبلّغ یتوره سهم امامت
 لازمدی گرک پاره لنه قید اسارت
 آزاد لوق و حریت و قدرت آله گلسون

ذلت اولار عزت گنه عزت اله گلسون
 درس آلماسا گر شیعه حسین ابن علیدن
 کسب ایله مسه نورینی بو نور جلدین
 بی جادی طرفدار اولامولا و ولیدین
 دنیاده علی شیعه سی کفاره آگیلمز
 بو رسمدی دنیاده که گل خاره آگیلمز

اسلامده لازمدی دفاع اهل قرآنه
 کوره شله عورت اوشاقا پیرو جوانه
 تنبلوقا یاتما خلوقا هیچ یوخدی بهانه
 چون محکمه عدلیده مظلوم اولی محکوم
 ظالم کیمه ظلم ایلر اگر اولماسا مظلوم
 قرآن اوخین لعنت ایدر دشمن دینه
 قرآن اوخین عجز ایله مز شمر لعینه
 قرآن اوخین روحی گیدر عرش برینه
 قرآن اوخین خالقنه ایلر عبادت
 خوشحال اولی جسمنده نقدر اولسا جراحت
 قرآن اوخین باشینی کسمزله قفادن
 قرآن اوخین نعشینی سویماز لا جفادن
 قرآن اوخین جلوه ایدر نوک جدادن
 ظلمتکده ظلمده نور حق آچیلسون
 حق پرجمی هر نقطه دنیاده ساچیلسون
 ای سید حسین آدلی ریاضی سنی تاری
 بیر عده سنه پیس دیوری لیل و نهاری
 خلقیله گیچین سنده بس ایله دیمه باری
 قرآنه عمل ایتموری قرآن اوخینلر
 قرآن یولونی گیتموری قرآن اوخینلر

دوندردی حسین گردش دنیائی بوگونه

دوندردی حسین گردش دنیائی بوگونه
تفسیر ایلوب عالمه قرآنی بوگونه
جان ویردی سوسوز خلقه تانیتدوردی خدانی
بذل ایله دی یتمش یکی قربانی بوگونه
دنیاده یزید ایله دی بو مطلبی عنوان
مجموعه اسلامه منم حاکم و سلطان
محکومیدی فرمانیمه هر پیرو قرآن
محکوم ایدرم گبریه ترسانی بوگونه
سلطان مسلمانه بودور امر مناسب
فرمانی اولادایره عالمه غالب
بیر کس اولاد بیلزم منه همکار و مصاحب
مغلوب ایدرم موسی و عیسائی بوگونه
دنیاده بیلوردی اوزینی حاکم مطلق
تنها منم اسلامده سلطان مُحَقَّق
هر حکم که مندن اولاد عالمده اودور حَق
من دوندَرَزَم دوره دورانی بوگونه
دوشمودی حسین ابن علی فکر محاله
ایستوردی ایده دولتی می فسخ و اقاله

بی جایره چکمیشدی منی جنگ و جداله
بیلوردی که اولماز بونون امکائی بوگونه
صادر ایله دیم منده زیاد اوغلونا فرمان
مقتول ایلوبودور لب دریاده لب عطشان
بیدار اولاد تا آنلیه هر فرد مسلمان
بی جایره اینجیتمیه سلطانی بوگونه
نولدوردوله لب تشنه اونا یاریدی هر کس
محکومیدی فرمانینه دلداریدی هر کس
قویمادیه بیر کس اونیه واریدی هر کس
نولدوردوله هم پیر و جوانانی بوگونه
مأمور ایلمشدیم اولارا لشگر شامی
اود ویردیلایانیدردیلا بیر قطعه خیامی
تاکامل اولاد سلطنتین امری مرامی
نقص اولمیا اقتلره احسانی بوگونه
اجراء ایلوبلر هامی فرمان امیری
شامه گتورولر اودی بیر عده اسیری
اولسون بوزمان ملتین آسوده ضمیری
سلطانلارینون مجریدی فرمانی بوگونه
آسوده یاتون قوخمیون ای ملت اسلام
هر کس که مخالفدی اونی ایلرم اعدام

هر ایش که گوروسوز گورون آزاد اولوب احکام
 مسدود ایله دیم محبس و زندانی بوگونه
 گچموب اوقدر شوکت درباریده گیتدی
 محو اولدی گیدوبدور اوزی افکاریده گیتدی
 اوندان بیر اثر قالمیوب آثاریده گیتدی
 شاهیددی ستم خانه ویرانی بوگونه
 اما بالاقیز شامده ویرانه ده قالدی
 بیر نوردی باتدی که ایشیق عالمه سالدی
 شامی گوره نون صبرینی آرامینی آلدی
 خرسند ایلوب عترت طاهانی بوگونه
 ترک ایتدی حسین عزتیه دار جهانی
 مکشوف ایلوب عالمه بیر سر نهانی
 دنیاده ایدر ظالمی اوز قدرتی فانی
 منفور ایله دی زاده سفیانی بوگونه
 بو سید حسین آدلی ریاضیدی مسلم
 اسلامه اولوب حکم قرآنیه معلم
 همواره اولور لعن یزیدیه مصمم
 لعن ایلوری سفیانیه شیطانی بوگونه

بوگونه حسین مذهب و ایمانی دیریتدی

بوگونه حسین مذهب و ایمانی دیریتدی
 دیندن کج اولان پایه وارکانی دیریتدی
 گوردی پوزولوب حالتی جان اوسته دی قرآن
 قرآنه و یروب قانونی قرآنی دیریتدی
 گوردی ایلوب حزی ظالمت یولی گمراه
 بدبخت اولاجاق ایلمسه مطلبه آگاه
 یول ویردی نشان اولدی مسلمان خدا خواه
 بیر حرّ کیمی تازه مسلمان دیریتدی
 دین اهلینی غافلدی گوروب مذهب و دینه
 بولمونه نه صدمه ویریلور دین مبینه
 اعلام خطر ایله دی سگان زمینه
 بسوز نهضتیه روح جوانانی دیریتدی
 قرآنی گوروب آلت اهدیر دست سیاست
 بو طرزیه ظالملا ایدیر خلقه ریاست
 هر مسلمه لازم ایده قرآنی حراست
 هر کس واریدی قدرت و امکانی دیریتدی
 گوردی که یزید ایلوبی دانشگهی تعطیل
 قرآن لوحون ایتیمه معناسی تحصیل

الفاظ اوخونا بسدی نه تفسیر نه تأویل
 معناده اولان نور درخشانی دیریتدی
 گوردی که نه دین واردی نه قرآندان اثر وار
 نه جدی پیمبر گتوزن حکم و خبر وار
 دیندار اولان اشخاصیدن اسلامه ضرر وار
 جدی گتوزن دوره و دورانی دیریتدی
 گوردی که اولور باغ نبی گلتری خندان
 پامال اولونور صرصریله باغ و گلستان
 گلر داغیلوب ایستور اولادین ایوی ویران
 خون دلی پژمرده گلستانی دیریتدی
 گوردی که گرک دایر اولا مکتب قرآن
 قرآن اوخیه آنلیا قرآنی مسلمان
 قرآنه عمل اولماسا یوخ مذهب ایمان
 اسلامده بی روح اولونان جانی دیریتدی
 گوردی که فدا ایله مسه جانینی دینه
 لب تشنه ئولوب ویرمه سه اوز قانینی دینه
 دین قالماز اگر ویرمه قربانینی دینه
 یتیمیش ایکی قان ویردی که بیر قانی دیریتدی
 گوردی بو یوروب جدی پیمبر بو کلامی
 ایرانلولارین بعضی سنون خوشدی مرامی

بو نهضتی دنیایه تانوتدوردی امامی
 تا شیعه لری خطّه ایرانی دیریتدی
 گوردی که پیمبر بو یوروب هار دادی سلمان
 سلمانی تاندوردی مسلمانلارا قرآن
 نسلندن اونون پاک اولی بیر عده مسلمان
 بو نهضتی ذریئه سلمانی دیریتدی
 یازدی بوسوزی سید حسین آدلی ریاضی
 تا عبرت اولا دوره آیسندیه ماضی
 تا خیر عملندن اونون الله اولا راضی
 یوخدان یارادان عالم امکانی دیریتدی

هرگون عاشورادی هر یر کربلا دور مسلمین

هرگون عاشورادی هر یر کربلا دور مسلمین
 درس عبرت دور بیوک بیر ماجرا دور مسلمین
 عقل پاکوز دور حسین بن علی سلطان دین
 نفس شوموز شمر دون و بی حیا دور مسلمین
 کربلاتون وقعه سین بیهوده بی جا بیلیمون
 صوری بیر جنگ و جدل بیر صوری دعوا بیلیمون
 تا شهید اولدی حسین قطع اولدی غوغا بیلیمون
 آغلاسا بو غمده عالم لر سزادور مسلمین

بیر نفر سانسیز قوشونلا ایلماق دعوا ندور
 یااولا یتیمیش ایکی تن یاور و همتا ندور
 فکر ایله ای آغلیان بو شورش و غوغا ندور
 آنلیون بو واقعه عبرت نمادور مسلمین
 بیر گون ایلردی یزید اسلام آدیله سلطنت
 مسلمینی جاده حقدن چخارتسون بی جهت
 بو قضایانی حسین بن علی بیلدی فقط
 یریوزینده دین حقه پیشوا دور مسلمین
 سویلدی هرگز یزیدی قویمارام سلطان اول
 اولمین قرآنه مؤمن حاکم قرآن اول
 گر ویرم جان تشنه مال و مکنتم ویران اول
 دینه دینسیز حاکم اولسانه روار دور مسلمین
 من امام سیزلره ، سیزلر رعیت سوزمنه
 آنلاسوز قرآن و دین اهل حقیقت سوزمنه
 اولماسوز مسلم بیلون اسباب زحمت سوزمنه
 دینیده هر بیر نفر دینه فدادور مسلمین
 نورگشون مندن بو درسی درس عبرت دور سیزه
 دینده محکم پایه دور عالی نصیحت دور سیزه
 ایتیمون دینوزده غفلت هر نه فرصت دور سیزه
 غافل اولما خلوخ بیوک بیر ابتلا دور مسلمین

هر زمان تابع اولون قرآنوزون احکامنه
 حاکمین حکمون مقتید ایلون اسلامنه
 قویمیون سگه ویریلسون غیر مسلم نامنه
 مسلمینه بو عمل تهمت فزادور مسلمین
 دینی انکار ایتمینجه مقصده یتمز یزید
 اولماسا شیطانہ تابع کج یولا گیتمز یزید
 تامنی ئولدور میوبدور سلطنت ایتمز یزید
 دین و قرآنی حسینون پریهادور مسلمین
 من که ئولدوم اولدی آسوده ایدر سعی مرام
 سلطنت ایلر اولار اوندا بلا مانع مقام
 دینه باخماز سیزلری ایلر کنیز ایلر غلام
 ایتیمون عرض اوندا یارب بینوادور مسلمین
 یادایدون هر نه چاغردیم گلمدوز امدادیمه
 سسلدیم من یالقوزام سس ویرمه دوز فریادیمه
 باخمادوز رحم ایتمدوز بیکیس اسیر اولادیمه
 ایتدیقوز اعمالوزه بو بیر جزادور مسلمین
 ایله دیم همت یتشدیم پر بلا صحرايه من
 حاضر اولدوم آز جماعتله بیوک دعوايه من
 گلمیشم قیمت ویرم بو روز عاشورایه من
 مرکز اعلان حق دور کربلا دور مسلمین

سعی ایدون اسلامدن سیزده کناره گیتیمون
 هر نه ایش گورسوز خلاف حکم قرآن ایتیمون
 دین سیز قرآن سیز هیچ بیر مرامه یتیمون
 آغلاسا دینسیز منه بی جا بکادرو مسلمین
 کهنموئی الّی ایلدور که اولوب شاعر سیزه
 درس قرآنی ویروب دور نُورگدوب قرآن سیزه
 چوخ چکوب زحمت ایدوب خدمت سیز اهل تبریزه
 عترته ، قرآنه الحق آشنا دور مسلمین

ای حسینیلر حسینون آنلیون منظورینی

ای حسینیلر حسینون آنلیون منظورینی
 گون کیمی باتدی اوزی آرتوردی دینون نورینی
 قتلگاه کربلاده آچدی دانشگاه دین
 اولدی قربان دین حقه ایتدی قربانگاه دین
 ایتیمون عادت یوزیله بزم دین تشگیلینی
 ایلیون جدّیتیه باطلین تعطیلینی
 تا جوانلار ایله سون ناموس و دین تحصیلینی
 ای حسینیلر حسینون آنلیون منظورینی
 نُورگشون ناموس و غیرت درسینی استاددن
 خلقه دین درسی ویرن آل چکمین ارشاددن

عبد صالح خدمتین دنیا چخارتماز یاددن
 ای حسینیلر حسینون آنلیون منظورینی
 ایتیمون غفلت گیدوب اگلشمیون بی اعتنا
 صاحب دین و شریعت بو ایشه اولماز رضا
 ای جوانلار هر گون عاشورادی هر یر کربلا
 ای حسینیلر حسینون آنلیون منظورینی
 روز عاشوراده ایتدی لشکره بیله خطاب
 وارنه علت قتلیمه بونوعی ایلورسوز شتاب
 روز محشر خالقه آیا واررودور نه جواب
 ای حسینیلر حسینون آنلیون منظورینی
 ایتدی فرمایش که ای صوری مسلمانلار بیلون
 من پیمبر اوغلیم ناحق منی نُولدورمیون
 مؤمنم من بو کتاب اللّهدی قرآندور گورون
 ای حسینیلر حسینون آنلیون منظورینی
 ایتدی فرمایش که هاردا دینی بد نام ایتیمیشم
 کفره مایل اولموشام توهین اسلام ایتیمیشم
 دینده بدعت قویموشام تغییر احکام ایتیمیشم
 ای حسینیلر حسینون آنلیون منظورینی
 هر کیم اسلامه ایده خدمت اولار منظور حق
 دینه توهین ایلسه هر کس اودور منفور حق

دین و قرآن و شریعت نور حق دور نور حق
 ای حسینی‌لر حسینون آنلیون منظورینی
 نور یله ظلمت دگول زیبنده دوشادوش اولا
 عاقبت رسوا ایدر حق هر کسی حق پوش اولا
 حق و یروب وعده که قویماز نور حق خاموش اولا
 ای حسینی‌لر حسینون آنلیون منظورینی
 حقی گورماخ قدرتی هر دیده حق بینده دور
 عزت آختار سوز اگر بو مذهب و آئین ده دور
 آبرو عزت شرافت هر نه واردور دینده دور
 ای حسینی‌لر حسینون آنلیون منظورینی
 ای مسلمانلار تجاوز ایتمیون احکامدن
 درس عبرت ئورگشون بوگردش ایامدن
 دینوزی حفظ ایلیون ال چکمیون اسلامدن
 ای حسینی‌لر حسینون آنلیون منظورینی
 کهنموئی قور تولور عمرون گیجه گوندوز لرون
 اولماسا عبرت عبثدور اغلاسا قان گوز لرون
 یاز بو اشعاری قالا سندنصورا بو سوز لرون
 ای حسینی‌لر حسینون آنلیون منظورینی

دینی خالق گوندروب دنیانی آباد ایله سون

دینی خالق گوندروب دنیانی آباد ایله سون
 برده لوق زنجیرین آجسون خلقی آزاد ایله سون
 ایلیوب قرآنی نازل امر ایدوب پیغمبره
 درس قرآن خلقه ویرسون خلقی ارشاد ایله سون
 حیف اولا بیر ملتین قانونی بو قرآن اولا
 درس دین ئورگشمیه حیران و سرگردان اولا
 کفری ترویج ایلیه دین شهری کفرستان اولا
 واریری خالق بیله بیر ملکی برباد ایله سون
 خالق عالم چکن گون آفرینش نقشه سین
 مردم دنیا یه تکیمل ایتدی دین پرونده سین
 دوز یولی ویردی نشان آسوده ایتسون بنده سین
 بوبشر ایستور که ناراحتلوق ایجاد ایله سون
 گر جهان تقسیم اولا افراد خلقه بالستوی
 زور یله سهم ضعیفی غصب ایدر شخص قوی
 دین دور ایجاد ایلین بیر اتحاد معنوی
 هر کسون ایرادی واردور گلسون ایراد ایله سون
 گوردی خالق ابر ظلمتده قالبودور ماه دین
 وحی ایدوب پیغمبره دینی اولا آگاه دین

نُورِ گدوب قرآنی آچسون خلقه دانشگاه دین
 هر مسلمانی بو دانشگاه استاد ایله سون
 گلدی قرآن باغلادی عیسی و موسی مکتبین
 مصطفی ده ختم ایدوب وحی و نبوت منصبین
 عالمین قانونی دور مطلق بو قرآن مبین
 دادگاه عدلی دنیاده آچوب داد ایله سون
 ایلسه هر بیر بشر احکام قرآنی قبول
 اولماسا بو هرج و مرج امر دنیادن ملول
 سازش دنیای پر آشوبه حیراندور عقول
 لطف حق ایستور بوغمکین دیللری شاد ایله سون
 اولماز آسوده بشر احکام قرآن اولماسا
 یریوزی گورمز عدالت دین و ایمان اولماسا
 مجری قرآن آئینده تیغ بُزَن اولماسا
 ظالمین وار فرصتی هر ظلم و بیداد ایله سون
 ایستدی فرمایش پیمبر اُمته ای اُمَتیم
 وقت رحلت دور منیم باشه یتشدی مُدَتیم
 بیر کلام الله امانتدور سیزه بیر عترتیم
 هر مسلمان نفسنی بو امره مِنقاد ایله سون
 بیر بیریندن عترت و قرآن که آیریلماز بیلون
 سیز آیرسوز سیزده ده بو حرمتوز قالماز بیلون

سایبان لطف حق سایه سیزه سالماز بیلون
 بندیه واجبدور الله نعمتین یاد ایله سون
 قویمیون سالسون منافقنر ایچوزده اختلاف
 عترت و قرآن آراسیندا آچیلسون بیر شکاف
 بو گناهه مرتکب اولماز گناهندن معاف
 آتش دوزخ اونسی واجبدور ایقاد ایله سون
 حق یولی قرآن و عترتدور یولی کج گیتمیون
 تابع نفس اولمیون غصب خلافت ایتمیون
 آلمیون زهرا الیندن مُلکنی انجتمیون
 قویمیون مندصورا افغان و فریاد ایله سون
 ایتدی پیغمبر وصیت یومدی دنیادن گوزون
 ایتمدی اُمّت قبول اَمّا اونون هرگز سوزون
 ایمدی ده کَفّار آئینده دستگیر ایلور اوزون
 سعی و کوشش ایلوری کَفّاره امداد ایله سون
 کهنموئی دین و قرآن دشمنندن ایتمه باک
 اوز آئله شخص بی دین اوزاوزین ایلر هلاک
 حق سوزین نشر ایله ماقدّا غافل اولماز مرد پاک
 حق ویروب مهلت خطا نمرود و شَدّاد ایله سون

دنیاده بیلون هر نه مسلمان اولاجاقدی

دنیاده بیلون هر نه مسلمان اولاجاقدی
 تحت نظر قادر سبحان اولاجاقدی
 کافر اولانون مسکنی دوزخدی مسلم
 مسلم اولانون حجتی قرآن اولاجاقدی
 دنیا که بیله سیر ایدیری صبح و مساده
 آزاد ایدوب انسانی ایدر فکر و اراده
 اقا بولارین وار اثری روز جزاده
 جنت اولایا آتش سوزان اولاجاقدی
 هر ایش گوره سن قالما لیدور اوند اثر وار
 یا خیر اولاجاقدور سینه یا اوند ضرر وار
 دنیا گچه جاق آخرته دینده خبر وار
 کافر یانا جاق مسلمه غفران اولاجاقدی
 قاتما باشوی عمریوی بی جایره ویرمه
 آسوده دولان فکریوی غوغا یره ویرمه
 راحت یاشاسن مغزیوی دعوا یره ویرمه
 عمرون گیچه جاق دوره سی پایان اولاجاقدی
 دوره دولانوب گیتدی گیدنلرده قایتمز
 هر کیمسنه بو دیرده آمالنه یتمز

چوخ قیسادی بو عمر دایانماز باشا گتمز
 بیر گونده سنون ئولماقون اعلان اولاجاقدی
 بیر گونده سنون حالتوه هر گورن آغلار
 آز سئیده ئولسن گیدن آغلار گلن آغلار
 چوخ ئولسن آسغلی سینه غسلون ویرن آغلار
 حتماً بیله بیر ایشلره امکان اولاجاقدی
 غسلون ویرن ایستر چخا رختون بدنوندن
 مالوندن اولان سهمون اولار بیر کفنوندن
 هر خیر اولاجاقدی سینه اولسا عملوندن
 اول گیجه ده شام غریبان اولاجاقدی
 سن قبریده توپراقلارین اوستونده یاتارسان
 دنیاده اولان ثروتوین فکرین آتارسان
 آز وقته اوزون دسته امواته قاتارسان
 وارثلره مال بُلماقا عنوان اولاجاقدی
 سندنصورا اموالون اولار وارثه قسمت
 ایستر که اولامؤمن اولاهل شریعت
 یا فاسق اولایستمیه اللهه عبادت
 اوز سهمین آهار ما خلیقا شافان اولاجاقدی
 سنده ئوله جلقسلن گیدمسن دار بقایه
 ویر خمس و زکوتون اوز آلونله فقرا یه

واجب عملون هر نه قالور ايله خدايه
 بيرگون اولاجاق ايشلره ميزان اولاجاقدی
 گیتسون بوجهاندان سنی یاده سالان اولماز
 یاددان چخاسان فکریوه بیر کس قالان اولماز
 نه حالیده سن بیرجه سوراغون آلان اولماز
 لازم سنه بیر خالق رحمان اولاجاقدی
 باخ حالته دنیاده عزیزان خدانین
 فکر ایت عملین کرب و بلاده شهدانین
 گور بیرده وداع وقتین حسینون اوزمانین
 سویلردی باجی وضع پریشان اولاجاقدی
 بو چولده جوانلار نوله جاقدور قالان اولماز
 بیر کیمسه باشون اوستونه سایه سالان اولماز
 اوغلوم قالار اوددا اونی اوددان آلان اولماز
 بو امر سنه واجب الادعان اولاجاقدی
 گیر آتش سوزانه دی اللّٰهوه تکبیر
 بُل ، یانمیا جاقدور ایدوب الله بيله تقدیر
 اوددان چخارت ایلر بو ایشون عالمه تأثیر
 هر کس ایشیده دیده سی گریان اولاجاقدی
 من سید حسینم که ریاضی ده یازآلار
 هر امر قضا که اولاراضی ده یازآلار

اوز ایستدیقی اعمالنه قاضی ده یازآلار
 چون روز جزا مطرح قرآن اولاجاقدی
 آغلای نوگل گلزار اوغول وای اوغول ایوای اوغول
 آغلای ای نوگل گلزار اوغول
 آغلای گلزاری دوتدی خار اوغول
 وای اوغول ایوای اوغول
 یوخدی سو یاندین اوغول
 گلستانی دولدوروب زاغ و زغن
 پایمال اولدی گلستان و چمن
 آغلوری احوالوی هر بیر گورن
 ایلوری اوز ناله سین تکرار اوغول
 وای اوغول ایوای اوغول
 یوخدی سو یاندین اوغول
 آغلای اوچ گوندی یوخ سو خیمه ده
 تشنه دور اطفال مهرو خیمه ده
 یوخدی سو هیچ یرده نه بو خیمه ده
 قالموشام بو امرده ناچار اوغول
 وای اوغول ایوای اوغول
 یوخدی سو یاندین اوغول

اولموشام من بوایشین آواره سی
هر نه که فکر ایلورم یوخ چاره سی
وای او موقعدن گوزم اوخ یاره سی
ایلیوبدور نحریوی خونبار اوغول
وای اوغول ایوای اوغول
یوخدی سو یانندین اوغول
قالموشام لب تشنه سذ سینمده یوخ
هر مصیبتدن بو غم آرتوخدی چوخ
عاقبت ایلر سنی سیراب اوخ
خواب و نازوندن ایدر بیدار اوغول
وای اوغول ایوای اوغول
یوخدی سو یانندین اوغول
ایله دی سقا عمون چوخ اجتهاد
مشگی دلدوردی اولوب بو آمره شاد
اوخلادی مشگین گروه بدنهاد
تشنه لب جان بذل ایدوب سردار اوغول
وای اوغول ایوای اوغول
یوخدی سو یانندین اوغول
سن سوسوزسان آغلسان یوخدور سوزوم
حاله باخدوقجا من آغلار گوزوم

نیلیوم لب تشنه یم منده اوزوم
اود دوتوب دور قلب آتشبار اوغول
وای اوغول ایوای اوغول
یوخدی سو یانندین اوغول
بیر نفر بیلمز سوسوزلوخ گورمه سه
یوخدی بو غمده ملامت بیر کسه
خیمه ده ویردی اوشاقلار سس سسه
ایلیوبلر تشنه لوق اظهار اوغول
وای اوغول ایوای اوغول
یوخدی سو یانندین اوغول
آغلای غنچه باغ رسول
آغلای صبر ایله چوخ اولما ملول
آغلوری بو حاله زهرای بتول
ناله ایلور عترت اظهار اوغول
وای اوغول ایوای اوغول
یوخدی سو یانندین اوغول
آغلای القوز کمک سیزدور آتان
آغلای غنچه لب قانه باتان
منتظر گوزلور شکارین اوخ آتان
ایتکلن جان دینوه ایثار اوغول

وای اوغول ایوای اوغول
 یوخدی سو یانندین اوغول
 سنده قربانسان جهاندا دینوه
 حالی سن هر بیر زماندا دینوه
 سن سوسوز قربان اولاندا دینوه
 عمقهلر آغلار آنان آغلار اوغول
 وای اوغول ایوای اوغول
 یوخدی سو یانندین اوغول
 کهنمئی یازدی بو اشعارینی
 ایله سون اوز دردینون اظهارینی
 ایلیوب پوزقون مرض افکارینی
 ایلوری اوز نقصینه اظهار اوغول
 وای اوغول ایوای اوغول
 یوخدی سو یانندین اوغول

آغلما آغلتما باجون ای عزیز جان ابوالفضل

آغلما آغلتما باجون ای عزیز جان ابوالفضل
 دور تسلی ویر حسینه من سنه قربان ابوالفضل
 گرچه بو فانی جهانی ترک ایدوب ساقی کوثر
 نی کیمی گلدی نوایه دمبدم آل پیمبر

بو غم عظماده آغلار قدسیان آغلار ملکالر
 جذیمه ماتم دوتوبدور عالم امکان ابوالفضل
 چوخ مؤثر اولدی قارداش آل طاهایه بو محنت
 آغلا هر قدر آغلاسان سن واریری ای کان قدرت
 باش آچار معناده آغلار فاطمه بی صبر و طاقت
 آغلاسا اولسا حسینیم دیده سی گریان ابوالفضل
 ایلوری هر آن آتامون حالتی جلوه نظرده
 خون دل توکسه سرشگون هر زمان رخسار زرده
 بوندان آرتوخ ایتمه شیون قلبیمی چوخ سالما درده
 گوزلرین قربانی زینب ایلهمه افغان ابوالفضل
 اولما سن راضی حسینیم بو عزای غم فزاده
 آغلیوب هر لحظه گلسون شیون و فریاد و داده
 تشنه لب باشین کسلر اهل کوفه کربلاده
 اوندکی سقااوزیده جان ویرر عطشان ابوالفضل
 اولموشوق محنت شریکی بو حسینه سنده مَنده
 باجی سی ایلر قیامت قارداشین باشسیز گوزنده
 اولماسان لاکن برادر سن حسینیم جان ویرنده
 لشگر کوفه ایدلر قانوه غلطان ابوالفضل
 گه باخوب نعلش حسینه گه سنه هر لحظه یانام
 عاقبت محنت خُمنده رنگ رنگه من بویانام

الّـریم باشیمده حیران کربلا دشتین دولّام
 سویلم ای وای حسین وای وای سوسوز قربان ابوالفضل
 باشیون جامین ایدلّـر بیر عمو دیله شکسته
 بند آلور جسمونده اوخلار مثل سنبل دسته دسته
 پیکرون قوسوز سالالار اشقیا تپراقلار اوسته
 اوخلانور مشگون سوسوزلار سو دئیر هر آن ابوالفضل
 گلستان مصطفاده غنچه ده گلّـر سولالار
 الّـرینده بوش سوجامی سو دئیر آغلار اوشاقلار
 اوندای قالدی حسینیم بی کس و بی یار و غمخوار
 کام دل اخذ ایلر اوندای لشکر عدوان ابوالفضل
 سعدین اوغلی اهل شامه صادر ایلر حکم غارت
 خیمه گاهه اود وراآر ظلمیله اهل عداوت
 چولّـره یکسر قاچالار عترت ختم رسالت
 جمع ایدر اطفالی بیریر زینب نالان ابوالفضل
 حاضر اول ای کهنموئی غم گونی بزم عزاده
 سر فراز ایلر بو خدمت خادمی روز جزاده
 گوز یاشون چوخ پربهادور محضر خیر النساءه
 توک سرشگون سویله هر دم قانیله الوان ابوالفضل

الله بیزی ایلمه خجالت

الله بیزی ایلمه خجالت
 سقانی یتور اوزون سلامت
 گل غنچه سی تک سولوب دوداقلار
 غش ایلوری تشنه لب اوشاقلار
 گوزلور سو یولون سوسوز قوناقلار
 الله بیزی ایلمه خجالت
 آلدوخ اوجالان سو ناله سین بیز
 بی طاقت اولانلارین سسین بیز
 گلدوخ آپاراق سو مژده سین بیز
 الله بیزی ایلمه خجالت
 دشمن ایچینه سالوب هیاهر
 نهی آلوب اول رشید مه رو
 دولدوردی سو مشکین ایچمدی سو
 الله بیزی ایلمه خجالت
 رحم ایله سن ای خدای رحمان
 دورت مین اوخ آتان گروه نادان
 سقانی ایدوله تیره باران
 الله بیزی ایلمه خجالت

گهواره ده غش ایدوبدور اصغر
 سند نصورا یوخ عَجیب مضطر
 الله بیزه راه چاره گوستر
 الله بیزی ایلمه خجالت
 ای بیکیس اولانلارین پناهی
 بی چاره لرین امید گاهی
 مایوس ایلمه بیزی الهی
 الله بیزی ایلمه خجالت
 چوخ سعی و تلاش ایدیر ایشنده
 حفظ ایلوری مشگی گردشده
 سو مشگینی ساخلیبو دیشینده
 الله بیزی ایلمه خجالت
 چکنینده سو مشگی گلسه سقا
 بیر مشگ سودور امید احیاء
 نومید ایلمه بیزی خدایا
 الله بیزی ایلمه خجالت
 بو غمده ریاضی سینه داغلار
 رخساریوه اشگ چشمی باغلا
 ذکر ایت بو سوزی عزاده آغلا
 الله بیزی ایلمه خجالت

قارداشیم عباس ئولوبدور قامتیم خمدور باجی

قارداشیم عباس ئولوبدور قامتیم خمدور باجی
 بو مصبیت هامی پیش آمددن اعظمدر باجی
 اوخلانوب سو مشکی قولاری بدنن آیریلوب
 یرده بی صاحب قالان شمشیر و پرچم دور باجی
 هر نه قوت وار قوشوندا قوت پرچمده وار
 پرچمی حفظ ایلین بیر بازوی محکمده وار
 نه دیوم قارداشیمون چوخ سوزلری سینمده وار
 دردو محنتله دولان بو یاره سینمدور باجی
 تا آسردی پرچمی لشگر هامی دلشادیدی
 وعده نصرتله ویران قلیبلر آبادیدی
 هر قدر کی دوشمه مشدی قولاری آزادیدی
 من گوروردوم قارداشیم جنگه مصمم دور باجی
 تا آلودی قارداشیم تشنه اوشاقلارین سسین
 قصد ایدردی ساکت ایتسون آغلیانلار ناله سین
 مشگی دولدوردی چخوب لشکر آلودور دوره سین
 یوز قوبودور خیمه گاهه قصدی محکمدور باجی
 دوشدی سس لشگر ابوالفضلی خیامه قویمیون
 سو آپارسون بچگان تشنه گاهه قویمیون

قویمیون آزاد اولوب یتسون مرامه قویمیون
 مرگنه قارداشمون بو ایش مقمدمور باجی
 رتبه عباسیمه چوخلار چکوب رشک آغلادی
 مشکنه بیر اوخ دگوبدور حالنه مشک آغلادی
 گوردی سقا سو هدر گیتدی توکوب اشک آغلادی
 قانه الوان یوزگوزی اشکیله پُر نمدمور باجی
 اوندکی سو مشکی اوخلاندی دگیشدیردی سوزین
 ایستدی تاگورمسون تشنه اوشاقلارین یوزین
 جان ویروب میدانیده غمدن قوتارسین اوزاوزین
 قارداشیم صاحب مقامات و مکرمدور باجی
 سویلدی قارداش حسین گل درک ایله قارداشوی
 قارداشون جان تاپشیر وراچ باشی اوسته باشوی
 آغلا قارداشون نولور توک عارضه گوز یاشوی
 ایکی قارداش یوزیوزه قویسانه عالمدمور باجی
 بیله بولمه حالت غمگینی یاددان سالمارام
 انتقامین قارداشیمون اشقیان آلمارام
 قارداشیم عباس نولوبدور منده نولم قالمارام
 دستگیر اولماق سیزه بی شک مسلمدمور باجی
 قارداشیمون پیکری قولسوز جفادن اوخلانوب
 حمله ممکن اولمادی قطعه به قطعه دوغرانبوب

قارداشیم حالین گورندن اود دوتوب قلبیم یانوب
 بو غمیم گلمز حسابه چوخ بیوک غمدور باجی
 قارداشیم نعشین قویوب میداندا یالقوز گلیمیشم
 پیکری پاره دوشوبدور یرده قولسوز گلیمیشم
 قالموشام بوچولده قارداشسیز اوغولسوز گلیمیشم
 حالتی قارداشیمون گوزده مجسمدمور باجی
 کهنمویی بیزلره خادمی سید دوراوی
 ایلوری خدمت شفاعتده مسلم وارگوزی
 ظاهرأ بیچاره دور اما یازبدور بوسوزی
 موقع خدمتدی چون ماه محرمدمور باجی
 باشون جداده گورمورم قارداش ابوالفضل

باشون جداده گورمورم قارداش ابوالفضل
 هاردا قابوسان بیلیمورم قارداش ابوالفضل
 ای وای منه آت بوینونا باشون آسوبلار
 قالدیم نیه من نولمورم قارداش ابوالفضل
 سن آیرلاندا خیمه دن من گورمه مشدیم
 هاردا دوشوب قولسوز بدن من گورمه مشدیم
 سقانی عطشان جان ویرن من گورمه مشدیم
 ظلمیله قولاری قلم قارداش ابوالفضل

بیله ایشتدیم گورمدیم ای دل خجسته
 ضرب عمودیه اولوب باشون شکسته
 بو علتیه دورمیوب بیر نیزه اوسته
 باشون آسیلدی لأجرم قارداش ابوالفضل
 رخساره شه قانین یاخان سرلشگر ایوای
 سلطانیله حیران باخان سرلشگر ایوای
 اوخلی گوزیندن قان آخان سرلشگری ایوای
 قالدی سوسوز آهلحرم قارداش ابوالفضل
 نعشون یر اوسته تاپمادیم من کربلاده
 گلدیم ثورکدن نی کیمی فریاد وداده
 باشلار یانیندا گورمسم باشون جداده
 زبینه دور جان بذل ایدیم قارداش ابوالفضل
 وار هر گلون بیر بلبل قارداش یانینجا
 دُر تک نثار ایلر اونا گوز یاش یانینجا
 باجی دئیر وای قارداشیم هر باش یانینجا
 بیچاره من بس نیلرم قارداش ابوالفضل
 مشکلدی آیرلسا اگر بلبل چمندن
 گل عطرینی آلماخ گرک هر گل دَرندن
 نیزه باشندا باشلاری یاندیم گورنندن
 هاردا دیدیم صاحب علم قارداش ابوالفضل

قربانی کسمزلر سوسوز قربان یانیندا
 سرلشگر سلطان اولار سلطان یانیندا
 هر حکم سلطانه ویرر سلطان یانیندا
 صاحب وفا عالی شیم قارداش ابوالفضل
 سلطان دین و مذهبهمراز اولوبسان
 هر بیر مقاموندا عجب ممتاز اولوبسان
 سقا علمدار اولموسان - سرباز اولوبسان
 سلطانی ایتدون قدی خم قارداش ابوالفضل
 کلثومیه قارداش نیه لطفون آزالدی
 گل فرقتنده بلبلون رنگی سارالدی
 باشون جداده گورمیوب حیرتده قالدی
 شوریده دل بیر بلبل قارداش ابوالفضل
 ای صاحب فضل و گرم ای بی قرینه
 قسمت منه اولسا اگر بیرگون مدینه
 من نه دیوم آلسا خبر أم البنینه
 عباسه اولدی نه ستم قارداش ابوالفضل
 ای کهنموئی بوسوزی یازدون شتابان
 سندن ابوالفضله اولا بیر تحفه ارزان
 نه قافیه ملحوظ اولوب نه اصل عنوان
 باشون جداده گورمورم قارداش ابوالفضل

زبانحال در شهادت حضرت علی اصغر (در جمع شعرا و نوحه خوانان)

ای حسینون اللّٰهی شاهد اول اوخلانوب سوسوز سود آمربالام
اوچ گیجه گونوز لبلرین آموب ایمدی قائلو پیکان آمربالام
من ازل کی گون وعده ویرمشم کربلاده بیر امتحان ویرم
نونهال باغ رسالته سویرینه بو چولده قان ویرم
قویمیم شریعت گلی سولا عشقیمی جهانه نشان ویرم
عهدیمه وفا ایله دیم بوگون تشنه اوخلانوب مُحْتَضَر بالام
(از کهنمونی)

دوغرادی جوانلاریمی سوسوز بیر به بیر بوگون قوم اشقیا
صبر قیلّام هر بیر مصیبتیه هر قضایه ویرم خدا رضا
اکبریم نُولنده بو حالته دوشمدیم آیا خالق - عَلَا
آه آتشینله بو جانمه اوخلاناندا وُردی شرر بالام
(از عاصی)

ماه آل هاشم بو دشتیده ایله دی خدا ظمیله خسوف
شمس آل هاشمده آز قالور ابر خونیده ایله سون کسوف
آلریمده بو سود آمر بالام گلمیشم بودرگاهه یا رُئوف
شاهد اول بو قائلو قماطله محشره بو نوعی گلر بالام
(از محسن رهمنای جورابچی)

بو منای عشقیمی دولدوروب یتمش ایکی قوچ قوزی قربانیم

فرد فردینون حقلیم اگر هجرینون اودونا یانار جانیم
بی گمان منای محبتون قائلو توپراقین خوش بویار قانیم
قائلو قونداقیله ولی گوزل بو منای عشقی بَزَر بالام
(از ذهنی زاده)

من مَوْفق اولدوم مرامیمه شکر اولاسنه حی لاینام
آز قالور سوسوز جان ویرم اوزوم ایلیم هامی عهدیمی تمام
خدمتیمی تکمیل ایدوب منیم اللّٰریمده بو طفل تشنه کام
قانیله بویاندی بو عرصه ده ویردی یاخشی بیر پُرثمر بالام
(از کهنمونی)

دین یولوندا گر چه بوچولده من کسمیشم تمام علائقی
بیلّم اوزومی بو حالیه لیک وصل دلدار لایقی
شمر آئینده کی خنجرین سویون بوسوز دوداقلاردی شایقی
اصغیریمده جان ویردی تشنه لب ایله دی منی مفتخر بالام
(از کهنمونی)

من بو شیرخواری گتورمدیم بو امیده بیر جرعه سو ایچه
ایستدیم بو ظالم جماعتین ظلم و جوری اندازه دَن گیچه
لیک گلمزیدی گمانیمه اوخ قلاج بوغازین بیله بیچه
سو یرینه بیلّمزدیم اوخ گلر اللّٰریمده آلدن گیدر بالام
(از ذهنی زاده)

گر چه اوخلانوب تشنه لب بالام حالیمی پوزوبدور مصیبتی

سن بیلورسن حسینونونده واردور بو حاله دلدن رضایتی
نیلیوم آناسی گوز تلوری گوز تکوب یولا واردی حسرتی
بیلموری ایچوب سویرینه قان ظلمله تُولوب سود امر بالام
(از عاصی)

بو جماعت ایستری جدیمون ایلسونله زحمتلرین هدر
باغ دینده گُللر خزان اولان نونهال دین ویرمیه ثمر
دیننه فدا اولماقا گلوب قانینه بویاندی بوسود امر
آی گونون دالنجا جدابویی بیر ستاره تک سیر ایدر بالام
(از کهنمویی)

آتش فراقیله واریری عالمه بوگونه شَرر سالام
دلخوشام تَورکدن من ایخدا بو منای و حَدّده تک قالام
اوخ دگنده نازک بوغازینه گوز آچوبدی دیسگیندی بیر بالام
ایله دیم من احساس او وقتده شمع تک آلمده سوئر بالام
(از محمود نالان)

هر مصیبت و درد و محنتیم بیر یانا بالام دَردی بیر یانا
سن بیلورسن الله بو سود امر نسیگیلیله باغیریم دونوب قانا
بیراچیم سواوستونده کیم گوروب ظلم اوخیله سودامر اوخلانا
لامحاله باخمادی حرمله ورماسیدی پیکان تُولر بالام
(از ذهنی زاده)

مین بیله بلا و مَحَن یته منده وار دُزوم اولمارام ملول

باخمارام خیمده سوايستوری آغلاشور هامی عترت بتول
واردی خواهشم لیک ایخدا قیل گیلن بوقربانیمی قبول
چون اوزون بوکوی محبتین بیرقوزی فداسی بولر بالام
(از عاصی)

گوردی اصغیریم دین کمک لری ایلیوبله بوچولده اتفاق
نوش ایدن شهادت پیاله سین محضر نگاره گیدر قوناق
ایستدی فدایان دیندن قالمیا دالی تشنه بواوشاق
لعل تک اودور سرخ فام اولوب قرمزی لباسی سوئر بالام
(از کهنمویی)

بیر نهاره اسلامی دعوتی خاطر ایله دی جمعه نون گونی
ناصری و محمود و حبشی آذری و طهباز و محسنی
کهنمویی و عاصی و فقیه نوحه خوان حمیدیه گلچینی
یازدولار اوسائل یازان سوزی اوخلانوب سوسوز سودامر بالام
(از کهنمویی)

اوغول یوخ - قارداشی یوخ - سس ویرن یوخ
دادخواهی یوخ

گورن وقته حسین بیکسدی یالقوز دور پناهی یوخ
گلوب ویرسون تسلی زهرلی اوچ شعبه لی بیر اوخ
اوغول یوخ - قارداشی یوخ - سس ویرن یوخ - بیر پناهی یوخ

کمک سیز بیر غریبه حقّدن آماده دور لَبّیک
 یارالی بیکنف مظلومه هر گوگدن گلور لَبّیک
 کماندان آیرلاندان اوخ هواده سسلنور لَبّیک
 گلوب ویرسون تَسَلّی زهرلی اوچ شعبه‌لی بیر اوخ
 کماندان که اوخ آیریلدی هواده سسلنرقان قان
 بواوخ اوز امرینه بوباره‌ده مبهوتیدور حیران
 ندای بیکسه لَبّیک گویان سیر ایدر هر آن
 گلوب ویرسون تَسَلّی زهرلی اوچ شعبه‌لی بیر اوخ
 اگر چه اوخ آتان دشمن یانیندا سرفراز اولدی
 ولی اوخ مقصده چون یتدی صاحب امتیاز اولدی
 شکسته قلبه بیر اوچ شعبه‌لی اوخ دلنواز اولدی
 گلوب ویرسون تَسَلّی زهرلی اوچ شعبه‌لی بیر اوخ
 بو اوخ گرچه اوزی بیگانه دور ناخوانده مهماندور
 قنادسیز قوشدی اما حامل و مجرّی فرماندور
 گلوب یول آچماقا بزم وصاله پیک یزداندور
 گلوب ویرسون تَسَلّی زهرلی اوچ شعبه‌لی بیر اوخ
 اوخی دست قضا آلدی امامین قلبینه تاخدی
 آخان قانی دوتوبدور اوچونا رخسارینه یاخدی
 بو حاله سس چکوب اوخ آغلادی حیران دوروب باخدی
 گلوب ویرسون تَسَلّی زهرلی اوچ شعبه‌لی بیر اوخ

بو اوخ دشمن کمانیندن چخوبدور قاصدجان دور
 ولی حیرتده دور بیلیمور نه وار حالی پریشان‌دور
 یتوب گوردی حسینه هر یارا بیر چشم گریان‌دور
 گلوب ویرسون تَسَلّی زهرلی اوچ شعبه‌لی بیر اوخ
 اوزی حیرتده دور هاردان گلوب هاردا مکان ایتدی
 گوروب دشمن امامین پیکرین تیره نشان ایتدی
 پیمبر اَمّتی پیغمبر اوغلون باغری قان ایتدی
 گلوب ویرسون تَسَلّی زهرلی اوچ شعبه‌لی بیر اوخ
 مخاطب ایلور اوخلاری گورن آیا بونه سندی
 دیور اینجیتمیون اوخلار یاراسی چوخدی بیکسدی
 نُورک باشینداکی داغ علی اکبر بونا بَسدی
 گلوب ویرسون تَسَلّی زهرلی اوچ شعبه‌لی بیر اوخ
 اگر چه دشمنی قصد ایلین بیر ظلمه مأمورم
 مقامیم چوخ بیوک یردور نُورکدن شادو مسرورم
 کمک سیز بیر غریبه تسلّیت ویر ماقه مأجورم
 گلوب ویرسون تَسَلّی زهرلی اوچ شعبه‌لی بیر اوخ
 بوسوزلر کهنموئی بیر زبان خالدور اوخدان
 اولار ممکن دانشدرسون اونی خلق ایلین یوخدان
 دانشدیرماخ جَمادی قُدرتندن ذره‌دور چوخدان
 گلوب ویرسون تَسَلّی زهرلی اوچ شعبه‌لی بیر اوخ

مطلع از مرحوم هندی و بقیه نوحه از مرحوم کهنمونی می باشد.

نورکدن چخماقون ممکن دگول اینجتمه جان ای اوخ

نورکدن چخماقون ممکن دگول اینجتمه جان ای اوخ
 پر آچ اوز آچدیقون بیر یاریه اول سایبان ای اوخ
 امان ای اوخ - امان ای اوخ - امان ای اوخ - امان ای اوخ
 اگر چه ظاهراً اوخ سان ولی چوخ قیمتون واردور
 بوگون انجام خدمتده بیوک جدیتون واردور
 پیام حقّه حاملسن نه عالی رتبتون واردور
 گلوب خوش گلمیسن ایتدون حسینی شادمان ای اوخ
 دگول قلبیم منیم عادی مکان ، حق تکیه گاهی دور
 بو پاره پاره سینم مخزن علم الهی دور
 وجودیم سربسر آیات توحیدون گواهی دور
 عجب قیمتی یرده اگلشوب ایتدون مکان ای اوخ
 بویر - گوگ حقدور حق خالق بی مثل و یکتا حق
 پیمبر اوغلیم نولدور دولر امت منی ناحق
 نورک قانیم آخار معناده نقش ایلر یره یاحق
 بنای باطلی محو ایتدی حق اولسون عیان ای اوخ
 یوزوم گردوغبارین قانمیله شستشو ویرم
 سرافراز ایلمرم اسلامیه آبرو ویرم

نورک قانین پیمبر اکدیقی گلزاره سو ویرم
 مبادا غنچه لر سولسون پوزولسون گلستان ای اوخ
 نورک قانین سپر فواره تک بو نحر منحوریم
 ایدر کشف حقیقت اهل حقّه قلب مجروحیم
 رضایم چخمیه تیز گج بدندن آیریلارو حیم
 شکسته دل اولان هر آن مکان و لامکان ای اوخ
 مقام قرب حقی دین یولوندا نولمین بولمز
 جهاندا شاد اولار کافر قیامتده یوزی گولمز
 نولر جنّ و بشر بیر ذات حی لایموت نولمز
 جهان فانی اولار من قالمارام سن قالماسان ای اوخ
 گلنده مژده ویردون گلماقون مسرور خوش گلدون
 نشیمنگاهوی گوردون نورک باشینده بوش گلدون
 بویرده میزبان اول ایله هر مهمانه خوش گلدون
 گلنده زخم تیغ و خنجر و زخم سنان ای اوخ
 هامی بند اولمش اوخلاردان واروندور امتیاز ای اوخ
 سو یوخ قان عاشقه ویردون که آلسون دستماز ای اوخ
 مقام قریده قیلسون ایکی رکعت نماز ای اوخ
 که بیلسونلر مسلمان نولدورور اسلامیان ای اوخ
 دیدیم من فاسق و فاجردن اسلامه امام اولماز
 دیدی بونلار یزیددن غیره بیزدن احترام اولماز

مخالف شخصی نولدورروخ حیاتنده دوام اولماز
لب عطشان نولدورلتر کوفه اهلی شامیان ای اوخ
حسین کهنموئی شهرتیم دیننده یکرنگم
ره شعر و ادب سیر ایلین موقعده پالنگم
ولی بیر بوردا استاد شباهنگه هماهنگم
نورکدن چخماقون ممکن دگل اینجتمه جان ای اوخ

خطاب شمر لعین به اسراء بعد از بریدن سر امام

من شمر شریرم ایدوزم عالمه اخطار
کسدیم آتازون باشنی قویدوم سیزی آغلار
ای خارجی قیزلاری نه شیوندی نه ناله
عزتلوگونوز باشه یتوب اولدوز عجب خوار
وزام باشوزه قمچی سیزی داده گتوزم
فریادوزه گلمورنیه بس. هاردا علمدار

جواب اسراء به شمر لعین

ای شمر دنی ورماییزی بی پدروخ بیز
اعدایه اسیروخ گوروسن دربدروخ بیز
نولدی آتامیز قارداشیمیز بیر کسیمیز یوخ
چوللرده قالب برگ خزان تک اسروخ بیز

امداده گلن یوخ نه قدر داده چاغزوخ
یوخ چاره یولی گوزیاشی گوزدن توکروخ بیز

خطاب رباب به نعش حضرت حسین علیه السلام

بیکس بابا بیکسلرین امدادینه سس ویر
سس ویر بالاون ناله و فریادینه سس ویر
قالدیم بابا رحم ایلمین دشمن الینده
بیچاره ربابون چاغرور دادینه سس ویر
دشمن سنی نولدوردی منه چوخ ستم ایلور
قویمابالوی صید اولاصیادینه سس ویر

جواب حضرت حسین علیه السلام

گل گل یانما قوخما بالا ایلمه ناله
ای نازلی رباییم سنی کیم سالدی بو حاله
گل گل بالا قوی باشوی راحت سینم اوسته
پروانه کیمی ور اوزیوی شمع وصاله
سسله خانم عمه نگران اولما قیزوندان
گل قرمزی توپراقدا بیتوب قرمزی لاله

خیمه‌لر اودلاندی گل قارداش حسین

خیمه‌لر اودلاندی گل قارداش حسین
 اهل بیتون یاندی گل قارداش حسین
 حسین جان - حسین جان - حسین جان
 هارداسان هارداسان هارداسان
 خیمه گاه اودلاندی یوخدور رحم ایدن
 حالدن چخدی بو حالی هر گورن
 خیمه‌لر اهلی توکولدی خیمه‌دن
 بو ایشه حیراندی گل قارداش حسین
 رحمسیز غارتگرین غارت سسی
 آغلیان اطفالیون دل ناله‌سی
 خیمه لردن اودلانان اود شعله سی
 گوگلره قوزاندی گل قارداش
 بیر نفر یوخدور بیزه رحم ایلین
 قیزلاروندور جامه کهنه گین
 اهل غارت یاندوران غارت ایدن
 لشگر عدواندی قارداش حسین
 دونمادی دورانون غریبه گردشی
 مشکله دوشدی اوشاقلارین ایشی

هرکسین وار اضطراب و تشویشی
 حالنه گریاندی گل قارداش حسین
 ناز بالاشده یاتان دُر دانه‌لر
 شمع باشنده اولان پروانه‌لر
 بزم ایمنده گزَن همخانه‌لر
 جمله سرگرداندی گل قارداش حسین
 خیمیه گوردوم هجومین لشگرین
 آلدیم الدن اهل بیت مضطربین
 دشمنه ویردیم زروزیورلرین
 خیمه‌لر تالاندی گل قارداش حسین
 گل حرمده گور نئجه غوغادی گور
 اهل بیت خانه‌سی بر بادی گور
 اودایچینده سید سجادِ گور
 بید تک لرزاندی گل قارداش حسین
 بیلمه بیله گوزدن آتدیم اوغلو
 اودلانان اشیائه قاتدیم اوغلو
 من یانان اوددان چخاتدیم اوغلو
 قامتیم چوگاندی گل قارداش حسین
 ساغ قالوبدور زینبون ئولمور نیه
 بعضی قیزلار ئولاماقون بیلمور نیه

سو یلوری عمه بابام گلمورنیه
چشمی خون افشاندی گل قارداش حسین
سو کیمی آخدی یره قانون سنون
حیف اولا چخدی سوسوز جانون سنون
ساخلام شام غریبانون سنون
فاطمه مهماندی گل قارداش حسین
کوفه ده گورسن سلامت زینبی
بیل آچوبدور بیر حسینی مکتبی
ایلوری تبلیغ دین و مذهبی
عامل پیماندی گل قارداش حسین
کهنموئینی مرض ایلوب دچار
مکتب قرآنی وار تدریس وار
ایستوری ویرسون شفاسین کردگار
ایسته سون آساندی گل قارداش حسین

نیزیه باشلار وُرولدی ظللمه نقصان اولماسون

نیزیه باشلار وُرولدی ظللمه نقصان اولماسون
آشکار اولسون حقیقت خلقه پنهان اولماسون
دین آدیله دینی محو ایلوردی لامذهب یزید
نشر قرآن اولسون اما حکم قرآن اولماسون

ایستدی فرعون بلا مانع یتشسون مقصده
سو یلدی موسی گلوب حق دینوزی تغیر ایده
یا که ایجاد ایلیه بو مصرده بیر مفسده
سعی ایدون بو مقصد و مقصوده امکان اولماسون
خرمن فرعونه اولدی هنده اوغلی خوشه چین
خلقی اغوا ایلدی بو نحویله ای اهل دین
گور موسوز ایلور حسین شق عصای مسلمین
ایستور اوندان غیر یسی اسلامه سلطان اولماسون
جانشین تعیین ایدوب شخصاً خلیفه سیزلره
آلده بیر شمشیر بُراندور حریفه سیزلره
دائماً سرمشقدور حکم سقیفه سیزلره
حکمران آل علیدن خلقه بیر آن اولماسون
ایلدی ظاهر علی اولادینه اوز کینه سین
قویمادی پنهان نُور کده کینه دیرینه سین
یولادی رشوه شریح قاضیه زر کیسه سین
تا امام نُولدور ماقی بی اصل و برهان اولماسین
چوخلارا دنیاده شیطان عزت بی جا ویروب
تولادی دینسیز شریحه وعده دنیا ویروب
پولاری آلدی حسینون قتلنه فتوی ویروب
هانسی دنیا خواهی گوردون عبد شیطان اولماسون

نشر اولوب هر یرده فتوا آشکار اولدی خبر
 حاکم و مفتی هر شهره ویریلدی سیم و زر
 دینیده قتل حسین واجب اولوب قانی هدر
 کیمده وار جرأت مطیع امر و فرمان اولماسون
 رسم دنیا دور عوامه سیم و زر اولماز نصیب
 دین آدیلله جاهلی تولار اولان دینه رقیب
 کورکورانه اولار تابع دگول امر عجیب
 هانسی نافهمیده انساندور که حیوان اولماسون
 ویردیلر مژده گلون حقدن حمایت وار سیزه
 نولسوز نولدورسوز بیلون اجر شهادت وار سیزه
 نولمه سوز قالسوز غنیمت واردی غارت وار سیزه
 کسب فیضه هانسی مؤمندور شتابان اولماسون
 ایتدیلر جسم حسینی قطعه قطعه چاک چاک
 بو ثوابه یتمینلر اولدولار بس خشمناک
 داش و واردی یا آتاردی هر گلن بیر مُشت خاک
 تا اولایمانی کامل ناقص ایمان اولماسون
 گورمه میشدی باجی قارداش نعشینون اوضاعینی
 قتلگهده گوردی باشسیز پیکر شان شانینی
 زخمه مرهم بیلوبدور اشک خون افشانینی
 قلبینه اولسون تسلی دل پریشان اولماسون

عرض حاجت ایتدی بیله بنت زهرای بتول
 هر غمه یارب خریداروخ بیز اولاد رسول
 بوسوسوز قربانی ایله آل طاهادن قبول
 ایتدیقی عهد اولسون ایفاء نقص پیمان اولماسون
 حاضر منده بویولدا عهدیمه ایفاء ایدم
 دست بسته نافه اوسته شام و شاماته گیدم
 قوه ایمانیمی سفیانیا نه گورسدم
 ایلیم رسوا یزیدی شاد و خندان اولماسون
 کهنمونئی اولدی اجراء زینبون برنامه سی
 دین یولوندا رخت عزتدور اسارت جامه سی
 درس عبرتدور حسینون کربلا هنگامه سی
 مؤمن آلسون درس دینی اهل عصیان اولماسون

کربلایه کوفه دن گلدی علی ابن الحسین

کربلایه کوفه دن گلدی علی ابن الحسین
 نعشینی گوردی حسینون باشلیوبدور شورشین
 کوفه زندانینده عمم قالدی من گلدیم بابا
 ایلیم بو جسم عریانه کفن گلدیم بابا
 بوسوزی زنداندا الهام ایلدی خالق منه
 بوینوون زنجیرینی آج باخما ظلم دشمنه

دورما تیز گیت کربلایه ویرمیشم قدرت سنه
 بیکنن اجسادى مدفون ایله سن گلدیم بابا
 گلمیشم بو پاره پاره پیکرون دفن ایلیم
 بزم خلوتده سنه بیر بیر ئورک دردین دیم
 وار یری قبرون کناریندن ئولونجه گیتیم
 عرض ایدم ای آج سوسوز مظلوم ئولن گلدیم بابا
 هامی بیلدی عمه میله باجی قارداشسوز نجه
 راضی اولماز دوز ملاقاتوز دوشه بیرگون گیجه
 اوندا که خولی باشون اوندان آیردی بیر گیجه
 ایتدی شکوی صبرینه گل خاریدن گلدیم بابا
 آیرلندا خیمه دن عمه مدن آلدون پیرهن
 ایتدون اول پیراهنی تیغیله پاره پاره سن
 ایتیمه بیر کس طمع عور اولمیا باشسوز بدن
 بس هانی اگنونده پاره پیرهن گلدیم بابا
 من گلنده گوردیلر اهل قبيله مردوزن
 ایتدیلر وحشت که آیاکیمدی بو آتلو گلن
 سوزلرون گیزلتدیلر سر اولماسون فاش و علن
 سن دوشن یردن کنار اولدی گورن گلدیم بابا
 سویله دیم اهل قبيله من هم اسرارم سیزه
 قوخمیون باک ایتمیون یار وفادارم سیزه

گلمیشم دفن ایتماقا اجسادى همکارم سیزه
 تا ایشیتدی بو سوزی گلدی گیدن گلدیم بابا
 سویله دیم بو یرده سیز حیرته قالمیشدوز تمام
 بو ئولنلردن رعیت هانسیدور کیمدور امام
 من تانوتدوزام بو باشسوز دور منیم بیکنس آتام
 گلدیلر فریاده یکسر مرد و زن گلدیم بابا
 کوفیه وارد ایدنده اهل کوفه بیزلری
 پیشوازه گتدیلر نیزه باشیندا سیزلری
 ایتدی عمم خطبه سنده مفتضح دینسیزلری
 یوزده اشک دیده گوردوم ناهقه دن گلدیم بابا
 اختاروردی نیزده کلثوم ابوالفضلین باشین
 خیمه لردن آیرلاندان گورمه میشدی قارداشین
 تاپمادی نوک جداده توکدی گوزدن گوز یاشین
 گور نجه ظلم ایتدی اشرار زمن گلدیم بابا
 سویله دی کلثوم اولوب قان گوزده گوز یاشیم منیم
 تازه دن تازه بلایه توش اولور یاشیم منیم
 بس هانی سرلشکر شه نولدی قارداشیم منیم
 تا ایشتدیم بوسوزی فریاده من گلدیم بابا
 دیده گریان لترین قویموشدی حیران قوینونا
 اختاروردی قارداشین اظهار ایده دردین اونا

گوردی بیر آتلو آسوبدور باشینی آت بویونا
 بوغمی گوردوم گوزیله کوفه دن گلدیم بابا
 کوچ ایدنده قتلگه‌دن قویمادی شمر شیر
 بیکرون دفن ایلیم من ایلیمیشدی دستگیر
 صادر اولدی کوفه ده امر خداوند قدیر
 عارضه توکدوم سرشگی کوفه دن گلدیم بابا
 کهنموئی متقی ایلر گنه‌دن اجتناب
 سعی ایدر کسب ایله سون آز عمرده اجر و صواب
 ایله‌دی اوغلی یارالی پیکره بیله خطاب
 کوفه زندانینده عمم قالدی من گلدیم بابا

ای تاجر غم غصه بازرگانی زینب

ای تاجر غم غصه بازرگانی زینب
 آچدیم تاجر تخانه‌ی قرآنی زینب
 اولسون گرک تاجر اولان کسبنده ساعی
 سرمایه پاک اولسا اولار چوخ انتفاعی
 من بیایع الله مشتری جانیم متاعی
 بوگون اولار دادوستد پایانی زینب
 سود و زیاندور قوه‌ی ایمانه بسته
 سرمایه سیز تاجر اولار تیز ورشکسته

دینداری قرآن مکتبی ساخلاردین اوسته
 قرآندی حق و باطلین میزانی زینب
 هر یرده گر بیر مکتب قرآن اولیدی
 ظلیمله آباد ، عدلیله ویران اولیدی
 هر بیر مسلمان صاحب ایمان اولیدی
 اولمازدی باطل دینلرین امکانی زینب
 قرآنیان ایتسیدیلر قرآنه طاعت
 قرآن ایدردی اونلاری حقه هدایت
 هر فرده ایلردی اوزی خالق حمایت
 آسان اولوردی دردلرین درمانی زینب
 قرآن گلوبدور مسلمینده وحدت اولسون
 اسلامیان دارای عز و شوکت اولسون
 محتاج کافر اولماسون با غیرت اولسون
 ناچیز بیلسون کفر و کفرستانی زینب
 کافر مسلمان شهرینه پرچم ساچان گون
 دین اهلی دینندن دونوب کفره قاچان گون
 باطل قاچاردی مکتب قرآن آچان گون
 حق گلسه اولماز باطلین دورانی زینب
 من سعی ایدردیم پرچم اسلام اوجالسون
 کافر سوردی بیرق دین یرده قالسون

بدر و حنینون انتقامین مندن آلسون
 اولسون اسیر دشمن عفت کانی زینب
 گلدیم بوچولده حقدن امداد ایستیم من
 مکتب آچام تفسیر قرآنی دیم من
 یتیمیش ایکی جان دینه قربان ایلیم من
 مستحکم اولسون دینمون بنیانی زینب
 بو مکتبین برنامه سی قانداق یازیلسون
 بومکتبین سرلوحه سی قانداق یازیلسون
 آخرده پایان نامه سی قانداق یازیلسون
 سالسون بومکتب حیرته دنیانی زینب
 بو مکتبین درسی گرک فوری دئیلسون
 درس فداکارلوخ بوافراده ویریلسون
 جان اوسته دوردین قان ویراخ دینه دیریلسون
 بی دینون آله اولماسون عنوانی زینب
 نام خدائیلله اولار برنامه آغاز
 استاد مکتبله محصلر هم آواز
 بومکتبون هر فردی بیر سرباز جانباز
 قربان ایدر قرآنه باش وجانی زینب
 بومکتبون افرادی لازم دور سچلسون
 هر قامته رخت بلا و غم بیچلسون

مکتبده گر سو اولماسا قانلار ایچلسون
 سیراب ایده قان هر دل عطشانی زینب
 بومکتبون استادینون وار امتیازی
 اولسون بوغازیندن آخان قان دستمازی
 قاتلو یارالی جسمیله قیلسون نمازی
 اوزدیننون اولسون سوسوز قربانی زینب
 گامه یتیشسون دشمنی جور و جفادن
 باش سجده گهده باشینی کسسون قفادن
 تکبیرینی ذکر ایله سون نوک جدادن
 تا بو نمازین قالماسون نقصانی زینب
 ای کهنموئی دین ایدر دنیانی آباد
 قید اسارتدن ایدر دنیانی آزاد
 زینب ایدنده کوفه ده بیر خطبه ایراد
 ساکت ایدودبور شهریده غوغانی زینب
 زینب که گیدوب شامه اسیر اولدی پریشان
 زینب که گیدوب شامه اسیر اولدی پریشان
 دفن ایله دی ویرانه ده بیر قدرت پنهان
 بر باد ایله سون شوکت دربار یزیدی
 محو ایلیه هر بازده آثار یزیدی

باطل گیده جاق قالیمه جاق شوکت و عزّت
 دائم قالاجاق ذکر اولاجاق حق و حقیقت
 مظلومه ویرر گردش دنیا ایله فرصت
 آخرده اولار گون کیمی بیر گونده نمایان
 هر کس که گوروب شامی بیلور صورت حالی
 بیر طفل یتیمون نقدر واردی جلالی
 محو اولدی یزیدون آدی هم ملک و منالی
 عبرت گوتوزر شامی اگر گورسه مسلمان
 بیر گون واریدی شوکت دربار یزیدی
 مجری دی هامی حکم جفاکار یزیدی
 بیر گونده ایله محو اولوب آثار یزیدی
 گویا یوخوموش شامده بیر لحظه و بیر آن
 بیر گون که یزیدون سوزی هر یاندا گچردی
 بیر گون که حق خیرمن باطلده سچردی
 اویناردی قماری گوتوروب باده ایچردی
 سویلردی منم عالم اسلامده سلطان
 بیر گون هامی محکومیدی فرمان یزیده
 مانع یوخیدی مذهب و ایمان یزیده
 قرآنی دگیشدیردیه قرآن یزیده
 یعنی که اوگون عکس اولونوب معنی قرآن

امر اولدی گرک شامده قرآن اول قرآن
 قرآنیه همراه اولا هر فرد مسلمان
 تفسیر خلاف اولمیا ایشلر اولا آسان
 درباردن افراده بودور حکم و بوفرمان
 حزب ایتدیه قرآنی که سرگرم اولامت
 تاکرب وبلا واقعه سین ایتیمیه صحبت
 آزاد اولا هر امر خلاف ایلسه دولت
 قرآن اوزی بیر امر خلافه اولا عنوان
 ایستوردی که محکوم ایلیه آل عبانی
 دربارینه قول باغلی آپاردی اُسرانی
 زینب دانیشوب کشف ایلدی سر نهانی
 خوار اولدی نظرلرده زنازاده سفیان
 دفن ایتدیه ویرانه ده بیر طفل سه ساله
 تغیر و یروب حالتی بیر امر محاله
 دستگاه یزیدی هاموسی گیتدی زواله
 دربار یزیدی ایلدی خاکیه یکسان
 هر کس که گیدوب شامده ویرانه ده گورسه
 بیر مرغ ستم دیده نی بیر لانه ده گورسه
 نه شوکتی وار اوردا عزا خانه نی گورسه
 هیچ سر خفی اولماز ایله بیر کسه پنهان

آختار سا اگر اوردا یزیدین خبریندن
 یاکه خبر آلسا او لعین رهگذریندن
 بیر جزئی نشانه تاپاییلمز اثریندن
 دنیا داغیدوب شوکتنی ایلدی ویران
 اما او یتیمون که خرابیدی مکانی
 چوخ شهرتی وار دولدوروب آفاق جهانی
 چون حقدی پاینده قالب سَر نهانی
 دنیا نقدر واردی اولار قبری نمایان
 بیر سید حسین آدلی دی شاعردی ریاضی
 اَز ایلدیقی ایشلرینه حاکم و قاضی
 قرآنین اولان امرینه فرمانینه راضی
 تاکه دیله بیرده بودور پیرو قرآن

خروج اهل بیت از شام

ای رقیه عازم مخ کوی وفایه دور گیداخ
 یاتما بو ویرانه یرده کربلایه دور گیداخ
 سن گلنده بو پریشان جمعیله همراهیدون
 هر کسه منظور دل هر شخصه خاطر خواهیدون
 یوخسا بو ویرانه یرده تُولماقا آگاهیدون
 دَندَرَزَدون بویری ماتم سرایه دور گیداخ

که منه باخدون قیزیم سن آغلادون من آغلادیم
 که سَنه گلدی شماتت ایتدی دشمن آغلادیم
 اوندا که مندن آتاوی ایستدون سن ، آغلادیم
 تاپمادیم چاره بوغملو ماجرایه دور گیداخ
 هر زمان ایتدون شکایت منزل ویرانه دن
 که دیردون اینجیرم عمه قوری یرلرده من
 عاقبت اگنونده کی کوینک سَنه اولدی کفن
 مشگل اولدی بوغم آل مصطفایه دور گیداخ
 زینبم مجنون عشقم گوئیا دیوانیم
 سندن آیریلماخ چتندور آیرلوخ حیرانیم
 بیرده سسلن عمه جان دی من دیلون قربانیم
 بلبل غم دیده باغ مصطفایه دور گیداخ
 ای گلن تنگه ستمگرلر ایدن آزاریدن
 ای سولوب خندان اولان جور و جفای خاریدن
 کوچ ایدوبلر آشنا یوخ بیر نفر اغیاریدن
 همره اول بوکاروان آشنایه دور گیداخ
 بیلرم نه ذکر ایدیم ای نور عینیم نه دیم
 گوز یاشیم آرتدوقجا آرتار شوروشینیم نه دیم
 ایستسه آیاسنی مندن حسینیم نه دیم
 نه جوابیم وار ذبیحاً من قفایه دور گیداخ

من اوزم وصلت لباسین خسته تندن سویمادیم
 سن بیلورسن که سنون شیرین دلوندن دویمادیم
 اختیار یله سنی ویرانسراده قویمادیم
 حق ایده لعنت یزید بی حیایه دور گیداخ
 ایمدیکه قالدون بو یرده ایتمسن عزم وطن
 قوی سپوم گوز یاشیمی اولماز بو قبره سوسپن
 ایلیوم جاروب گرد و خاکینی مژگانیلن
 سویلیوم سس ویرمن بی اقرایه دور گیداخ
 دائماً گوز یاشی توکدی چشم چون ابرون سنون
 صبری حیران ایله دی بو سنده کی صبرون سنون
 بیر ایشقلی اولدوزا بنزر قیزیم قبرون سنون
 نوری سالما بو گروه اشقیایه دور گیداخ
 که گیجه گوندوز توکوب گوز یاشی گوزدن وای دیدون
 یاده سالدون که علی اکبری ایوای دیدون
 که یوخوندا سود امر قارداشوا لای لای دیدون
 همصدا اولماقه صوت لای لایه دور گیداخ
 کهمنمونی تازه سوز واردور ایشیدیم بیر خبر
 سنده گویا کربلایه ایتمیسن عزم سفر
 گیتدی یولداشلار یاخوندور وقفه قافلن مگر
 ایلمه غفلت دیار نینوایه دور گیداخ

اربیین - یا حسین یا حسین یا حسین یا حسین

جابر اول اربعینون کربلا زواریدور
 بو بیاناتیم او مرد متقی گفتاریدور
 جابر آنصاریم ای جدینه نور دوعین
 قبرون اوسته اربعینه گلیمیشم من یا حسین
 یا حسین یا حسین یا حسین یا حسین
 اوندا که بو کعبه آماله اولدوم روبرو
 گرد و خاکین ایله دیم گوز یاشیمیه شستشو
 جدیون عطرین منه ویردی مزار مشکبو
 یا حسین یا حسین یا حسین یا حسین
 دین یولوندا تشنه لب ئولدور دولر اعداء سنی
 باش و جان بذل ایلدون تاپدون مقام ایمنی
 قویدی نابینا لوقوم بو فیض عظمادن منی
 یا حسین یا حسین یا حسین یا حسین
 هر عمل دین خرمننده مؤمنه بیر خوشه دی
 دینه قربان اولماق عالمده بیوکراخ توشه دی
 من سنه قربان اولوم قبرون نیه ششگوشه دی
 یا حسین یا حسین یا حسین یا حسین

دشمنون حق رحمتندن بی نصیب اولدی سنون
 صبرده حیرت زده صبر و شکیب اولدی سنون
 قبرون اوسته یوخ گلن قبرون غریب اولدی سنون
 یا حسین یا حسین یا حسین یا حسین
 خانه آباد صبری سیل اشک ایلر خراب
 وصل دلداره یتنده دلده قالماز اضطراب
 سسلینده دوستی آیا دوستی هیچ ویرمز جواب
 یا حسین یا حسین یا حسین یا حسین
 هاردا بلبل اختیاریله چمندن آیریلوب
 هانسی بیرکس شوق و ذوقیله وطندن آیریلوب
 ویرموسن سس حقلی سن باشون بدندن آیریلوب
 یا حسین یا حسین یا حسین یا حسین
 بو مسلمدور سنه جتّون ایدردی احترام
 گل کیمی بسلردی زهرا سینه سی اوسته مدام
 سویدولار اما یارالی پیکرون اشرار شام
 یا حسین یا حسین یا حسین یا حسین
 بوسوزی جتّون پیمبر بیزلره ویردی خبر
 نولدورر اوغلولم حسینی ائتیم تشنه جگر
 قبری نی ایلر عمارت پاک طینت شیعه لر
 یا حسین یا حسین یا حسین یا حسین

اوغلولمون بو نولماقدان دین حق اظهار اولار
 بیر نهجه گون گر چه ظاهرده عزاسی خوار اولار
 حشره تک فوج ملائک قبرینه زوار اولار
 یا حسین یا حسین یا حسین یا حسین
 سعی ایدر نور دو عینیم هر بلایه توش اولار
 قویما تاکه چراغ دین حق خاموش اولار
 وار یری هر بیر یانوقلی دل اونا چاووش اولار
 یا حسین یا حسین یا حسین یا حسین
 جمع ایدز اطرافنه قبرینده پوزقون لشگرین
 قبرینون پائین پائینده یاتوردار اکبرین
 سینه سی اوسته آلاز اوز شیرخواره اصغرین
 یا حسین یا حسین یا حسین یا حسین
 حقه باطل غالب اولماز اهل حق گر یاتماسا
 ذکر اولاندا کربلا هر دل ملاله باتماسا
 واردی قلبینده قساوت گوزلرین آغلاتماسا
 یا حسین یا حسین یا حسین یا حسین
 کهنمونئی ایلمه دنیاده فکر مال و جاه
 گورموسن فرعونیان سفیانیان اولدی پناه
 عاشق حق اول بوسوزلر عشقوه اولسون گواه
 یا حسین یا حسین یا حسین یا حسین

قبر پاکوندور حسینیم طور سینا زینبه

قبر پاکوندور حسینیم طور سینا زینبه
 نور حق موسی کیمی ایلر تجلی زینبه
 جذبه عشقیله من بو سرزمینه گلمیشم
 تشنه لب سرچشمه ماء معینه گلمیشم
 کوفه و شامی دولاندیم اربعینه گلمیشم
 شکر اولا یاخشی یتشدی فیض عظمی زینبه
 سعی ایدردی اهل باطل اهل حق پامال اولا
 خلقی بیدار ایلین حق دین دل لال اولا
 اوز مرام باطلین اجراء ایده خوشحال اولا
 حمدلله کشف اولوندی بو معما زینبه
 منده سنله شرکت ایتدیم حق سوزون اجراسنه
 عامل اولدوم ایتدیم اوز عهدیمون ایفاسنه
 امتحان ویرماقه گلدیم کربلا صحراسنه
 اولدی زهر درد و غم شهد مصفی زینبه
 سن شهید اولدون داغیتدون ظلم تشکیلاتینی
 من اسیر اولدوم ایدم حق دینینون اثباتینی
 اوز بیاناتیمده ایتدیم باطلین اسکاتینی
 هر نه ظلم ایتمشدیلر اولدی گوارا زینبه

اولدی بیر جشن ورود آل طاها کوفه ده
 آله ساز و دف گلن ایتدی تماشا کوفه ده
 کوفه اهلین ايله دیم نطقده رسوا کوفه ده
 ایلمشدی حق عطا بیر نطق گویا زینبه
 ایلدی مرجانه اوغلی مجلسینده اذن غام
 هرکس و ناکس یانیندا ایتدی هتک احترام
 مست می بیر آله چوب خیزران بیر آله جام
 باشوه توهین ایدوب ایلردی ایذاء زینبه
 سولیدی زینب پیلوردی قارداشون ناحق بیزی
 حمدلله ایلدی خالق عجب رسوا سیزی
 گوزلرو زده تیره شام ایتدی ایشیقی گوندوزی
 اولدی تا روز درخشان لیل یلدا زینبه
 من دیدیم مرجانه اوغلی ایلمه چوخ افتخار
 ظالمه بیر نچه گون مهلت ویرر پروردگار
 عاقبت رسوا ایدر اسرارین ایلر آشکار
 حق ویرر - ایلر قضاوت دار دنیا زینبه
 اهل کذب و افتراء سنسن امیروندور یزید
 پاک و پاکیزه بیزی ایتدی خداوند وحید
 شأنیمیزده آیه تطهیر قرآن مجید
 نازل اولدی - نورگدوب اوز جدی طاها زینبه

ببرده قارداش چوخ یزید بی حیادن شاکیم
 سن بیلورسن دین حقین عاشق بی باکیم
 شامده ئولدی رقیه من اونون غمناکیم
 ماتمنده ویرمدی بیر کس تسلی زینبه
 جان ویرنجه فرقتونده دیده سی گریان اولوب
 خط سیرون مشی ایدوب اوز دیننه قربان اولوب
 غنچه دن تازه آچلمش گل کیمی خندان اولوب
 ایلدی بر پا او یرده حشر کبری زینبه
 جان ویرن وقته دیدی عمه نیه گلمور بابام
 باشیمه چکمر آلین گوز یاشیمی سیلمور بابام
 یامنینم ئولماقیمی ویرانه ده بیلیمور بابام
 صون نفّسده بو دلیله ایتدی شکوی زینبه
 سویلدی عمه اگر جان تاپشورام بو یرده من
 اولماسا غسل و کفن شام اهلنه یالوارما سن
 اشگو یله غسلومی ویر زلفوی ایله کفن
 عرض ایدیم منده جزا ویر حق یکتا زینبه
 کهنموئی آچ بصیرت گوزلرین ایله نظر
 حق و باطل اهلنون اول آخریندن باخبر
 درس عبرت ویر ماقا کافی دگل بوسوز مگر
 حوریان خادم دور عمه دن دخت زهرا زینبه

گلدیم بو توزلی قبره راز و نیازه قارداش

گلدیم بو توزلی قبره راز و نیازه قارداش
 ایله قبول زحمت گل پیشوازه قارداش
 قانلو باشون دالنجا سایه کیمی سوروندوم
 صبر ایله دیم دایاندیم سوز و گدازه قارداش
 اغیار یوخ یانیمدا تاپدیم حضور یاری
 درد دل ایلم من ویرسون اجازه قارداش
 قارداش باشین جداده هاردا گوروبدی باجی
 ممتاز اولوبدی زینب بو امتیازه قارداش
 کشف ایله دون نمازین اسرارینی بویره
 اونداه اولدی قانون سو دستمازه قارداش
 قول باغلی قتلگاهه شامه گیدنده گلدیم
 مشغولیدون او یرده سن خواب نازه قارداش
 گوردوم یارالی جسمون گل تک اولوبدی خندان
 قانلو بلکلرونده وار خون تازه قارداش
 باش سجده قویاندا باشون جدایه گچدی
 توپراقلار اوسته قالدی باشسبز جنازه قارداش
 خولی آپاردی باشون مهمان ایدوب کول اوسته
 تّف ایله میزبان مهمان نوازه قارداش

گوزلور یولون وطنده بیمار بیر قیزون وار
صغرایه نه دیوم من گیتسم حازه قارداش
عشق حسین و زینب بیر عشقدور حقیقی
عاشق دگول - ریاضی - محمود آیازه قارداش

دور حسینیم درس عشقی گورنه تحصیل ایله دیم

دور حسینیم درس عشقی گورنه تحصیل ایله دیم
دوره تحصیلیمی قیرخ گونده تکمیل ایله دیم
بو سوزی فرمایش ایتمیشدی آنام زهرا آزل
امر و نهی دین اسلامه قیزیم ایله عمل
دین امانتدور گرک سالم دولانسون آل به آل
منده بو فرمانین اجرا سینده تعجیل ایله دیم
اوندا که گم ره لری مسجده ارشاد ایله دی
جذینون خدمتترین اسلامیده یاد ایله دی
حقینون اثباتینه بیر خطبه ایراد ایله دی
من او سر مشقی آلوب هر یرده تمثیل ایله دیم
سنده ویردون آیریلاندا خیمه دن سر مشقیمی
نقش دل ایتدی او کهنه پیرهن سر مشقیمی
شر ایدردیم بو سفرده خلقه من سر مشقیمی
حق یولون حق ایستین اشخاصه تسهیل ایله دیم

خلقه آنردیم جماعت یاتمیون بیدار اولون
گیمیون دلت لباسین آگنوزه هشیار اولون
تابع ظلم اولمیون عالمده مردکار اولون
ظالمه آیات ظلم و جوری ترتیل ایله دیم
کوفیه وارد اولاندا ایتدیلر چوخ ازدحام
گلدیلر آل رسوله پیشوازه خاص و عام
خطبه ایراد ایتماقا گوردوم مناسبدور مقام
کوفه نون اوضاعینی بیر آندا تبدیل ایله دیم
های هائيله هامي سس چکدیلر آغلاشدیلار
جوش ایدوب گوز یاشلاری گوزکاسه سنده داشدیلار
عقده بغض ولی اللهی دلدن آشدیلار
گوردولر کابینه اشرازی تعطیل ایله دیم
سعدین اوغلی آنلادی آنیدردیم اصل مطلبی
کوفه نون شهرینده آچدیم بیر حسینی مکتبی
سویلدی وار کیمده قدرت ساکت ایتسون زینبی
من سقوط دولته بو امری تأویل ایله دیم
بولدولر باعثدی هجران سوزوساز زینبه
شوق وصلوندور سبب رازو نیاز زینبه
قانلو باشون گتدی خولی پیشوازه زینبه
من سنه رنج فراقی شرح و تفصیل ایله دیم

مجلس ابن زیاده چکدیلر قولدا طناب
 سعی ایدردیم گورمیه یا ایتیمیه بی جا خطاب
 اونداه ایتدی شماتت چوخ دانشدی ناصواب
 نطقه گلدیم دادگاه حقی تشکیل ایله دیم
 من دیدیم فخر ایلمه زینب اسیروندور سنون
 آل پیغمبر بوگونه دستگیروندور سنون
 فسق و کذب منتسب سنسن امیروندور سنون
 جدیمون حقنده ذکر نص تنزیل ایله دیم
 ایله دیم رسوا یزید بی حیانی شامده
 مفتضح ایتدیم اوگون سفیانانی شامده
 کشف اولوب شام اهلنه سر نهانی شامده
 غصب حق مرتضانی جرح و تعدیل ایله دیم
 آخموری اشک تریم رخساره قارداش بی سبب
 شامده ویرانده ئولدی رقیه نصف شب
 جان ویروب توپراقلاز اوسته چکدی چوخ رنج و تعب
 گورنه نوعی امر تشیعینده تعجیل ایله دیم
 گر چه مشگلدور جهاندا گل فراقی بلبله
 سویله دیم اهل حرم یردن او نعشی گوتدیه
 سپدیلر گوز یاشلارین شبنم کیمی سولموش گله
 اشگیله گردو غبارین منده تغسیل ایله دیم

کهنمویی ایتمه غفلت دینده تحصیلاتیدن
 حق دانش حق یاز بیر آن ال چکمه تبلیغاتیدن
 دین یولوندا اینجه هر گونه تحمیلاتیدن
 نفسیمه دین ایتدیقی هر ظلمی تحمیل ایله دیم
 دور حسینیم ایتدیقیم سوداده چوخ سود ایله دیم
 دور حسینیم ایتدیقیم سوداده چوخ سود ایله دیم
 شامده صد حیف اولا بیر درّی مفقود ایله دیم
 گرچه ظاهرده پوزولدی دودمانیم شوکتیم
 عالم باطنده هر لحظه اوجالدی رتبتیم
 آرتدی اهل حق یانیندا اعتباریم عزتیم
 باطل اهلین حق سوزیله محو و نابود ایله دیم
 اونداه سن بو تجارتده شریک ایتدون منی
 منده امضاء ایله دیم شوقیله شرکت نامه منی
 جان و دلدن هر زمان آلدیم جفای دشمنی
 آسمان صبری دل آهیله پردود ایله دیم
 اونداه پایانه یتدی کربلا هنگامه سی
 زینبه خیاط غم بیچدی اسارت جامه سی
 سعی ایدردیم باشه یتسون امتحان برنامه سی
 ایستدیم توفیق حقدن شکر معبود ایله دیم

شکرالله یا خشی یتدیم دلده کی مقصودیمه
 ویردیلر کافی متاع سرمایه محدودیمه
 گورمدیم هرگز ضرر اولدی بوسودا سودیمه
 عشق بازارین دولاندیم نقد موجود ایله دیم
 قوی سنه قارداش ویریم بیلان شرکندن خبر
 شرکتین کیفیتین ذی سهم اولان بیلمز مگر
 قولاریمدا تازیانه یرلریندن وار اثر
 رشته زنجیری قولدا در منضود ایله دیم
 شامده ویرانه ده اگدیم نهال بارور
 ایله سون دینسیز یزیدون قصرینی زیر و زیر
 کربلا کیفیتین عالمره ویرسون خبر
 قبری اوسته آغلادیم قبرین گل آلود ایله دیم
 شایقم دیداریوه بوسوز یقینوندور سنون
 شامده دفن ایتدیم در ثمینوندور سنون
 اربعین زواریوخ بیز، اربعینوندور سنون
 قبریوه گلدیم وفای عهد معهود ایله دیم
 مجلسینده ایله دیم رسوا یزیدی شامده
 گورممشدی بیله خفت گردش ایامده
 مفتضح ایتدیم اونی انظار خاص و عامده
 قلبلردن حب بوسفیانی مطرود ایله دیم

وار دئیردی لطف حق غالب اولان سلطانیده
 بوسوزه شاهدگتوردی آیه قرآنیده
 قویمادیم عزو شرافت آل بوسفیانیده
 هر نه استدلال ایدوبدور منده مردود ایله دیم
 کهنمونئی اولما خالق رحمتندن ناامید
 ایله توبه تا قبول ایتسون خداوند مجید
 بیلمسن آیاندن دنیاده اولدوم رو سفید
 نفسیمه راه هوای نفسی مسدود ایله دیم

ایله دیم رسوا یزیدی شامده قارداش حسین

ایله دیم رسوا یزیدی شامده قارداش حسین
 قویمادیم بدعت قویا اسلامده قارداش حسین
 دین بیزه تعلیم ایدوب دینده گرکردور پیشوا
 عامل قرآن اولا عادل اولادیندار اولا
 مال و جانین ایلیه الله رضاسینده فدا
 خلقه تا سر مشق اولا ایامده قارداش حسین
 گر مسلمانلار قبول ایتسیدیلر قرآن سوزین
 اجنبیلر خطه اسلامه تیکمزدی گوزین
 سرپرست مسلمین ایتمزدی هر ظالم اوزین
 خلقی اینجیتمزدی صبح و شامده قارداش حسین

ایـلین اسلام آدیله اهل کفره افتخار
 خلقین انظارینده ایلردی اوزی اسلامی خوار
 گه ایچردی مست اولاردی گاهی اویناردی قمار
 ناسزا سویلردی بزم عامده قارداش حسین
 باده کبر و ریاستدن ایله مخموریدی
 اولمیوب نادم امام نُولدورماقا مسروریدی
 گوئیا اسلامه توهین ایتماقا ماموریدی
 کفری ترویج ایتدی هر اقدامده قارداش حسین
 اوز اوزون زوریه خله ایلین سلطان دین
 سعی ایدردی باطل اعمالی تاپا عنوان دین
 من دئیردی حاکم محکومدور قرآن و دین
 ویردی چوخ تغییرلر اسلامده قارداش حسین
 ایلیوب اسلام و قرآن هر مسلمانی عزیز
 لکن ایلردی یزید اسلامیه جنگ و ستیز
 بی حیا ایستردی پیغمبر قیزین ویرسون کنیز
 نهی اولاحق امر ایدن اسلامده قارداش حسین
 فخر ایدردی آلموشام بدر و اُحددن انتقام
 ایلیوبدور بو حسینون جَدّی مشروبی حرام
 چنگ وُر مطرب گتور ساقی می گلگون فام
 کفرین اظهار ایتدی اخذ کامده قارداش حسین

حَدّدن گوردوم چخور مسدود سر حدّ ایله دیدیم
 دین و قرآنه تجاوز ایله دی سدّ ایله دیدیم
 سوزلرین منطق اوزیله بیر به بیر ردّ ایله دیدیم
 حق تصرف ایله دیدیم افهامده قارداش حسین
 اونداکه سوزدن مجاب اولدی او ملعون دنی
 امر ایدوب جلاده گلسون اوردا نُولدورسون منی
 مجلسی بیکسیرین دولدوردی داد و شیونی
 اضطراب ایجاد اولوب ایتمده قارداش حسین
 شامده ویرانه ده اگدیم نهال بارور
 ایله سون کاخ یزید ظالمی زیر و زبر
 عالمه ویرسون جفای آل سفیانندان خبر
 وار بویوک تأثیر بو اعلامده قارداش حسین
 ظلم اهل شامدن قَدّی خمیده گلیمیشوخ
 دست بسته گیتیمیشوخ بزم یزیده گلیمیشوخ
 دیده گلیمیشدون بیزه سن ، باز دیده گلیمیشوخ
 چوخ سوزوم وار قلب خون آشامیده قارداش حسین
 کهنموئی وار اگر توفیق خالقه گوزون
 ایستوسن بیرده که تأثیر ایله سون خله سوزون
 سعی ایله قورتار هوای نفس دامنندن اوزون
 محو اولار هر کیم قالا بو دامده قارداش حسین

شاکیم قارداش حسین اهل جفادن شامده

شاکیم قارداش حسین اهل جفادن شامده
 قالدی بیر گل گلستان مصطفادن شامده
 دور یارالی اربعینوندور گلوب بیکس باجون
 تاسنه شرح ایله سون هر ماجرادن شامده
 شامه بیز وارد اولان وقته یزید اعلان ایدوب
 پیشواز اولسون بیزه میر وگدادن شامده
 ساخلیوب دروازه ساعتده اوچ ساعت بیزی
 ایتمدی شرم و حیا هرگز خدادن شامده
 اولدی تعطیل عمومی باغلادی بازارلر
 کف چالوب سویلردیلر هر ناسزادن شامده
 صبحدن شامه دولاندوخ شهر شامین چوخ یرین
 داد آنام اوغلی ایله صبح و مسادن شامده
 شیعه لردن اکبرین باشین گورن حیران قالوب
 یاد ایدردی جدی ختم آلانبیادن شامده
 ایلدی شام اهلی از بس که شماتت بیزلره
 غصه و غم چکدوخ آرتوخ کربلادن شامده
 بیر عجوزه غرفه دن گوردی باشون قرآن اوخور
 کشف ایدر هر نکته نی سر خفادن شامده

سویلدی جدی حسینون ئولدور بدور جدیمی
 انتقام آلام بوگون نوک جدادن شامده
 وردی بیر سنگ جفا باشون دوشوبدور نطقدن
 حق نما مرآتیی سالدی انجلادن شامده
 هر مصیبت دن اشد اولدی رقیه محنتی
 بیر زمان دنجلمدی دردوبلادن شامده
 آغلیوب سویلردی عمه هاردا دور گلمور بابام
 قور تارا اولادینی بو ایتلادن شامده
 بیر گیجه گوردی سنی رؤیاده آچدی گوزلرین
 گور میوبدور بیر اثر شمس الضحادن شامده
 سسلدی دور عمه تا پمیشدیم حضور یاری من
 کامه یتمیشدیم لقای آشنادن شامده
 عمه گل میشدی بابام آغوشه آلمشدی منی
 بس هانی گیتدی هارا ویرانسرادن شامده
 شمع آهون روشن ایله من تا پوم محبوبیمی
 قور تولوم بو فرقت بی انتهدادن شامده
 بو گیجه وقتی بابامی عمه سندن ایستورم
 چکمرم آل سن کیمی مشگل گشادن شامده
 آغلادی هر نه اوشاق ساکت ایدن دیلر دیدیم
 ایستدی قارداش سنی من بینوادن شامده

سویلیدیم عَمون سنه قربان بوقدری آغلاما
 دوتمادی آرام اوحال غمفزادن شامده
 ایتدیلر ناگه یزیدی ماجرادن باخبر
 قوخمیوب یاد ایتمدی روز جزادن شامده
 بیر طبقده یولادی قائلو باشون ویرانیه
 تا قیزون ساکت اولاداد و بکادن شامده
 نصف شبده گتدیلر باشون اوجالدی آلمان
 گوشه ویرانه ده آل عبادن شامده
 گوردی بو حالی رقیه سسلدی ای عمه جان
 ایسته دیم سندن هاچان نان و غذادن شامده
 گوتدولر سرپوشی گوردی قائلو باشوندور سنون
 باغرینا باسادی گیدوب دار فَنادن شامده
 جان و یروب ویرانه ده اوز کوینگین ایتدیم کفن
 تیز خلاص اولدی جفای اشقیادن شامده
 کهنموئی گوشه ویرانه ده دفن ایتدیلر
 بیر نشانه قالدی آل مصطفادن شامده

تا قبر حسینه یتشوب آل پیمبر

تا قبر حسینه یتشوب آل پیمبر
 گویاکه حسین سسلدی ای خواهر مضطر

گلدی بالالار نازلی رقیم هانی زینب
 باشینده نه وار نازلی رقیم هانی زینب
 زیبنده دی بلبل گله دردین دیه باشندان
 من آتماوشام اوز بالامون فکرینی باشندان
 آغلاتما باجی قارداشیوی آغلا یاواشدان
 گوز یاشون آخار نازلی رقیم هانی زینب
 گل فصلی نیه بلبلون آوازه سی گلمور
 باشه یتیشوب فصل خزان نغمه سی گلمور
 هاردا بالامون ناله و شیون سسی گلمور
 شیرین دلی وار نازلی رقیم هانی زینب
 یولاردا بالام گرد و غم هجره باتاردی
 ویرانه ده توپراقلا رین اوستونده یاتاردی
 گلسیدی بوگون قبریمه مقصوده چاتاردی
 بس هاردا یاتار نازلی رقیم هانی زینب
 گوز یاشنه خون دلی ویرانه ده قاتدی
 توپراقلارا قویدی یوزینی شائین اوجاتدی
 سینمده یاتان یرده علی قارداشی یاتدی
 مقصوده چاتار نازلی رقیم هانی زینب
 بو قتلگهیمنده منه چوخ آغلادی یاندی
 قویدی باشینی سینمه بیر قدر دایاندی

گوز آچدی گوروب دشمنی وحشته اویندی
 اودجانه سالار نازلی رقیّم هانی زینب
 بو دینمه ماقون ای باجی آرامیمی آلدی
 گیزلتمه سوزون آغلاما چوخ صبریم آزالدی
 دی - تُولدی بالان شامده ویرانه ده قالدی
 شیون اوجالار نازلی رقیّم هانی زینب
 حبس اولمشیدی طایر روحی قفسینده
 یاتمشدی سسی قوه سی قالموردی سسینده
 ایوای بابام ایوای دیدی آخر نفسینده
 تاب دل آلاز نازلی رقیّم هانی زینب
 آیا دیمدی قویما منی شامده گیتمه
 من سیز بابامون عمّه گیدوب وصلنه یتمه
 من بیکسی ویرانه ده افسرده دل ایتمه
 همراهون آپار نازلی رقیّم هانی زینب
 خوار ایلدی دشمنلری افکاری حسینون
 سعی ایلدیلر محو اولآ آثاری حسینون
 هر ایل گله جاخ قبرینه زواری حسینون
 تافیز آلاز نازلی رقیّم هانی زینب
 حق اهلینی رسوای جهان ایلماق اولماز
 گون نورینی دنیاده نهان ایلماق اولماز

محنت زده نی لال زبان ایلماق اولماز
 نطقه دل آچار نازلی رقیّم هانی زینب
 خالق اوزیدور حق و خریدار حقیقت
 هر کیمسه اولا طالب دیدار حقیقت
 اونداکه گوزر گرمیدی بازار حقیقت
 جان نقدی ساتار نازلی رقیّم هانی زینب
 بیر سید حسین آلدی ریاضی بیزه خادم
 اولدوخجا اونا محنت و اندوه مصادم
 هر لحظه خطا و گنهندن اولی نادم
 بیر چاره تاپار نازلی رقیّم هانی زینب

نا قارداشنون آلدی سسین زینب مضطر

تا قارداشنون آلدی سسین زینب مضطر
 توکدی گوزینون یاشنی عرض ایتدی برادر
 نازلی بالاوی ایستمه مندن آنام اوغلی
 زینب اوزی شرمنده دی سندن آنام اوغلی
 بیز کوچ ایلین وقته سنون قتلگهوندن
 آیرلمادی غم بلبلی پوزقون چمنوندن
 زوریهله آیردی اونسی دشمن بدنوندن
 آغلاردی اودور شامه گیدندن آنام اوغلی

هانسی گیجه‌نی یاندی دیدی وای یوخوسوندا
 بعضی گیجه لر چوخ دیوب ایوای یوخوسوندا
 گوردوم که دیور اصغره لای لای یوخوسوندا
 یاندیم بوسوزی من ایشیدن آنام اوغلی
 گوردی سنیده بیر گیجه رؤیاده برادر
 هوليله آیلدی دیدی ای عمه مضطر
 گلمیشدی بابام دور بابامی تاپ منه گوستر
 ایستردی چخا روحی بندندن آنام اوغلی
 هر قدر اوشاق ساکت ایدن دیلریله من
 ایستردیم اونی ساکت ایدم ایتمیه شیون
 چکزدی آل ایستردی دوباره سنی مندن
 رؤیاده گل وصلی درندن آنام اوغلی
 کیم یاری قویار منزل بیگانه‌ده قارداش
 گل صاحبی ساخلار گلی گلخانه‌ده قارداش
 مدفون ایله دیم حیف اولا ویرانه‌ده قارداش
 نورسته گلی من بو چمندن آنام اوغلی
 سواچماق او مظلومیه تازه غم اولوردی
 اصغر دیوب آغلاردی گوزی پر نم اولوردی
 بلبل گوزینون یاشی گله شبنم اولوردی
 گل سو یرینه قانین ایچندن آنام اوغلی

چوخ وقته گوزردیم یولا حیران باخار آغلار
 گیزلنجه دئیردیم بالا دردون ایله اظهار
 سویلردی گیدیلر هارا بو خوردا اوشاقلار
 قالدیم متحیر بو سخندن آنام اوغلی
 دنیا بویی چخماز بالامون نسگلی یاددان
 آیانه روادور چخا شیرین دلی یاددان
 چخسون نجه غم گلشینون بلبل یاددان
 غربت چکن آواره وطندن آنام اوغلی
 دوتدوم بالاما شامده بیر شام غریبان
 اولدی اوجادان آغلاماقا بیزلره عنوان
 قبرین آلوب اطرافینی بیز جمع پریشان
 قارداشی نولن اوغلی نولندن آنام اوغلی
 گوزیاشلاری بنزردی آخان بارش ابره
 زینب اوزی مبهوتیدی زینبده کی صبره
 قویدی نجه قارداش بالاسین عمه سی قبره
 صبر ایتدی وفا شمعی سونندن آنام اوغلی
 دفن ایلموشم شامده بیر قدرت پنهان
 تا قصر یزیدی ایلیه خاکیله یکسان
 حق کیمدی حقیقت ندی خلقه ایده اعلان
 واردور بو اثر دفن ایلیندن آنام اوغلی

هر بنده که سوداگر بازار حَق اولسا
 چوخ سود آپارار هاردا خریدار حَق اولسا
 دنیاده ریاضی ده طرفدار حَق اولسا
 عبرت گوتورَر شامی گوزندن آنام اوغلی

روز و شب دائم حسینه اوغلی سجاد آغلادی

روز و شب دائم حسینه اوغلی سجاد آغلادی
 کاخ ظلمی ایلدی اشکیله بر باد آغلادی
 آغلادی بو آغلماقدا خلقی بیدار ایله دی
 قویمادی گیزلینده قالسون کشف اسرار آغلادی
 آغلادی ظالمیری انظاریده خوار ایله دی
 ظلم و جور شامیانی ایله دی یاد آغلادی
 عاقل ایلر خانه ویرانی آباد آغلماز
 صاحب ثروت ایدر مسکینی دلشاد آغلماز
 بند دشمنده گر اولسا مرد آزاد آغلماز
 کیم گور و بدور ایتدی ناله مرد آزاد آغلادی
 بو امام بیکسه یوز و یردی بیر امر عجیب
 کیم اولوبدور اوز ایوینده زادگاهینده غریب
 آشنا و یار و احبابیندن اولدی بی نصیب
 بزم غم اوز منزلینده ایتدی ایجاد آغلادی

کیم دیور دنیاده هر بیر آغلماق مذموم دور
 کیم دیور خوف خدان گریه نامفهوم دور
 آغلماق اثبات حقه شیوه معصوم دور
 دینه گوز یاشیله گوردوخ ایتدی امداد آغلادی
 آغلادی آدم بهشتین فرقتنده صبح و شام
 ترک اولادن ایدوب ندبه سیزیلداری مدام
 تا قبول ایتدی دعاسین کردگار لاینام
 ایله دی حوآنیده بو امره ارشاد آغلادی
 آغلادی یعقوب یوسف فرقتنده ماه و سال
 عارضه گوز یاشینی توکدی به امید وصال
 ایتمدی توبیخ اونی هرگز خدای لایزال
 تا اولونجا یوسفی زنداندان آزاد آغلادی
 عاشقه هر کس رقیب اولسا کرامت ایله مز
 آغلماقدا عاشقی هیچ کس ملامت ایله مز
 عاشق اوز عشقنده اظهار ندامت ایله مز
 فرقت شیرینده سس چکدی فرهاد آغلادی
 آغلادی زهرا یتوردی خلقه منوآتینی
 تا گیدوب مسجده ایتدی حقینون اثباتینی
 بوزدی غاصب دولتین معناده تشکیلاتینی
 ایلدی غصب فدک امرینده ایراد آغلادی

رسم دنیا بیله دور هر بیر عملده وار اثر
 هر نهاله ویرمسون سو خشک اولار ویرمز ثمر
 گورموشوق دنیاده چوخ گوز یاشلاری گیتدی هدر
 تیر خورده صیده گاهی باخدی صیاد آغلادی
 گرچه دنیاده ویروب چوخ گوز یاشی شیرین ثمر
 اولمادی زینب کیمی بیر آغلیان بیر نوحه گر
 ایلیوب کاخ یزیدی اشکیله زیر و زبر
 مجلسنده ایله دی بیر خطبه ایراد آغلادی
 ایتدی فرمایش اوتان ای بی حیا ایله حیا
 شرب خمر ایتمه حریفیله قماری اویناما
 قانلو باشه وُرما چوب خیزران ایتمه جفا
 گورمسن خوردا اوشاقلار چکدی فریاد آغلادی
 کهنموئی سنده توکمه گوز یاشون بی جا یره
 باغبان لازمدی مَثیر بیر نهاله سو ویره
 تا اولاندا فصل میوه شاد اولوب میوه دره
 چوخلاری محروم اولوبدور اولمادی شاد آغلادی

آغلادی جدی حسینه اوغلی زین العابدین

آغلادی جدی حسینه اوغلی زین العابدین
 زهریله مسموم اولوب اولدی شهید راه دین

کربلادن که قایتدی ایتدی یثریده مقام
 چکدی غربت دودمانینده امام اوغلی امام
 سوگورنده آغلادی آغلاردی گورسیدی طعام
 یاد ایدردی آج سوسوز مظلوم آتاسندان یقین
 امر اولوندی بیر نفر سجاده دیده گتمسون
 هاردا مسکن ایلسه بیر کس تَرَد ایتمسون
 سَسله سه امدادینه بیر کیمسه داده یتمسون
 دائماً قالسون وطنده بیكس و یار و معین
 اضطراریله چیخاردی منزلندن گاه گاه
 هر گورن بیر نحو ایلردی او مظلومه نگاه
 گوئیَا که مَتهم دور شهریده اول بی پناه
 خوار اولوب امت یانیندا پیشوای مؤمنین
 بیر نفر قصابه بیر گون سویلدی ای ذبح ایدن
 دی گوروم ذبح ایتدیقون حیوانه سوگور سَدِمسن
 ویرمدیلر سو حسینه اولمادی بیر کس دین
 بو مسلمان دور پیمبر اوغلی دور ای مشرکین
 هر زمان گورسیدی مجلس خالیدور اغیاریدن
 بیر نفر درد اهللی وار درد آشنا و یاردن
 آغلیوب ایلردی شکوی ظلم و جور خاردن
 شمر الینده ایتدی خندان جدیمون گل پیکرین

کوفیان حق لوحه سیندن آدلارین سیلدیردیلر
 بیزلری ناحق ، یزیدی خلقه حق بیلدیردیلر
 سوکنارینده امامی آج سوسوز ئولدوردیلر
 کسدی بیز بند زر اوسته ساربانى آلرین
 چوخ جفا و جور گوردوخ گردش ایامدن
 چوخ بیزه توهینلر اولدی قوم بدفرجامدن
 داد ظلم شامدن فریاد ظلم شامدن
 بیلدیلر دیندن کناره بیزلری ، نه مسلمین
 ویردیلر منزل بیزه بیر گوشه ویرانه ده
 قالمیوب تاب و توان شمعی سوئن پروانه ده
 بال و پرسیز قوش قالب ویران اولان کاشانه ده
 صبح و شام ایلوبدی ناله اوچ یاشیندا مه جبین
 آغلیوب سویلردی عمه هاردا دور گلمور بابام
 نه روا ویرانه ده توپراقلار اوستنده یاتام
 شایقم بازار وصلنده متاع جان ساتام
 دامن وصلی آله دوشسون بو یرده چوخ چتین
 آغلیوب دائم قویاردی باشینی غم دوشینه
 بیر گیجه رؤیاده گلدی بانگ وصلت گوشینه
 آغلاما گلدی آتان آلسون سنی آغوشینه
 تیز بویردن قور تولورسان ایتمه فریاد وآنین

کهنمویی حق سوزه دنیاده چوخدور مشتری
 قورخما گرچه بیر جماعت وار بیلور دیندن بری
 یاز ، اوخی ، دی هر یر اولسا بیلدیقون حق سوزلری
 هر قدر عمر ایله سون اول تابع احکام دین

زبانحال حضرت زینب کبری پس از مراجعت از واقعه کربلا در مدینه بمادرش

دور ایاقه بیر قبردن آنا وار شکایتی زینبون سنه
 بو سفرده سوقات کربلا گتدیم اوغلوون کوینگین سنه
 بو وفاسیز امت سقیفه دن حکم ظلم و جوری آلودولار
 ئولدوربله پیغمبر اوغلوونی یرگوگ اهلی حیران قالبودولار
 کوینگین بو حاله سالاندا گور پیکرین نه حاله سالوبدولار
 عرض ایدم اگر گوردوقوم غمی بیر به بیر گلر چوخ چتین سنه
 کربلایه گلدون بهشتدن غملی سینه وی داغلیاندا سن
 قتلگهده آلدیم سسون سنون وای اوغول دیوب آغلیاندا سن
 جان ویرن زماندا حسینوون قانلو گوزلرین باغلیاندا سن
 سس چکوبله همناله اولدولار ساکنان عرش برین سنه
 بیر گیجه یانان خیمه گاهده گلدون آل طاهایه دیده سن
 زینبی یادوندان چخاتمادون گوز گوتورمدون اهل بیتدن

عفو ایله آنا دستگیریدیم ایمدی گلمیشم باز دیده مَن
 بوعزاده ویرسون بیوک جزا خالق جهان آفرین سَنه
 کوفه دن بیزی شیعه لر گوروب قورخودان یاواش ایتدیلر فغان
 شامون اهلی اما تانمیوب خارجی آدی قویدی شامیان
 داد و داد ظلم یزیددن اهل شام الندن امان امان
 نه دلیلہ عرض ایلیم آنا شام شهرینون محنتین سَنه
 مرد و زن هامی آله ساز و نی پیشواز ایدوب آل حیدری
 توکدولر کجاوهر اوستنه بامدن زیس اودلی نی لری
 اود دوتوبدی سجاد عمامه سی ظلم الیلہ باغلیدی اللری
 ویر اجازه اوغلون اوزی دیسون سرگذشتینی دلغمین سَنه
 قولقولا بیزی باغلامیشدیلار مجلس یزیده گیرنده بیز
 هر بالا که رفتاریدن قالوب تازیانه ایلردی اشگریز
 بیر نفر گوزوندن ایراق سنون فاطمه قیزون ایستدی کنیز
 قویمیوبدی حرمت پیمبره باخمیوب او مرد لعین سَنه
 شهر کوفه ده گر چه اینجیدوخ بیز جفای زاد سمیه دن
 وای شماتت اهل شامدن داد ظلم آل امیه دن
 وار سَنه اسفلی حکایتیم جان ویرن زماندا رقیه دن
 چوخ اولوب دیدی عمه زحمتی آز زماندا بو بیکسین سَنه
 هار دادور آتام گلموری ندن قالدی یولدا بو گوزلریم منیم
 حقوی حلال ایله عمه جان آرتوخ اولدی دردسیریم منیم

صون نفسده بیر زحمتیم بودور ویر خبر گله اکبریم منیم
 جانویرنده یانیمدا اگلشه تا اولا شریک آنین سَنه
 آغلاما بو مُحنتده صبر ایله توکمه گوز یاشون گلمه شیونه
 بو خرابه ده جانویرنده مَن هرگز عمه یالوار ما دشمنه
 گوز یاشونله ویر غسلیمی منیم زلفویله ایله کفن منه
 چونکه غسل و تکفینه امر ایدوب حکم شرع و دین مبین سَنه
 خدمتون ریاضی بهاسی وار حیف بیلیموسن که بهانه دور
 ایله جذبوین دیننه عمل چون عمل یقیندن نشانه دور
 دین حقی خلقه یتور ماقا آغلاماخ اوزی بیر بهانه دور
 غفلت ایلمه امر فرض دور بوزماندا تبلیغ دین سَنه

ای مسلمانلار به امر خالق رحمان سیزه

ای مسلمانلار به امر خالق رحمان سیزه
 هم حسین بن علی لازمدی هم قرآن سیزه
 هم حسین بی علیدن سیز کناره گیتمیون
 هر نه ایش گورسوز خلاف حکم قرآن ایتمیون
 ای مسلمانلار بو یوردی خالق ارض و سما
 علم قرآنی بو خلقین خلقتندن ابتداء
 یعنی قرآن بیلماقوز لازمدی بی چون و چرا
 هر طریق اولسا ویرودور بو ایشه امکان سیزه

نورگدوب مخلوقه قرآندان صور اعلم بیان
تا دانشسون هر نه واردور قلبده ایتسون عیان
آشکار ایتسون نه بیلسه ایتسون حقی نهان
بیر بیوک نعمت ویرندور خالق سبحان سیزه
گوردی دنیانی دوتوبدور هرچ و مرج انقلاب
حقیله باطل اولوب ممزوج وار چوخ اضطراب
گوندورب پیغمبری دنیایه گتدی بیر کتاب
بوکتابنده اولوب هر عهد و هر پیمان سیزه
آلدی پیغمبر یهودی و نصارادن سیزی
انتخاب ایتدی آئیردی گبر و ترسادن سیزی
آگه ایلوب مذهب موسی و عیسادن سیزی
یعنی دینوز تازه دیندور که اولور آسان سیزه
باغلادی باب دبستان و دبیرستانلاری
ایتدی دانشگاه دعوت دین بیلن انسانلاری
یغدروب توراۃ و انجیلی آچوب قرآنلاری
حقی دنیایه یتورماخدا اولوب عنوان سیزه
سیز بو قرآنی جهانی ایتماقا مأمورسوز
معنی قرآن دیماخ نورگتماقا مجبور سوز
حیف اولاد حیف هر نوع ایشلره مسرور سوز
حکم قرآنیه بو ایشلرده وار عصیان سیزه

امر واجب سیزلره اللّٰهوزون تعظیمی دور
بوکتاب اللّٰهوزون تفسیریدور تفهیمی دور
درس قرآنیه اوز اولادوزون تعلیمی دور
ایلیوب بوسوزلری قرآنیده اعلان سیزه
گوردی پیغمبر که آز قالدی زمان رحلته
تاپشوروب قرآنی اولادین امانت اّمته
جانشین مصطفائی چکدی اّمته بیعته
اولماز آیابو عمللر مایه حیران سیزه
آلیون هر بیر کسین هر بیر شیئین وار قیمتی
ثقلینون اولی قرآندی دوم عترتی
حفظ ایدون پیغمبروز تعیین ایدن هر رتبتی
گچمیون هر ایشده واردور دینده بیر میزان سیزه
ایتمیون سیزده شکسته ایتدیقی پیمانینی
دوتمیون تنها حسینی آتمیون قرآنینی
تیز گلر اوغلی امام آلسون حسینون قانینی
اهل قرآن اولماسوز یوخدور بیلون غفران سیزه
کربلاده آچدی عاشوراده قرآن مکتبی
ایلهدی آسوده راحت پیروان مذهبی
نصب ایدوبدور اوز یرینده بانوی دین زینبی
روشن ایتسون قالماسون بو واقعه پنهان سیزه

جان سوسوز ویردی سوسوزلاره اولویدور سرپرست
 قویمادی بنیاد دین مصطفی اولسون شکست
 سیزده بو دینی ویرون اسلامیانہ دست به دست
 خالق عالم ایدر محشرده بیر احسان سیزه
 کهنمونئی محکم ایله دینوی ایمانوی
 خلقه نُورگد معنی سین نُورگشدیقون قرآنوی
 خیر عمللر حشرده سنگین ایدر میزانوی
 بو سوزده شاهددی الدہ آیه قرآن سیزه

مرحوم آقای کهنمونی در سال ۱۳۴۲ شمسی که اینجانب از زندان
 مراغه آزاد شده بودم بدیدارم آمد و خاطرات و سرگذشت زندان را
 نقل کردم فردا این اشعار را مناسب مآقع زندان گفته بودند تحفه
 آوردند در رابطه با مبارزات سیاسی ۷۸ روز زندانی بودم.

محبس تاریک اولار دائم گلستان مؤمنه

محبس تاریک اولار دائم گلستان مؤمنه
 دینیسیز دنیادی بیر ویرانه زندان مؤمنه
 نُورگدوب قرآن حقیقی مؤمنون عنوانینی
 ذکر (الله) خائف ایلر قلبینون ارکانینی

آیه قرآن اوخونسا آرتیرار ایمانینی
 ایلر الله توکل یازدی قرآن مؤمنه
 واقعی مؤمن نمازین اولسا هر یرده قیلار
 دائماً ایلر نمازی خلق ایچینده برقرار
 رد ایدر واجب زکوتی ذمه سینده هر نه وار
 بو نچه اوصاف علامتدور مسلمان مؤمنه
 دوز دئیر مومن دلیندن مؤمنون چخماز یالان
 هرامانت آلسا رد ایلر اونی ایتمز نهان
 خلف وعده ایله مز دنیاده مؤمن هیچ زمان^۱
 مشگل دنیا اولار هر یرده آسان مؤمنه
 مؤمنه خالق اوزی وعده ویروب قرآنیده
 ایله مز مغلوب کافر حجت و برهانیده
 آخرین دیندور بودین مغلوب ایدوب ادیانی ده
 منطق قرآنی بیلسه بسدی برهان مؤمنه
 مؤمنون الله و پیغمبر کیمی وار عزتی
 مؤمن عزتده یاشار گیمز لباس ذلتی
 زنده اولسا مرده اولسا مؤمنون وار حرمتی
 نص ایدوب بو احترامی حی سبحان مؤمنه

هانسی مۆمندور بومؤمن دین یولوندا دوز گیدن
 هانسی مۆمندور بو مؤمن دینینی ترویج ایدن
 هانسی مۆمندور بومؤمن خلقه قرآن ئورگدن
 قویمین اولسون مسلط نفس و شیطان مؤمنه
 هانسی مۆمندور بومؤمن کیمده اولسا نور حق
 هانسی مۆمندور بو مؤمن عامل دستور حق
 هانسی مۆمندور بومؤمن اهل حق منظور حق
 گون کیمی هر کس که اولدی پرتوافشان مؤمنه
 هانسی مۆمندور بومؤمن مؤمنی اینجیتمین
 هانسی مۆمندور بومؤمن دوز یولی کج گیتمین
 هانسی مۆمندور بومؤمن کافره رحم ایتمین
 مهر بانلوق ایلین هر دل پریشان مؤمنه
 هانسی مۆمندور بومؤمن خواهش نفسی آتان
 هانسی مۆمندور بومؤمن کنج زنداندا یاتان
 هانسی مۆمندور بومؤمن حق دیوب قانه باتان
 جانیمیز قربان اولا هر دینه قربان مؤمنه
 هانسی مۆمندور بومؤمن باغلانان زنجیر یله
 روز و شب همراز و همدم ناله شبگیر یله
 محبس هارونیده مسموم اولان تزویر یله
 حق یولون تعلیم ایدن هر کامل انسان مؤمنه

هانسی مؤمن نعشی اوچ گون کنج زنداندا قالان
 حق دیوب جدی حسیندن ئولماقی سر مشق آلان
 هانسی مؤمن جدّه سی زهرانی غمدن آغلادان
 هانسی مؤمن که کفن ایتدی سلیمان مؤمنه
 هانسی مۆمندور بومؤمن باش و جانیندن گیچن
 هانسی مۆمندور بومؤمن اولماسا سو قان ایچن
 هانسی مۆمندور بومؤمن آج سوسوز مظلوم ئولن
 سواولان اوز قلبنون قانی لب عطشان مؤمنه
 کهنموئی حزب حق دنیاده حزب الله دور
 مصطفی زهبردی حزبه مقصده آگاهیدور
 آیری حزبون عضوی اولما هامیسی گمراه دور
 دین ویرن دفترچه ی حزب اولدی قرآن مؤمنه
 بار الهانه گوزل جای عبادتدور بویر
 بالهانه گوزل جای عبادتدور بویر
 گوشه زندان دگول محراب طاعتدور بویر
 هر بلا و غم یتشسه راضیم یوخدور سوزوم
 جور خاره وصل گلدن اوتری لازمدور دوزوم
 اختارور دوم دائماً بیر بیله خلوت یر اوزوم
 عاشق و معشوقه یاخشی بزم وحدتدور بویر

من دیمم زندان خدایا بو قرانلوخ محبسه
 بزم وصله رهگذر دور من غریب و بیکسه
 بو در و دیوار لر منله ویرولر سس سسه
 روضه رضواندی یا فردوس و جنتدور بویر
 عاشق صادق گرکدور هر بلادن شاد اولا
 قویمیه معموره دل غصه دن بر باد اولا
 بو قفسدن مرغ روحیم آز قالور آزاد اولا
 خالیدور اغیاردن بیر بزم خلوتدور بویر
 گوشه زندانیده مدتدی محبوس اولموشام
 گنده و زنجیر یله بو یرده مانوس اولموشام
 دوشموشم دلدن حیاتمدنده مأیوس اولموشام
 اهل بیتیم یوخ یانیمدا گنج غربتدور بویر
 بویر ایتمشدی خدا دلخوش عبادتدن منی
 طاعته ترغیب ایدر ساعت به ساعتدن منی
 زهر کین اما بوگونه سالدی طاقتدن منی
 اولماسا راز و نیازیم خاک ذلتدور بویر
 مؤمنه قید شریعت بسدور ایلر اکتفا
 بندهنی قویماز حدود اللهدن خارج اولا
 سن بیلور سن بیگناهم یوخدی تقصیریم خدا
 منده بیلم منظر حق و حقیقتدور بویر

بیلموری هارون گچن گون مهلتندن قور تولور
 گونده بیر گون دور عز و شوکتندن قور تولور
 بو غریبونده زمان ذلتیندن قور تولور
 قالمالی دنیا دگول جای عزیمتدور بویر
 قور تاران ای یونسی ظلمات بطن نوندن
 ای سودی ممزوج ایدن من بین فرث و خوندن
 تیز منی تولدور خلاص ایت محبس هارونیدن
 تولماقین مشتاقیم سرحد و صلتدور بویر
 ای خداجدیم حسینی بوردا یاده سالمیشام
 دینه قربان اولماقین سرمشقین اوندان آلمیشام
 طاقتیم یوخدور قیامه سجده گهده قالمیشام
 نقدجان سرمایه ، بازار تجارتدور بویر
 جان ویرن وقتینده قویدی جدیم آئین سجده
 اوز مقدس عهدینون ایفاسینه شکر ایلیه
 قالدی پیکر سجده گهده گچدی باشی نیزیه
 عرض ایدردی ای خدا نه یاخشی راحتدور بویر
 کهنمونی گر چه سیدسن حسینی سن اوزون
 چون گناهون چوخدی حتما وار شفاعتده گوزون
 نیتون پاک ایله تأثیر ایله سون خلقه سوزون
 عاریه ایودور بودنیا کوی رحلتدور بویر

ای خدا زندانیده محبوس بی تقصیره باخ

ای خدا زندانیده محبوس بی تقصیره باخ
 جان ویرن و قتیمنده بو بوی نومداکی زنجیره باخ
 شاهد اول سن گور نجه هارون منی مظلوم ایدوب
 بیر اوزون مدتدی بو زندانیده مغموم ایدوب
 عاقبت مین جور و ظلمیله بوگون مسموم ایدوب
 جانیمه زهر عداوت ایلین تأثیره باخ
 شکر اولار درگاهوه ای خالق ربّ جلیل
 سن کریم پروردگار و منده بیر عبد ذلیل
 قالموشام اولادیمه حسرت اوزوم زار و علیل
 گوشه زندانیده احوال عبد پیره باخ
 سالدی زندانه منی اول ناکس بی شرم و عار
 مین جفائیه ایدوبدور محنت هجره دچار
 خلقه اسلامیتین هر لحظه ایلر آشکار
 بی حیا هارونیده بیر حیل و تزویره باخ
 دمبدم هارون الیندن یوز ویرور ذلت منه
 آرتوری ظلم و ستم هر لحظه هر ساعت منه
 حلقه زنجیر و کنده اولدی هم صحبت منه
 آه آتشیباری گور بیر ناله شبگیره باخ

هجر معصومه خدایا منده قویموب اختیار
 گوزلریم یولدا قالب بیر غمین و غمگسار
 بیکسم توپراقلار اوسته ایمدی توّلّم خوار و زار
 کنده و زنجیر ظلمه باغلانان ننجیره باخ
 هر بلاگلسه رضایم وار بو جانه منّتی
 لیک چوخ دلتنگ ایدوب اوغلم رضانون فرقتی
 نوش قیّام دمبدم جام و بلا و محنتی
 ملک جسمیده سپاه غم ایدن تسخیره باخ
 عرض ایدوب راز و نیازین حضرت معبودینه
 عاقبت ایتدی وفا اوز وعده معهودینه
 تاپشوروب جان نقدینی اولدی بو سودا سودینه
 قتلنه هارون بی دین ایلین تدبیره باخ
 جان ویروب زندانیده گر چه امام هفتمین
 دفن ایدوب نعشین سلیمان دوتدی ماتم دل حزین
 جان ویرنده کربلاده تشنه لب سالاردین
 هر زمان سویلردی یا رب گردش تقدیره باخ
 عهدیمی باشه یتوردوم ای خدای مهربان
 من خریدارم اوزوم هر ظلم ایدلر کوفیان
 ایمدی ویرم خنجر بزّان دمینده تشنه جان
 بارالها بیکریمده زخم تیغ و تیزه باخ

گرچه یوخ بیر رحم ایدن ای خالق رب رؤف
 دیدۀ زینب کیمی آغلار جراحات سیوف
 مین بیله یاره دگه هرگز دیمم بیر کلمه اوف
 خاک و خون ایچره دوشن اعضائی گور تخمیره باخ
 راضیم شمر ستمگر زینب غم پروری
 قولاری باغلو دولاندرسون پیاده چولتری
 چیخماسون دیندن کناره جدیمون امتلری
 عاصیان ، غم دفتزینده ایلین تحریره باخ
 کهنمونی قورتولاندور نچه گون عمرون یقین
 دوت حضور قلبیله موسی بن جعفر دامنین
 مطلع اشعاروی یاز بیرده آخرده غمین
 بارالها حبسده محبوس بی تقصیره باخ

معصومیه ای باد صبا گیت خبر ایله

معصومیه ای باد صبا گیت خبر ایله
 قارداشون تولور طوسه باجی بیر گذر ایله
 بو گوشه غربتده منیم یوخدی پناهیم
 هر لحظه تورکدن اوجالور شعله آهیم
 اودلو دیلمه اولدی بوگوز یاشی گواهیم
 باخ حالیمه جاری یوزه اشک بصر ایله

بو زهر جفا چوخ منیم آرامیمی آلدی
 گوز یولدا یوزیم یرده آلیم سینه ده قالدی
 نه گلدی جوادیم نه باجیم صبریم آزالدی
 تعجیل ایله گل آز منی خونین جگر ایله
 چوخ سعی ایدیرم بلکه بو قلبیم تاپا آرام
 آخر نفسیمده سنیه قول بویون اولسام
 غربت غمی تخفیف تاپار کام دل آلام
 گل بو دل پردرد ده رفع کدر ایله
 هجران اودی هر لحظه یانار سینه نی داغلار
 قویما قالاسن قارداشیون گوزلری آغلار
 بو رسمدی قارداش گوزین آغلار باجی باغلار
 گل باغلا منیم گوزلریمی دیده تر ایله
 نه خوشدی یتیم وصلوه هنگام شهادت
 جان بذل ایدرم آخر ساعتی بو ساعت
 دوندر منی سن قلبیه جانیم چیخا راحت
 تأخیر ایلمه جانب طوسه سفر ایله
 هرگز دیمورم گل منی گور سینه وی چاک ایت
 باخ قارداشیوا سن اوزوی آغلا هلاک ایت
 آخر نفسیمده گوزیمون یاشینی پاک ایت
 بیرده منی گورماخلقا صرف نظر ایله

ایستدوخجا بدنده اثر زهره نظاره
 من بیلّم اوزوم ای باجی یوخ دردیمه چاره
 فرشی یغارام یوز قویارام گرد و غباره
 گل جان ویروزم بستری می نرم تر ایله
 بی شک بیلوردوم باشیمون دردو بلاسین
 ایستردیم او دور من باجیمون مِهَر لَقاسین
 یازدیم سنه نامه باشیون آچما قَراسین
 محنت اوخونا سنده وجودون سپر ایله
 دوشدون بیلورم مندَن آتور چولّره باجی
 قم شهرینه یتسون دوشه سن بستره باجی
 دیداریمزی قویدی نُلولوم محشره باجی
 اوز نُولماقووی قبریمه سنده خبر ایله
 قم اهلی وفا میوه سین عالمده دره تر
 چوخ عزّتیله اوردا سنه غسل ویره تر
 من یولادیقیم نامه نی سینونده گور تر
 بونسگل اوتین هر دله وُر پر شرر ایله
 غربته بو دنیانی گوزوندن آتاجاقسان
 بیر ماه درخشان کیمی قهرأ باتاجاقسان
 من شهر خراساندا سن اوردا یاتاجاقسان
 دفن اولماقیله اوردا اوزون مشتهر ایله

قلبنده باجی قارداشیوون واردی بو نیت
 هر وقفه ده که قبریم اولار شیعیه قسمت
 اوّل باجیمون قبرینی ایتسونله زیارت
 سن خیر دعادن اولاری بهره وُر ایله
 خالق سنه لطف ایلر ایله فضل و کرامت
 سن دفن اولونان یر تاپار آفاقده شهرت
 قم شهری ایدر قبریویله کسب شرافت
 یات اوردا گلن زایری مدّ نظر ایله
 آز فاصله واردور گوزیله قاش آراسیندا
 بو فاصله یوخ یولداشا یولداش آراسیندا
 نه علقه دی بیلّم باجی قارداش آراسیندا
 بیر روحی ایکی جسمیده باخ گور گذر ایله
 سالدی بوسوزوم بیر باجی قارداشیده یاده
 اولماز اولارین مثلی بو دنیای فَناده
 شرکت ایلویولر اکیسی کرب و بلاده
 درس آل اکیسیندن اوخی کسب هنر ایله
 شرکت ایلویوب آچدیلار بیر مکتب دینی
 نشر ایتدی حسین قانیله هر مطلب دینی
 زینب آپاروب شامه طرف موکب دینی
 باخ شامده ویرانیه اخذ عِبَر ایله

گیتدی دولانوب شام دیارین گنه گلدی
 نا امن گورو بدور اویری مأمنه گلدی
 آیریلما دی قارداشی اولان مدفنه گلدی
 سویلردی حسین ویر منه سس مفتخر ایله
 کشف ایله ریاضی ندور عالمدنه حقیقت
 بونوحنی یازماخ سنه تک اولمادی قسمت
 ساعی سنیه ایلدی بعضی سینه شرکت
 توفیق اونادا ایسته سوزون مختصر ایله

اونداکه مسموم اولوب موسی بن جعفر زهریله

اونداکه مسموم اولوب موسی بن جعفر زهریله
 ایتدی فرمایش مسیب خادمه بو نحو یله
 ای مسیب ئولدورور هارون منی تزوریله
 نعشیمی قبره قویون بوینومداکی زنجیریله
 قلبیمه بو زهر کینه ایلدی تأثیر ایله
 رشته عمریم منیم باغلاندی بیر نازک تله
 آچمیون زنجیری بوینومدا قویون قالسون یله
 حلقه و زنجیر خوشدور دائم اولسا شیر یله
 گرچه مدرک دور جفایه جسم مجروحیم منیم
 بو وصیتدن واریمدور آیری منظوریم منیم

اهل حشره کشف اولونسون سز مستوریم منیم
 هر نه رفتار ایلوبلر بیر مریض پیر یله
 خوش دوتوب هارون جفا سینده ایدن تدبیری
 بولمدی روحیمده زنجیر ستم تأثیرینی
 یاده سالدوقجا قیامت حبسنون زنجیرینی
 حقدن استغفار ایدردیم ناله شبگیر یله
 باغلانور محشر گونینده مجرمه راه گریز
 مالکان دوزخه فرمان ویرور حی عزیز
 باغلیون یتیمش ذراع اوتدان اولان زنجیره سیز
 هر گنهکاری که عمرین قور تاروب تقصیر یله
 ای مسیب بیر بوگون زنداندا مهمانم سنه
 حی داوردن گلوبدور مژده دعوت منه
 ایله مه غصه خلاص اولدوم یتشدیم ایمنه
 نچه ایل محبوسیدیم من گردش تقدیر ایله
 سعی ایدیر هارون بیچلسون حق باطلدن لباس
 خلق ایچنده تاپماسون بوایشلری پیس انعکاس
 خالقیندن قورخمین مخلوقدن ایلر هراس
 گور هوای نفسی نیلور مرد دنیاگیر یله
 امر هارونیه تشیعمده چوخ تعجیل اولار
 سربسر بغداد شهرینده اوگون تعطیل اولار

مجلس ماتم منه درباریده تشکیل اولار
 تکه رفع تهمت اولسون بلکه بو تدبیر یله
 ای مسیب گرچه من ثوئم غریب و بی وطن
 آغلاماگر آغلاسون جذیم حسینیه آغلاسن
 اوچ گیجه گوندوز قالوبدور یرده بی غسل و کفن
 قطعه قطعه دوغراناں پیکر دم شمشیر یله
 کربلادن کوچ ایدن گونده قطار زینبی
 قتلگهدن سالدی دشمنلر گذار زینبی
 آلدیلار آلدن قرار و اختیار زینبی
 گوردی قارداش قلبینی یاره سه شعبه تیر یله
 سویلدی قارداش عجب اولدوخ وطن آواره سی
 پیکرون مستور ایدوب شمشیر و خنجر یاره سی
 کاش قلبیمده اولیدی قلبیوون اوخ یاره سی
 عازم شاماته گورنه روحسیز تصویر ایل
 نه روادور گلستان دینده کی گللر سولا
 اهل بیت مصطفانی باغلیولار قول قول
 کوچ ایدیر شامه قطار غم ، بیزی دور سال یولا
 ویر اذان بو نحر اولان خلقومدن تکبیر یله
 کهنمونئی ایت عمل آرتورما قیل و قالوه
 خلق ناظر دور باخولار دوره دن اعمالوه

ایله تقوا تابع اولسونلار سنون امثالوه
 جور گلمزدین ریا و حیل و تزویر یله

گل اوغول طوسه آتان جان اوسته دور جان آختارور

گل اوغول طوسه آتان جان اوسته دور جان آختارور
 جان ویرور غربتده اوغولون دیده گریان آختارور
 تنگ اولوب روحه قفس بیهوده افغان ایلمز
 انتظارونده سنون بی جاگوگل قان ایلمز
 وصله عادت ایلین دل تاب هجران ایلمز
 گوز نورکدن سوندوقون هر لحظه هر آن آختارور
 یتدی باشه دار غربتده گیجه گوندوزلریم
 صون نفیسه شرح ایدم چوخدور نورکده سوزلریم
 انتظارونده اوغول یولدا قالوبدور گوزلریم
 ظلمت هجرانه بیر نور درخشان آختارور
 شاد اولار بلبل اگر قور تولسا جور خاریدن
 دلخوشام درگاه خالقدن اولان احضاریدن
 گنج غربت بزم وحدت خالیدور اغیاریدن
 اوغلونی بودیده تر خاطر پریشان آختارور
 شیشه قلبیم بو زهر یله نشان اولدی داشا
 قالموشام حسرت بیله وقتیمده قوم و قارداشا

بَحرِ عمریم آز قالور موج ایلیه باشدان آشا
 زورق جسمی سالار دابه طوفان آختارور
 طشته توکدی زهر کین پرور جگر لر پاره سین
 چاره سیز دردین تُولوم ایلر جهاندا چاره سین
 درک ایله آخر نفسه بو وطن آواره سین
 گور خَمیده قذیله سرو خرامان آختارور
 مجلسینده زهریله مسموم ایدوب مأمون منی
 صرصر ظلمیله پامال اولدی عُمَریم گُلشنی
 انتقام خلقدن قورخور او مَلعون دَنی
 سَری کِتمان ایتماقا هر لحظه عنوان آختارور
 جَدمون قاتل لری اما ایدردی افتخار
 نعشی اوستونده حسینون اون نفر آت چاپدیلا
 بو عَمَلدن دور ایده هر قدر دور روزگار
 مایه کسب شرافت قوم نادان آختارور
 گلدی عَمَم قتلگهده بسکه داد و شیونه
 سویلدی هر ظلم اولاردی ایلدی دشمن سَنه
 آز قالور روحیم بدنن آیریلَاس ویرمنه
 بلبل شوریده بیر پوزقون گلستان آختارور
 کهنمونئی اولسا تقوی خدمتون منظور اولار
 ایتمه غفلت اهل غفلت فعلینه مغرور اولار

خیر عَمَللر روز محشر ظلمتینده نور اولار
 اوندا که شخص منافق نور ایمان آختارور
 رسیدن حضرت امام جواد بیالین امام رضا علیهما السلام
 آچ گوزون اوغلون گلوبدور طوسه یثربدن بابا
 دور اولاخ بیر قول بویون غربتده جان ویرسن بابا
 شهر یثربده بویوردون سن گلون بیر شیونه
 اهل بیتیم آغلیون حال حیاتیمده منه
 بوسفردن گلرم من دستگیرم دشمنه
 دشمنون یاخشی بیلوردون چکمز آل سندن بابا
 بو سببدن سن سوئردون ناله و شیون سَسین
 فرقتین دائم بیلوردون اهل بیت بیکسین
 جان ویرن وقته ایشیدمز سن اوشاقلار ناله سین
 بیر نفر ایتمز باشون اوسته سنون شیون بابا
 رنج و محنتله باشایتدی گیجه گوندوزلرون
 گورماقا اولادیوی حسرتده قالدی گوزلرون
 هر سوزون واردی منه قویما تورکده سوزلرون
 توکمه رخساره بیله گوز یا شوی گوزدن بابا
 چوخ یتیمین دست رأفت اشک چشمین سیلمدی
 اهل بیت مصطفادن دردوغم اسگیلمدی

بویره گیزلنجه گلدیم من اوشاقلار بیلمدی
 گر بلیدی هیچ بیرری چکمزدی آل مَندن بابا
 درد هجرانی چکن دَلر وصالون آختارور
 هر ستاره گورماقا ماه جمالون آختارور
 روز و شب دائم سنی بیکس عیالون آختارور
 هر بیرری دوتسا اوتورمز دامنون آلدن بابا
 گلمیشم تنگه اوزمده اشتیاقوندان سنون
 چکمیشم رنج و آلم درد فراقوندان سنون
 ویر اجازه بیر آپوم ایمدی ایاقوندان سنون
 خوشدلیم بو نعمتین شکرانه سیندن من بابا
 منده گورم سن کیمی جوروجقای دشمنی
 حقوی ایله حلال الله تاپشور سن منی
 ایلرم غسل و کفن من قبره تاپشورآم سنی
 زجرت ماموندن یات قبریده ایمن بابا
 اعتقاد شیعه مذهبه بوسوز واردور تمام
 غسل و دفن و کفن ایدر هاردا امام نولسه امام
 کوفهده سجاده الهام ایتدی حی لاینام
 کربلایه گلدی سسلندی یارالی تن بابا
 جلدسیز قرآن کیمی نعشون چخوب شیرزاده دَن
 طعن ایدر اسلامه بو پاشیده اوراقی گورَن

گلمیشم دفن ایلیم اوچ گوندی یرده بو بدن
 ایلیم دشت بلانی سربسر گلشن بابا
 ایستدی خالق بونور حقّی خاموش اولماسون
 فرقه باطل مرامیله هم آغوش اولماسون
 دین حقّه ایتدیقون خدمت فراموش اولماسون
 شیعه محروم اولماسون فیض زیارتدن بابا
 هر اوکس که تابع حق پیرو قرآن اولا
 درس آلاسندن گرک اوز دینینه قربان اولا
 هر مریضین یر یوزینده دردی بی درمان اولا
 آخذ ایده خاک شفا بوقانلو تربتدن بابا
 کهنموئی سن پیمبر اوغلوسان واضحدی بو
 معصیت گردوغبارین اشگیله ایت شستشو
 عالم معناده ایله جَدیویله گفتگو
 عرض ایله چوخ قورخورام روز قیامتدن بابا

سلام بر مرقد پاک امام رضا علیه السلام

ای امام هشتم ای میر خراسان السلام
 ای غریب ای سرور کل غریبان السلام
 ای اولان جدی پیمبر فاطمه ذریه سی
 ای قالان بیکس خراساندا ویرن جان السلام

ای وطنندن آیرلاندآ اغلین اطفالینه
 ای قویان اهل و عیالین دیده گریان السلام
 ای ایدن دعوت بو خلقی دینیه قرآنیه
 ای جهاندا حامی اسلام و قرآن السلام
 السلام ای صدقیله مهمانلارا مهمان نواز
 گلمیشوخ تبریزدن بیر طوسه مهمان السلام
 السلام ای قبر پاکی گون کیمی مشهور اولان
 ای ایدن زایلرینه لطف و احسان السلام
 ای اولان جدی حسینون ماتمینده دل غمین
 ای خلافت منصبندن دل پریشان السلام
 بیز عزاداروخ سنون جّدون حسینّه آغلاروخ
 ماتمنده ایلروخ فریاد و افغان السلام
 ایسته الله عفو ایده زایلرلی خادمیری
 ایتیمه بیرده سنون زوآرون عصیان السلام
 کهنموئی گلمیوبدور گوندورب بیزدن سلام
 عرض ایدیر بیمارم ایستور درده درمان السلام

جهاندا رهبر دین آیت رحمت دی روحانی

جهاندا رهبر دین آیت رحمت دی روحانی
 حیاتنده بیلون قدرین بیوک نعمتدی روحانی

درخشان نوره بنزر لگه ذلت قبول ایتمز
 همیشه اهل تقوی صاحب عزتدی روحانی
 اگر وار اجتهادی مقتضای عصره عالم دور
 مزوج دین حقه ناجی بدعتدی روحانی
 امامین غیبتنده مجری احکام قرآندور
 امام عصره نایب دار امنیتدی روحانی
 بولر مسئول اوزین قرآن و دینی خلقه نورگتسون
 بیر آئی ایلمز غفلت گورر فرصتدی روحانی
 ایدر خلقی هدایت مذهبه ایمانه قرآنه
 آتادان مهرباندور صاحب رأفت دی روحانی
 خلاف شرعی گورسه روحی ناراحت اولار دائم
 چون اجرای حدوده فاقد قدرتدی روحانی
 چکر زحمت گیجه گوندوز بشرده اتحاد اولسون
 گورنمز اختلافی داعی وحدتدی روحانی
 دئیر احکام شرعی خلقه ایلر آشنا حقه
 همیشه حافظ ملیت و ملتدی روحانی
 حسین بی علینون مکتبندن درس آلان عالم
 اولار مرد مبارز قائد نهضتدی روحانی
 فدا ایتدی اوزین پیغمبر اوغلی دینه قرآنه
 اودور که حافظ دین رهبر امتدی روحانی

ویرز اسلامیه غیرت و مردانه‌لوخ درسین
قبول ذلت ایتمز مرد خرتدی روحانی
حیاتنده مماتنده ایدوبدور محترم خالق
ایدر خلقه شفاعت وارث جنتدی روحانی
همیشه کهنموئی اهل علمه احترام ایلر
مزوج دینه اولسا واجب الحرمتدی روحانی

رحلت ایلوب دوتمشوخ عزایشوای اسلامیه بیز

رحلت ایلوب دوتمشوخ عزایشوای اسلامیه بیز
گلمیشوخ ویراخ اشک چشمیله تسلیت امام زمانه بیز
مذهب تشیعه مجتهد نایب امام زمان اولار
حافظ و نگهبان دین اولار باغ مذهب باغبان اولار
مقتضای هر عصری فکر ایدوب حکم شرعیله حکمران اولار
هرنه امر ایده ایلروخ عمل تابعوخ بیله حکمرانه بیز
مکتب تشیع حقیقتاً افتخار دور بیز جماعته
اون یکی امامه رعیتوخ اعتقادیمز وار خلافته
گوزلروخ امام زمان گله اگلشه سریر خلافته
صف چکاخ قباقدنه صف به صف فخر ایداخ تمامی جهان بیز
باب اجتهدی آچوب بیزه اون یکی امامین رویه سی
رشته هدایت قریلماسون گتمسون شریعت مزیه سی

تا بقیه الله ظهور ایدوب حاکم اولسون الله بقیه سی
ایلیاخ عبادت فراغیله کلمیخ بلادن فنایه بیز
شیعه نون امامی پیمبری لاشریک یکتا خداسی وار
شیعه نون امام زمان کیمی سرپرستی وار مقتداسی وار
پیشوای مذهبی بیزلره هر اوکس که تقوی لباسی وار
تابعوخ حیاتنده حکمنه ماتمنده اشک روانه بیز
شیعه یوخ بو دنیاده شیعه لوخ مایه شهامتدی بیزلره
آغلاماخ حسینون عزاسنه توبه وندامتدی بیزلره
باب توبه باغلانمیوب، هله بو بیوک گرامتدی بیزلره
اولمشوخ پناهنده مامن اهل بیته دارالامانه بیز
گون به گون غم و محنت آرتوری یر یوزی بومخلوقه تنگ اولور
قدرتی اولانلاردا رحم یوخ هر زمان مهبای جنگ اولور
دیندن مسلمانلار ال چکور تابع رسوم فرنگ اولور
کسمه لطفوی بیزدن ای خدا، مؤمنوخ حق لامکانه بیز
منصب امامت ودیعه دور هر بشر یتشمز بو منصبه
انتخاب ایدوبدور علینی حق چوخ دلیلمز وار بو مطلبه
اون یکی امامون امامتی افتخاردور شیعه مذهب
مال و جان فدا ایلروخ هامی بو عقیده جاودانه بیز
پیشوای مذهب اولان گرک پاک اولا خبیثه صفاتیدن
اولمیه زناکردن، اولا پاک نطفه دن پاک ذاتیدن

علم و قدرتی ناقص اولمیا بی نیاز اولا هر جهاتیدن
 پیروخ اودور هر عیوبدن ذاتی پاک اولان خاندانه بیز
 اهل دینه لازمدی مقصد دین و مذهبه آشنا اولا
 دینی عالم دیندن نُورگشه عامل کتاب خدا اولا
 شیعیة امام زمان گرک متقی لره پیشوا اولا
 فرزدور بیزه دینی نُورگداخ هر زماندا نسل جوانه بیز
 هر عزاده غمگین اولاندا بیز بیر عزانی یاددان چخاتماروخ
 هر غمی فراموش ایداخ اگر بیر بلاتی یاددان چخاتماروخ
 آغلاروخ حسینون عزاسنه کربلانی یاددان چخاتماروخ
 هر مصیبت اوز ویرسه بیزلره لعنت ایلروخ کوفیانه بیز
 کهنمونی بیر گون منه دیدی ظلمیله دولور گورنه یر یوزی
 من دیدیم امام زمان گلر هرج و مرجی اصلاح ایدر اوزی
 بیر تعجبیله منه باخوب ذکر ایدوب مکرر بوبیر سوزی
 ایتمیخ گرگ تنبل اولماقا غیبت امامی بهانه بیز

ایدل ایتمه غفلت اولما بوالهوس

ایدل ایتمه غفلت اولما بوالهوس
 کاروان گشدی گلور بانگ جرس
 خواب ناز بامداد الزحیل
 ایلر اهل غفلتی خوار و ذلیل

هر کسی اوز عقلنه پابند ایدوب
 ایتدیقی اعمالیله خرسند ایدوب
 ایتمیوب بیر کیمسیه دنیا وفا
 لذتی آنی اوزی دار فنا
 چوخلارین ایتموب رها وسواسدن
 خاصه منصورى بنی عباسدن
 بس ریاست ویردی مغرور ایله دی
 دیده حق بیننی کور ایله دی
 وار قباخدا باخمادی روز جزا
 مذهب و آئینه وُردی پشت پا
 ظلمیله حقه آچوب ناحق آیین
 ناسزایه آچدی لال اولموش دلین
 سویلدی مانع بوملک ایمنه
 صادق آل محمد دور منه
 من گرگ جام می نوش ایلیم
 تاجراغ دینی خاموش ایلیم
 خبث ذاتین ماسوایه بیلدروب
 مکریله پیغمبر اوغلون آلدوروب
 اولدی حوریلر عذاره لاطمه
 باشنی آچدی آناسی فاطمه

گرچه مقتول اولدی میر مقتدا
 شیعهلر دفن ایلوب دوتدی عزا
 ای حسینلر بو غم آرام آلوب
 اوچ گیجه گوندوز حسین عریان قالوب
 تا یتوب حکم خدای نشأتین
 کوفه دن گلدی علی بن الحسین
 ایستدی قویسون مزاره پیکرین
 دیده تر آختاردی تاپدی اللّٰرین
 آختاروبدور کربلا توپراقینی
 تاپدی بجدل قطع ایدن بارماقینی
 نعشینه باخدوقجا دنیادن دویوب
 پاره پاره بیر حصیر اوسته قویوب
 دفن ایدوبدور جسم چاک چاکنی
 خاک ریز ایتدی مزار پاکنی
 قبری اوستونده یازوبدور دیده تر
 بو حسیندور آج سوسوز نولدوردولر
 کهنموئی سال اوحالی یاده سن
 تسلیت ویر سید سجّاده سن

هارداسان پیغمبر اوغلی هارداسان

ای ولیعصر یا صاحب زمان
 هارداسان پیغمبر اوغلی هارداسان
 هارداسان ظلم و ستم حدن چخور
 اهل حق منجنیق غم سخور
 دین ایوین صوری مسلمانلار یخور
 هارداسان پیغمبر اوغلی هارداسان
 سن اوزون آگاه سن بومطلبه
 تولیوب خلقی جلال و دبده
 دین اسلامی ایدوبلر ملعبه
 هارداسان پیغمبر اوغلی هارداسان
 ای یگانه پرتو مشکوة حق
 آل اجازه حقن ایت اثبات حق
 بایمال کفر اولور آیات حق
 هارداسان پیغمبر اوغلی هارداسان
 خالق عالم حق جان آفرین
 دعوتین ایلر اجابت مضطربین
 رخصت آل یخ ایولرین ظالمترین
 هارداسان پیغمبر اوغلی هارداسان

بیر جماعت بیلموری قرآن ندور
 چاره سیز درده اولان درمان ندور
 حق ندور باطل ندور ایمان ندور
 هارداسان پیغمبر اوغلی هارداسان
 بیر جماعت قشر دیندن چکموور آل
 واجبات دینه ده ورساخلل
 مستحباته گرک ایتسون عمل
 هارداسان پیغمبر اوغلی هارداسان
 ای حقیقت اهلنه پشت و پناه
 میر دیوانخانه عدل إله
 بیکس و مظلومه سنسن دادخواه
 هارداسان پیغمبر اوغلی هارداسان
 پرده غیبته دل رنجورسن
 ابر ظلمتده ایشقلی نورسن
 دیده اهل ولادن دورسن
 هارداسان پیغمبر اوغلی هارداسان
 هارداسان جانلار سنه اولسون فدا
 یرده قالدی انتقام کربلا
 آغلوسان بوباره ده صبح و مسا
 هارداسان پیغمبر اوغلی هارداسان

آغلاروخ هجرونده سینه داغلاروخ
 صورته سیل سرشگی باغلاروخ
 عمه وه سن آغلاسان بیز آغلاروخ
 هارداسان پیغمبر اوغلی هارداسان
 داد اوساعتدن گلوبدور شیونه
 سسلدی قارداش باجون قربان سنه
 قولاریم باغلی اسیرم دشمنه
 هارداسان پیغمبر اوغلی هارداسان
 نه روادور گل اسیر خار اول
 اهل بیتون باغلیوبلار قول قول
 یاتما دور غم کاروانین سال یولا
 هارداسان پیغمبر اوغلی هارداسان
 ایله دون سن عالمه اثبات حق
 سندن آلدیم منده تعلیمات حق
 ایلمرم هر یرده تبلیغات حق
 هارداسان پیغمبر اوغلی هارداسان
 کهنموئی ایله اصلاح عمل
 ایله مه اسلامی سنده مبتذل
 عرض ایله یاسیدی امداده گل
 هارداسان پیغمبر اوغلی هارداسان

ای شیعه‌لر امام زمانین گلن گونی

ای شیعه‌لر امام زمانین گلن گونی
 دنیا دَونر امام زمانین گلن گونی
 هر یرده هر مقامده دین پرچمی آسر
 خوش گون گچر امام زمانین گلن گونی
 آیات حق اوخونماقی خوشحال ایدر سنی
 اولسان اگر امام زمانین گلن گونی
 قرآندا هر نه حکم وار اجراء اولار اوگون
 واردور خبر امام زمانین گلن گونی
 ظلم و ستم صدالری بالمره لال اولار
 اولماز اثر امام زمانین گلن گونی
 خوشحال اولار اوگون اونا هرکس که شیعه‌دور
 واربو قدر امام زمانین گلن گونی
 غیبت زمانی چکدیقی درد و ملال و غم
 گتمز هدر امام زمانین گلن گونی
 قرآنی درس ویرمینون چوخ بلاسی وار
 حتماً گورَز امام زمانین گلن گونی
 هر کسکه واردی قدرتی تُورگشمیوب اونی
 افسوس ایدر امام زمانین گلن گونی

ایقان ، بیان ، اقدس بواوچ کتاب ایچون
 وارچوخ ضرر امام زمانین گلن گونی
 باب و بهائی هر نه که اولسا قالان توکر
 اشگ بصر امام زمانین گلن گونی
 هر بابی و بهائی اگر تُولمه سه قالا
 خجلت چکر امام زمانین گلن گونی
 دنیا دولاندی دورهُ قرآن و دین گلر
 هاقی گورَز امام زمانین گلن گونی
 ای کهنمونی یاز قالا بوسوزلرون سنون
 سندن اثر امام زمانین گلن گونی

ایا عصرین امامی شریعت گلی سولدی

ایا عصرین امامی شریعت گولی سولدی
 ظهور ایله اماندور جهان ظلمیله دولدی
 اوگوندن که بویوردی سنه خالق یکتا
 آزون ایلمه ظاهر ایله غیبت کبری
 ایشق گوندوز اولوبدور بیزه لیله یلدا
 ظهور ایله اماندور جهان ظلمیله دولدی
 گیدیرگون به گون آلدن مزایای شریعت
 قالوب صورت ظاهر مجاز اولدی حقیقت

مسلمان دیلَنَلَر قویور دینیده بدعت
 ظهور ایله اماندور جهان ظلمیله دولدی
 بیر عَدَه آدی مسلم اوزی کافر مطلق
 ویرور ظاهر دینه ریا قصدیله رونق
 ایدیر خلق آراسندا بوحق مذهبی ناحق
 ظهور ایله اماندور جهان ظلمیله دولدی
 بیر عَدَه گورور اولمور دینون احکامی اجرا
 مسلمانانه دمامد یتور کفر دن ایذاء
 قبول ایتموری دینی قاچور دیندن اصلا
 ظهور ایله اماندور جهان ظلمیله دولدی
 بیر عَدَه گجه گوندوز بودور فکر و خیالی
 ساتوب دیننی آلسون گورَن جاه و جلالی
 بیرى ئولسه آجندان اونون یوخدی ملالی
 ظهور ایله اماندور جهان ظلمیله دولدی
 بیر عَدَه فقرادن دانور حکم خدانی
 آتور مذهب و دینی دوتور میل و هوانی
 بودور فکر و خیالی پوزا نظم جهانی
 ظهور ایله اماندور جهان ظلمیله دولدی
 مسلمانلار ایچینده بوگون فاصله چوخدور
 بیرى هرزادا مالک بیرى هیچزادی یوخدور

دل مرد خداده بو بیر زهرلی اوخدور
 ظهور ایله اماندور جهان ظلمیله دولدی
 حقوق فقراده گلوبدور نچه آیات
 اوخونسا عمل اولسا اولور عدل و مساوات
 هانی خوف خدادن ایدن حقّی مراعات
 ظهور ایله اماندور جهان ظلمیله دولدی
 حدودینده دایانمور نه دولت نه رعیت
 کیمون هر کیمه چاتسا گوجی ایلور اذیت
 آدی عصر تمدن زمان بدویت
 ظهور ایله اماندور جهان ظلمیله دولدی
 بیر عَدَه فقرانون آلور حقین الندن
 ولی دوشموری بیر آن خدا ذکرى دلندن
 هاچان بس گوره جاقدر جزا اوز عملندن
 ظهور ایله اماندور جهان ظلمیله دولدی
 ظهور ایله اماندور آیا مجری قرآن
 اولوب حالی پریشان بو بیر عَدَه مسلمان
 ویرن یوخ سَسینه سس قالب واله و حیران
 ظهور ایله اماندور جهان ظلمیله دولدی
 بو دین ایله دی تشریع بیزه امر جهادی
 دفاع واجب عینی اولان امر خدادی

بو احکام اولو تعطیل خدایه نه روادی
 ظهور ایله اماندور جهان ظلمیله دولدی
 بو دین اوسته آخوبدور یره سو کیمی قانلار
 اولوب خاکیه یکسان برازنده جوانلار
 فدادهینه اولوبلار بودینه اینانانلار
 ظهور ایله اماندور جهان ظلمیله دولدی
 بو دین اوسته حسینون بلا دوره سین آلدی
 یارالی بدنیه اونسی توپراقا سالدی
 باشی گیچدی جدایه بدن سجده قالدی
 ظهور ایله اماندور جهان ظلمیله دولدی
 جدا اوسته دایاندی ایدوب مقصدین اعلان
 که من عاشق حقم سوسوز دینمه قربان
 اودور نیزه ده باشیم اولور گون کیمی تابان
 ظهور ایله اماندور جهان ظلمیله دولدی
 منی قتله یتوردوز که حق بی اثر اولسون
 ولی نخله باطل گرک بی ثمر اولسون
 من نولم که حقیقت داخی جلوه گر اولسون
 ظهور ایله اماندور جهان ظلمیله دولدی
 مین اوچ یوز اوتوز ایلدی تاپوب فیض شهادت
 آچوب مکتب قرآن ویروب درس سعادت

حسینیلره اولدی اونا آغلاما عادت
 ظهور ایله اماندور جهان ظلمیله دولدی
 حسین گیتدیقی یولدان بیرری گیتموری اصلا
 نه ایش ایستوری ایلور دیور باری خدایا
 بوگوز یاشلاریله یوایداخ هر نه خطایا
 ظهور ایله اماندور جهان ظلمیله دولدی
 دینده بو نه ایشدور دیور آغزیمی آشما
 بهائی سوزیدور بوداخی دینمه دانشما
 عزادار حسینوخ عزاداره دولاشما
 ظهور ایله اماندور جهان ظلمیله دولدی
 آیا عصرین امامی آیا مجری قرآن
 اولور کافره تابع دانور دینی مسلمان
 ریاضی باخور آغلور دیور هاردا قالوبسان
 ظهور ایله اماندور جهان ظلمیله دولدی

بیرگون که امام عالمه سلطان اولاجاقدی

بیرگون که امام عالمه سلطان اولاجاقدی
 دنیاده هامی تازه مسلمان اولاجاقدی
 ظلمین قازاجاخ ریشه سنی دست عدالت
 دین دین خدا دولت قرآن اولاجاقدی

بیرگون گله جاخ یر یوزینه عصرین امامی
 پر نور اولی مؤمن گوزینه عصرین امامی
 قیمت ویره جاخ حق سوزینه عصرین امامی
 هر سمتده هر یاندا چراغان اولاجاقدی
 بیرگون گیده جاخ عالم ظلم و ستم آلدن
 بی دینلر آتار هاردا که اولسا عَلم آلدن
 دین اهلی اوگونه یره قویماز قلم آلدن
 حق دوره سی حق یازماقا امکان اولاجاقدی
 بیرگون دوتا جاخ دین گونی آفاقی جهانی
 مؤمنلر ایچون کشف اولار اسرار نهانی
 بیرگون اولاجاخ شیعه لرین امن و امانی
 ظلم و ستمین ریشه سی ویران اولاجاقدی
 اسلامدن اوزگه نه که دین اولسا دایانماز
 هر دینده اولان دینین آتار دینین اینانماز
 کافر اولانون حالنه بیر کیمسنه یانماز
 هر نقطه ده اسلام اولار ایمان اولاجاقدی
 هر یر که اولا پرچم اسلام اولار اوردا
 دین اهلی اولار مردم خوشنام اولار اوردا
 قرآن اوخونار مجری احکام اولار اوردا
 هر بیر یر اولار اوردا مسلمان اولاجاقدی

هر کس تانیوب عالم غیبتده امامی
 قرآن اوخیوب آنلیوب احکام کلامی
 خوشحال اولاجاقدور که بودور اصل و مرامی
 بیر وقت اولاجا غیبتی پایان اولاجاقدی
 قرآن بیزه بیر حکم دی دستوریدی محکم
 هر کس دَگیشَنمز اونی بو سوزدی مسلم
 نُورگشماقا معناسین اونون سیزده مصمم
 قرآن بولنن عزّی نمایان اولاجاقدی
 وای اولسون او دینسیزلره قرآنی آتولار
 بودین گرانمایه نی دنیایه ساتولار
 هر ایش که اولور عادت اونی دینه قاتولار
 قرآن گله جاخ ایشلره میزان اولاجاقدی
 قرآنی اگر نُورگشه شیعه اولی راحت
 میزان عملدن اولار اعمال سلامت
 هم شاد اولی دنیاده همی روز قیامت
 هر ایش چتین اولسا اونا آسان اولاجاقدی
 شیعه اودی دستور آلا بو امر عزادن
 کج گیتیمه بیر لحظه ده احکام خدادن
 حفظ ایلیه اوز عمرینی بدکار و زنادن
 جنتده اونا حوری و غلمان اولاجاقدی

ای پرده غیبته قالان عصرین امامی
 ای جدی حسین قانین آلان عصرین امامی
 دنیانی گلوب نظمه سالان عصرین امامی
 ظلمت چکلوب روز درخشان اولاجاقدی
 بو سید حسین آدلی ریاضی سنی گورسه
 باشه یتوشر فکرت ماضی سنی گورسه
 حفظندن اولار عمرده راضی سنی گورسه
 دنیا گجوری دوره سی پایان اولاجاقدی

اونداکه عصرین امامی عالمه سلطان اولار

اونداکه عصرین امامی عالمه سلطان اولار
 دین اولار اسلام دینی دولت قرآن اولار
 بو امام عصره تابعدور حقیقی شیعه لر
 عامل احکام قرآن ملت ایران اولار
 معنی قرآنی امت بیلیمسه نادان اولار
 معنی قرآن بیلنلر خرم و خندان اولار
 بوجهانی که گورورسوز هرچ و مرج و بیقرار
 هیچ کسون یوخ اختیاری هامیدور بی اختیار
 اهل دین و مذهب هر بیر طرفدن وار فشار
 گر ظهور ایتسه امام آسوده لوخ امکان اولار

دندرز اهل جهانین فکرینی اندیشه سین
 محو ایدر دست عدالت ظلم و جورین ریشه سین
 مردم دنیا دوتالار دین و قرآن پیشه سین
 بیر چتین قالماز جهاندا هر نه وار آسان اولار
 حیف اولادینی اولان معنای دینی قانموری
 مغزی باطل سوزلریله خشک اولوب ایسلانموری
 دین و قرآنه عقیده ایلور اصلا دانموری
 بیلیمور عمری بو طریقيله گچوب پایان اولار
 ایستوری هر ایشده عادت وار اونی ترک ایتمسون
 هر عبادتدن که عادتدور کناره گتمسون
 قورخوری ترک ایتسه عاداتی مرامه یتمسون
 دیندن چون خارج اولدی تابع شیطان اولار
 بیلیموری وار هر عملدن اوتری قرآندا سَنَد
 هر نه ایش گورسه گرگ قرآنه ایتسون مستند
 حکم قرآندان چخان کافردی بی دیندور عَنَد
 روز محشرده قاچانماز واصل نیران اولار
 پرچم اسلام ایدن گون بوجهاندا اهترار
 شیعه پاک علیدور هر طرفده سرفراز
 لشکر اسلامی مؤمنلر ایدلر پیشواز
 مطلقا مجرادی هر بیر حکم اولار فرمان اولار

ای مسلمانان قوی دیندور بو دینوز آتمیون
 چوخ بهالی دینیدور اسگیک بهایه ساتمیون
 صاحب دینوز گلر ، بیدار اولار سوز یاتمیون
 ذوره امن و امان و صلح و اطمینان اولار
 اونداه که عصرین امامی عالمه اولدی امیر
 هر نه لامذهب اولامطلق اولولار دستگیر
 فرقه باب و بهائینی امام ایلر اسیر
 هر نه حزب اولسا جهاندا سربسر ویران اولار
 اونداه که عصرین امامی اولدی سلطان جهان
 کشف اولار مؤمنلره هر گونه اسرار نهان
 تابع امر ولی عصر اولار کون و مکان
 اهل دل خوشحال اولور زنده دل انسان اولار
 اونداه که عصرین امامی ایتدی دنیاده ظهور
 روی دنیانین دوتار سرتاسرین آثار نور
 محو اولار هر یرده اولسا مرکز کبر و غرور
 زندگانلوخ ایملینلر عامل قرآن اولار
 ای حسینیلر عزادارلوخ بیوک دستور دور
 محضر پاک امام عصرده منظور دور
 خوش او دستوره که او قرآنه دینه جور دور
 رده اولار هر بیر عمل که اونداه بیر نقصان اولار

سعی ایدون اعمالوزی تطبیق قرآن ایلیون
 تا حسینون خدمتین دنیایه اعلان ایلیون
 دینسبز بیگانگانی سبز مسلمان ایلیون
 گورسه هر کس دوز مسلمان صاحب ایمان اولار
 کهنمونئی بو عمللر چوخ بیوک آثار دور
 حیف اولاملت یاتوبدور روحیده بیمار دور
 دوزهدن اسلام دینین آختاران بیدار دور
 خوار ایدن دینی نظرده پیرو نادان اولار

ای مسلمانلار سیزه قرآن کتاب الله دور

ای مسلمانلار سیزه قرآن کتاب الله دور
 هاردا بیر مسجد اولاققرآنه دانشگاهیدور
 سعی ایدون اولادوزه مسجده قرآن نورگدون
 بوجوانلار معنی قرآنه ناآگاهیدور
 گورمسوز متروک اولوب احکام دینی گورمسوز
 گورمسوز یاددان چخور اسلام و دینی گورمسوز
 گورمسوز بدنام ایدیرسوز نام دینی گورمسوز
 معنی قرآنی هر کس بیلمه سه گمراهیدور
 گورمسوز قرآن و دیندن بیر خبر یوخدور سیزه
 گورمسوز وعاظ مسجدهن اثر یوخدور سیزه

گور مسوز اعمال دینوزدن ثمر یو خودور سیزه
 بونماز و دین و قرآنه یاخین بیر راه دور
 سیز مسلمان حقیقی صاحب دین اولمادوز
 بیلمدوز معنی قرآن اهل تمکین اولمادوز
 دین ده محکم دورمادوز بالمزه بی دین اولمادوز
 بیلمدوز هر یول گیدیر سوز راه دور یا چاه دور
 هر ایشی عادت ایدوبسوز دینه منسوب ایله دوز
 بیله بیلدوز غیر اهل دینی مغلوب ایله دوز
 یخدوز اهل کفر ایوین کفاری منکوب ایله دوز
 بیلمدوز دینسیز لری هر امروزه آگاهیدور
 معنی قرآن بیلیدوز دینوزه آگاهیدوز
 خلقه قرآن نوروگدن استاد دانشگاهیدوز
 کج گیدن گمراهیانه رهنمون راهیدوز
 سیز بولردوز کیم مسلمان دور کیمی گمراهیدور
 هر جوان که معنی قرآنیدن آگاه اول
 دور تحصیلنده دانشجوی دانشگاه اول
 قویماز اوز یولداشلارین حق راهیدن گمراه اول
 چونکه قرآن نورگشوب دارای عز و جاه دور
 گور مسوز اولادوزی همراه اولور بیکسره
 سس ویریر نادان گلوردن اوجالمش سسلره

بو بویوک ایراد دور تازه جوان نور سلره
 کج گیدور قرآن یولوندان گوئیا بیراه دور
 ظاهراً دیندار اولوبسوز دینی تکمیل ایتمدوز
 مکتب قرآنیده قرآنی تحصیل ایتمدوز
 ایشلرورده آیه قرآنی تأویل ایتمدوز
 بیلمدوز قرآن کتاب الله سبیل الله دور
 ملت قرآن گرک قرآنیله ایتمسون عمل
 معنی قرآنی بیلسون ایتمسون جنگ و جدل
 قویماسون اولادی دینسیز کافر اولسون لا اقل
 دینینه دقت ایدر هر کیمسه که دین خواه دور
 هر نه عزت وار سیزه دینوزده قرآنوزده وار
 هر نه امکان نجاتوز واردی ایمانوزده وار
 نورگشون دینی نقدری قدر توز جانوزده وار
 مرحبا اولسون او شخصه دینیله همراه دور
 کهنمونئی یازدی عاشورانی اعلان ایله دی
 قرخ ایلی تبریزیده تبلیغ قرآن ایله دی
 درس قرآن ویردی قرآن درسین آسان ایله دی
 سویله دی مردم بیلون مسجد عبادتگاهیدور

در سال ۱۳۴۱ شمسی بود که این اشعار گفته شد در این دوران من خودم ناظر بودم در اکثر مساجد که هیئت های حسینی و بسیار تعزیه و مجالس ترحیم بر پا میشد مثلاً موقع ظهر و یا عصر وقت نماز که میشد اولاً وقت اول نماز را مراعات نمیکردند مجلس مربوطه را در اذان نماز ادامه میدادند و اگر نماز شروع میشد در مسجد به نماز نمی ایستادند می نشستند و یا از مسجد خارج میشدند و بعد میامدند ادامه مجلس را اجرا میکردند که واقعاً اسف آور بود ولی در اثر گفتار و نوشتار این مرحوم و امثال او وضع بتدریج اصلاح شد.

قرآن اوخینلر - قرآنی بیلنلر

خوش حالوزه ای معنی قرآنی بیلنلر

عامل اولان احکامنه ایمانی بیلنلر

قرآن اوخینلر - قرآنی بیلنلر

سبز یاخشی گوروسوز نئجه دین دربدر اولدی

پیغمبروزین چکدیغی زحمت هدر اولدی

دین اهلنه دینه عمل ایتماخ ضرر اولدی

دینایه باخوب شیوه دنیانی بیلنلر

قرآن اوخینلر - قرآنی بیلنلر

ای معنی آیات خدانی دوشونلر

ای گردش دوران جهانی دوشونلر

ای مفسده پیر و جوانی دوشونلر

ای وعده اولان دوره دورانی بیلنلر

دقتله گوروسوز نه که قرآندا اوخوسوز

عکس العملین دینلی مسلماندا اوخوسوز

دین شهری اولان ملکده هر یاندا اوخوسوز

ای دین یولونی دینده کی ارکانی بیلنلر

قرآن اوخینلر - قرآنی بیلنلر

ای آتش هجران امامیله یانانلار

ای مذهب بابینی بهائینی دانانلار

ای معنی قرآنی حقیقته قانانلار

شیطانی گوروب حيله شیطانی بیلنلر

ای کاش هامی معنی قرآنی بیلیدی

قرآنیله گردنده دنیانی بیلیدی

قرآن اوخیوب معنی ایمانی بیلیدی

قرآن اوخین معنی ایمانی بیلنلر

سبز یاخشی بیلورسوز که بوایشلر باشا گتمز

عدلیله ستم جفت یاشایار جفت قوشا گتمز

هر ظلم بناسی داغلوب یولداشا گتمز
 ای هر عملین صاحبی انسانی بیلنلر
 قرآن اوخینلر - قرآنی بیلنلر
 ای کاش آچیلیدی بیزه بیر مکتب قرآن
 تا نؤرگشه قرآن اولا هر یرده مسلمان
 معنایی بیلن حکمه عمل ایلیه هر آن
 عامل اولی هر بیر سوزه معنایی بیلنلر
 قرآنه اگر عامل اولیدی بوجماعت
 ظلم و ستم و جور ایدن ایتزدی جسارت
 هر شهرده اجرائیدی قانون عدالت
 ای بو عملین حکمنی فرمانی بیلنلر
 قرآن اوخینلر - قرآنی بیلنلر
 قرآن بیزه گلدی که اوخونسون عمل اولسون
 بیس ایشلریمز یاخشی ایشیله بدل اولسون
 تغییر طریق اولمیا دین ازل اولسون
 ای مذهب حق معنی قرآنی بیلنلر - گورنلر
 قرآنینون احکامنه بیزدن عمل اولسا
 رفع ایلر اونون خالقی هر نه خلل اولسا
 کافر گورر اسلامی اگر ال به ال اولسا
 اسلامه گلر موسی و عیسانی بیلنلر

قرآن اوخینلر - قرآنی بیلنلر
 دنیا دوزه له بیلیمز اگر اولماسا قرآن
 معناسین اونون بیلیمسه دنیاده مسلمان
 قرآنه عمل ایتمین حیرته دی هر آن
 ای حق تانیوب خالق یکتانی بیلنلر
 بیر گون که گلر عصرین امامی بوجهانه
 قرآنه عمل ایلر او سلطان یگانه
 قرآن نیه نؤرگشمه میسن یوخی بهانه
 ای صاحبین اسلامین او سلطانی بیلنلر
 قرآن اوخینلر - قرآنی بیلنلر
 دنیا گچه جاق دوره قرآن اولاجاقدی
 معنایی بیلن شاد و خرامان اولاجاقدی
 عصرین گله جاق صاحبی سلطان اولاجاقدی
 ای حق ایلین وعدییه ایفانی بیلنلر
 چوخ ایل چالشوب مکتب قرآندا ریاضی
 چوخ شرح ویروب معنی ایماندا ریاضی
 تبریزده بو خطه ایراندا ریاضی
 شاهدی منه معنی قرآنی بیلنلر
 قرآن اوخینلر - قرآنی بیلنلر

معنی قرآنی مؤمن بیلمسه کافر بولر ؟

نورگشون هرگونه ای اسلامیان قرآنوژی
 حکمین اجرا ایلیون گورسون جهان قرآنوژی
 روز عاشورا حسین احيای قرآن ایلدی
 قائلو باشی نیزه ده ایتدی بیان قرآنوژی
 هارداکه بیر آیه گوردون بیلمدون معناسینی
 گچمه تیز نورگش ایله هر امرینون اجراسنی
 هر شب جمعه اوخورسان آنلامورسان یاسینی
 قلب قرآندور اوردور یاده سالان قرآنوژی
 اونداکه لطف ایله دی خلاق سبحان ملته
 ایستدی زور ایتمسون انسان و شیطان ملته
 گوندورب پیغمبری نورگتدی قرآن ملته
 نورگشوب هر شهزیده پیر و جوان قرآنوژی
 دین آدیله گوردی دینی محو ایدور دینسیز یزید
 ملته ناجور اولور تفسیر قرآن مجید
 حقّی اثبات ایلماخدا اولدی لب تشنه شهید
 تاحقیقت اهلنه ویرسون نشان قرآنوژی
 حکم قرآنی نیه دینسیزلره نورگتمدوز
 دین دانان الله سیز آئین سیزلره نورگتمدوز

بس نیه نورگشمدوز سیز بیزلره نورگتمدوز
 درس دین اسلامیده ایتدوز هاچان قرآنوژی
 حکم قانون نظامینی هامی لشگر بولر
 تابع و سر جوخه و سر لشگر و یاور بولر
 معنی قرآنی مؤمن بیلمه سه کافر بولر ؟
 خلقه دنیاده نیه ایتدوز نهان قرآنوژی
 آچمادوز آیانیه دنیاده قرآن مکتبین
 بیلمدوز قدرین بو پاک و بومقدس مذهبین
 اجنبیلردن آلور اولادوز اصل مطلبین
 بی اثر بی فایده آنلور جهان قرآنوژی
 اولین درسی که واجبدر سیزه قرآنیدی
 نورگشه معناسنی هر کیم بوله انسانیدی
 بولمیه یا اولمیا عامل اونا نادانیدی
 درس واجب ایتدی خلاق زمان قرآنوژی
 هر عمل که آیه قرآنیله جور اولماسا
 صاحبی غم ایتمسون بیر اجره مأجور اولماسا
 جنت اهلله اگر جنت ده محشور اولماسا
 بیلمیوب نورگشمیوب نازل اولان قرآنوژی
 سعی ایدون سیز حدّ دین مصطفادن چخمیون
 روح دینی منجنیق دردو غمده سیخمیون

دین و قرآنین ایوین باطل الیله یخمیون
 دینوزه بیلسون سند بیگانگان قرآنوزی
 هر قدر نُورگشمیوب قرآنی اطفالوز سیزون
 گورمز اصلا بیر زمان صلح و صفا حالوز سیزون
 خوار و بیمقدار اولار دنیاده امثالوز سیزون
 قویمیون اطفالوز ایتسون روی خوان قرآنوزی
 درس قرآن نُورگشوب نُورگتماقی واجب بیلون
 دین یولون قرآن یوليله گیتماقی واجب بیلون
 معنی سین اشخاصه تلقین ایتماقی واجب بیلون
 ایلیوب باور زمین و آسمان قرآنوزی
 علم سیز دینسیز مسلمان دینه اخلاص ایله دی
 اولدی گمره مردم اسلامی گمره ایله دی
 خلقه دینی نُورگدن قرآنوزی لال ایله دی
 قویمادی دنیایه ویرسون بیر تکان قرآنوزی
 اولماسا بوگون سیزه معنای قرآندان اثر
 دور دنیا دور بیلون هر جور اول دنیا گجر
 برزخ و محشر علامتین ویرر قرآن خبر
 ایلیوب خالق سیزه صاحب لسان قرآنوزی
 کهنموئی عمرینی صرف ایلدی قرآنیده
 ویردی قرآن درسینی هر موقع و هر آنیده

باخمادی هر اعتراضه فرقه نادانیده
 قرخ ایلی تبریزیده ایتدی بیان قرآنوزی

عزم خراسان گیدیروخ

رفقا ایلمشوخ عزم خراسان گیدیروخ
 مرقد پاک شه طوسه ثنا خوان گیدیروخ
 بیلمروخ اذن دخولی ویره جاخ ویرمیه جاخ
 اودی ناخوانده قوناق تک هامی مهمان گیدیروخ
 چون امامین قاپوسی شیعیه باب الله دور
 عفو و اغماض امیديله شتابان گیدیروخ
 ایلیاخ توبه گناهی یوواخ اشک تريله
 یازمیه بیرده خطا کاتب عصیان گیدیروخ
 سیز بیزی تاپشورون الله سلامت یتشاخ
 بیزده اوردا سیزی یاد ایتماقا هر آن گیدیروخ
 مور تک پای ملخ الده سلیمان ایوینه
 گوز یاشین اخذ ایلیوب تحفه ارزان گیدیروخ
 جَدّینون محنتنی اوغلونا یاد ایلماقا
 الده بو نوحه لری ایلیوب عنوان گیدیروخ
 عمه سی زینب اوگون که یتشوب قتلگه
 دیدی دورقارداش حسین شامه پریشان گیدیروخ

بیز گلنده بوچوله گلمیشدوخ عزتيله
 گورنه وضعيله هامی دیده سی گریان گیدیروخ
 جور خاريله سولوب گل یتشوب فصل خزان
 مسکن زاغ و زغن اولدی گلستان گیدیروخ
 دولاتور آختاروری اوز گلینی هر بلبل
 آیریلوخ دردینه تا ایلیه درمان گیدیروخ
 کهنمویی بیزه خادمدرور اوزی سید دور
 ایستیخ حقدن اونون ذنبه غفران گیدیروخ

هر وعده معهوده اجل اولماسا اولماز

هر وعده معهوده اجل اولماسا اولماز
 زنبوعسلدن ده غسل اولماسا اولماز
 دنیاده هر ایشدن که سنه خوش ثمر اولمور
 دین اولماسا قرآنه عمل اولماسا اولماز
 خلقتدن ازل سویلدی قرآنینی رحمن
 تا نورگشه تسلیم اولا قرآنه مسلمان
 قرآن ایلوب مردمه هر ایشلری آسان
 دین اولماسا قرآنه عمل اولماسا اولماز
 خالق که سیزوندور بلی دنیاسی سیزوندور
 دنیانون اولان رتبه اعلاسی سیزوندور

روضاتی سیزون جنت والاسی سیزوندور
 دین اولماسا قرآنه عمل اولماسا اولماز
 خلق ایلمه مش خلقه یازوب روزینی خالق
 دنیاده گلوب راحت اولا جمله خلاق
 هرکس که اوزی ایستور اولا جنته لایق
 دین اولماسا قرآنه عمل اولماسا اولماز
 دین درسنی نورگشمین آواره دی مطلق
 یوخ دردلرینون چاره سی بیچاره دی مطلق
 محشر گونی محشرده یوزی قاره دی مطلق
 دین اولماسا قرآنه عمل اولماسا اولماز
 قرآنی که پیغمبرینه گوندروب الله
 نورگدسون اونی ملته تا ایله سون آگاه
 نورگشمیه قرآنی اولار ملتی گمراه
 دین اولماسا قرآنه عمل اولماسا اولماز
 قرآن که گلوب جمله ادیانی آپاردی
 موسی نی گوتوردی دنوب عیسانی آپاردی
 افکار یهودی و نصارانسی آپاردی
 دین اولماسا قرآنه عمل اولماسا اولماز
 قرآندا بیوردی بوسوزی خالق یکتا
 تابع اولا قرآنه یهودی و نصاری

یا هر نه عبادت ایده بیهوده‌دی بی جا
 دین اولماسا قرآنه عمل اولماسا اولماز
 قرآن که گلوبدور بیزه دستور العملدور
 نه تک بیزه دستوری‌دی دنیایه مثلدور
 هر ایش اولا قرآندان اولا حکم ازلدور
 دین اولماسا قرآنه عمل اولماسا اولماز
 دوت دامن قرآنی آلون چکمه بوراخما
 اگلش اوتی راحت قورولوب شورشه‌قاخما
 هر نه دیله سوزلی‌دی بی جا سوزه باخما
 دین اولماسا قرآنه عمل اولماسا اولماز
 قرآنه عمل ایت نجه‌گور راحت اولورسان
 فکرون آزالی هر گونی بی زحمت اولورسان
 دین اولماسا هر ایش اولا ناراحت اولورسان
 دین اولماسا قرآنه عمل اولماسا اولماز
 قرآنی اوخی کرب و بلا درسنی ئورگش
 اول اهل وفا اهل وفا درسنی ئورگش
 دینه عمل ایت دین خدا درسنی ئورگش
 دین اولماسا قرآنه عمل اولماسا اولماز
 دنیاده حسین مذهب و ایمانی دیرتدی
 قرآنه عمل ایلدی قرآنی دیرتدی

بیر بو سوزیله مردم دنیانی دیرتدی
 دین اولماسا قرآنه عمل اولماسا اولماز
 بو سید حسین آدلی ریاضی‌دی بیلورسن
 دین اوسته هامی زحمته راضیدی بیلورسن
 تازه‌دگی بو صحبت ماضیدی بیلورسن
 دین اولماسا قرآنه عمل اولماسا اولماز

قرآنه عمل ایتموری قرآن اوخینلر

قرآنه عمل ایتموری قرآن اوخینلر
 قرآن یولونی گیتموری قرآن اوخینلر
 معبوده عبادت یولی قرآنیدی قرآن
 مخلوقه هدایت یولی قرآنیدی قرآن
 دنیاده سعادت یولی قرآنیدی قرآن
 قرآنه عمل ایتموری قرآن اوخینلر
 بیر عده نی مشغول ایلوب درس قرائت
 بیر عده ایدور بحث ندور حکم بلاغت
 بیر عده ده باغلور قولونا گورمیه آفت
 قرآنه عمل ایتموری قرآن اوخینلر
 هر وعده اولونسا اونا مطلق اجل ایستور
 نحلی یارادان خالق یارادان عسل ایستور

قرآنی بیزه گونده رن الله عمل ایستور
 قرآنه عمل ایتموری قرآن اوخینلر
 بیر عده که انکار ایدیر آیات کتابی
 کافر دیله مطلق اولارین پاکدی حسابی
 هر کس که منافقدی اونون چوخدی عذابى
 قرآنه عمل ایتموری قرآن اوخینلر
 چوخلار سونور اسم اروپانی دینده
 آداب مسیحی و نصارانى دینده
 اما قولاق آسماز اونا قرآنی دینده
 قرآنه عمل ایتموری قرآن اوخینلر
 هر عمر ایلین قیمت ایامنى بیلسون
 هر امرده لازمدی سرانجامنى بیلسون
 دین اهلی گرگ دیننون احکامنى بیلسون
 قرآنه عمل ایتموری قرآن اوخینلر
 بیر عده آدی مسلم اوزی کافر مطلق
 هر کس بیله دور عار دور اسلامه محقق
 قرآن دیوری کیمدور اولان مؤمن برحق
 قرآنه عمل ایتموری قرآن اوخینلر
 هر کس اوخومور راه سعاداتینی بیلمور
 هر بیر عملین اجر و مکافاتنى بیلمور

بیر عده اوخور معنی آیاتنى بیلمور
 قرآنه عمل ایتموری قرآن اوخینلر
 بوقاعده مرسوم جهان دور ازندن
 زنبور عسل خلقه تاینیدی عسلدن
 هر ملتى عالمده تانولار عملندن
 قرآنه عمل ایتموری قرآن اوخینلر
 بیر عده جوانلار که بوگون دینده قالمور
 دین پرچمی بیر سایه باشی اوستنه سالمور
 بو علتیه دور درسنى قرآنیدن آلمور
 قرآنه عمل ایتموری قرآن اوخینلر
 هر کس ایده دنیاده مسلمانلقى اظهار
 برنامه سی قرآنیدی قرآن بیله ناچار
 قرآن اوخیه ایلیه قرآنیه رفتار
 قرآنه عمل ایتموری قرآن اوخینلر
 جاهل اوزینون قبرین اوزی قازدی بوگونه
 گج گیتدی حقیقت یولونی آزدی بوگونه
 قرآن اوخیوب عامل اولان آزدی بوگونه
 قرآنه عمل ایتموری قرآن اوخینلر
 بیر عده ده قرآن اوخیوب دینی اوجاتدی
 اوز مالینی اوز جانین آغیر قیمته ساتدی

توپراقلا رین اوستنده سوسوز قانینه باتدی
 قرآنه عمل ایتموری قرآن اوخینلر
 عباس علمداریده ذات الکرب ئولدی
 مالک اولوب اوز نفسینه چوخ با ادب ئولدی
 قرآن اوخودی ایچمدی سوتشنه لب ئولدی
 قرآنه عمل ایتموری قرآن اوخینلر
 دنیاده ریاضی اوخی قرآن عمل ایله
 هر آیه سی ایمانیدی ایمان عمل ایله
 گر ایسته سون امرون اولاسان عمل ایله
 قرآنه عمل ایتموری قرآن اوخینلر

راز و نیاز مکه

ای خدا بو درگاه پاکیه گوزده اشک دیده گتورموشم
 بار معصیت قدیمی بوکوب بیر قد خمیده گتورموشم
 ایتدیقیم خطالر خدای من چوخ منی سرافکنده ایلوب
 شکر اولامقدم گناهیمه دلدی پاک عقیده گتورموشم
 هر قدر که سرکشلوخ ایله دیم لطفوی منه کامل ایله دون
 ایتدیقیم مخالف عمللری فرض ایله ، ندیده گتورموشم
 ارتباطیمی کسمیشم هامی ملک و مالدن قوم و خویشدن
 سیئاتیمه حامل اولموشام خالق مجیده گتورموشم

واردی بیر بیوک حاجتیم منیم گل منی اودوندان خلاص ایله
 بیر اوزن اوزاق یول ، امیدیمی دلدی بونویده گتورموشم
 کهنموئییه قسمت اولمادی تا بیز یله بو وقفه نی گله
 آرزوسینی زایر اولماقا وقفه جدیدی گتورموشم